

ՀՐԱՏԱՐԱԿՈՒԹԻՒՆ ԱԶԳ. ՊԱՏՐԻԱՐՔԱՐԱՆԻ

# ՄԱՅՐԵՆԻ ԼԵԶՈՒ ՀԻՄՆՈՎԻՆ ԲԱՐԵՓՈԽՈՒԱԾ

ՀԱՏԵՆՏԻՐ ՔԱՂՈՒԱԾՔ  
ՄԻԶԻՆ ԳԱՍՔԵՐԱՑՔ

Ա. ՏԱՐԻ

ԲԱՐՁՐԱԿԱՆ ԸՆԹԵՐՅՈՒՄ ԹԵՂԱԴՐՈՒԹԵԱՄԲ, ԶԱՅԵՎԱԴՐԵ, ՀԱՅՈՒԱԾԸ, ԲԱՌԱԴԻՑԱԿԱՆ ՄԹԵՐԲ ՈՒ ԻՐԱԳԻՑԱԿԱՆ ՆԱԼՈԹՈՒԹԻՒՆՆԵՐ, ՊԱՏՐԱՍՈՒԹԻՒՆ ԳՐԱԳԻՏՈՒԹԵԱՆ, ՆԱՆՈԲ ԲԱՌԵՐՈՎ, ԿԱՐՃ ՆԱԽԱԳԱՍՈՒԹԻՒՆՆԵՐ ԿԱԶՄԵԼ. ԳԻՖՏԵՐ. ԴԻՄ ԱԽՆԴԵՐՆԱԿԱՆ ՇԱՐԱԴՐՈՒԹԵԱՆ ՆԵՐԵՐ ԹԵՂԱԴՐՈՒԹԵԱՄԲ :



Ծանօթէն անծանօթը  
Պարզէն բաղադրեալը  
Դէմ յանդիմանական ուսուցում  
Ասիճանական զարգացում

ՀՊԱԳՐՈՒԹԻՒՆ  
Ա. Է. ՏԵՐ-ՆԵՐԱԿԱՆՈՒ

Ա. ՊՈԼԻԱ

1907

491.99-8

Մ-23

1005-10



Ա Ա Յ Ա Տ Ե Խ Ե Լ Ե Զ Ո Ւ

ՀԻՄՆՈՎԻՆ ԲԱՐԵՓՈԽՈՒԱԾ

ՄԻԶԻՆ ԳԱՍԸՆԹԱՅՔ

Ա. ՏԱՐԻ

ՀՐԱՏԱՐԱԿՈՒԹԻՒՆ ԱԶԳ. ՊԱՏՐԻԱՐքԱՐԱՆԻ

# ՄԱՅՐԵՆԻ ԼԵԶՈՒԻ

## ՀԻՄՆԱՎԻՆ ԲԱՐԵՓՈԽՈՒԽԱԾ

## ՀԱՏԵՎՏԻՐ ՔԱՂՈՒԱԾՔ

# ՄԻԶԻՆ ԴԱՍԼԵԹԱՑՔ

U. S. GPO

معارف عمومیه ناظارت جلیله سنک فی ۱۹۰۱ ایلوول ۳۲۲ تاریخی  
و ۲۵۳ نوس ولی رخصت نامه سیله طبع او لندندر

ԲԱՐՈՎԱԿԱՆ ԸՆԹԵՐՅՈՒՄ ԹԵԼԱԴՐՈՒԹԵԱՄԲ , ԶՐՈՒՑԱԳՐԵՍ ,  
ԲԱԱՐԳԻՏԱԿԱՆ ՄԹԵՐԲ ՈՒ ԻՐԱԳԻՏԱԿԱՆ ԱԱՆՈԹՈՒԹԻՒՆՆԵՐ ,  
ՊԱՏՐԱՍՈՒԹԻՒՆ ԳՐԱԳԻՏՈՒԹԵԱՆ , ՆԱՆՈԹ ԲԱՌԵՐՈՎ .  
ԿԱՐԺ ՆԱԽԱԴԱՍՈՒԹԻՒՆՆԵՐ ԿԱԶՄԵԼ . ԳԻՒՑԵՐ .  
ԳԵՄ ՅԱՆԴԻՄԱՆԿԱՆ ՏԱՐԱԴՐՈՒԹԵԱՆ ՆԻՒԹԵՐ  
ԹԵԼԱԴՐՈՒԹԵԱՄԲ :

## Ծանօթէն անծանօթը

Պարզէն բաղադրեալ

**ԴԵՄ յանդիմանական ուսուցում**

## Ասիմանական զարգացում

**ՏՊԱԳՐՈՒԹԻՒՆ**

四百

1907

24.06.2013

ՊԱՏՐԻԱՐՔԱՐԱՆ ՀԱՅՈՑ

Կ. Պոլիս 5 Փետրվար 1905

Համար 1982

## ՎԱՀԵՌԱԳԻՐ

ՈՒՍՈՒՄՆԱԿԱՆ ԽՈՐՀՐԴՈՅ ԱԶԳ. ԿԵԴՐ. ՎԱՐՉՈՒԹԵԱՆ

Ուսումնական խորհրդոյ պատութեան առաւ «Մայրենի Հեղու» դասագիրքին Գ. մասմ՝ nr կը պատկանի Միջին Դաս-  
ալիբացի շրջանին, եւ անոր պարունակութիւնը համաձայն  
գտնելով Ազգ. Վարժարանաց Կրթական Ծրագրին վաւերա-  
ցուց գայն, եւ արօնեց անոր կիրառութիւնը Միջին Դա-  
սալիբացի աշակերտաց եւ աշակերտունեաց համար.

Ի Դիմաց Ուսումնական Խորհրդոյ

Վ. ԱՏԵԲԱԴՎՐԻ

ԲԱՐՍԵՂ. ԱԻԵՏԻՍԵԱՆ

ԱՏԵԲԱՋԵՏ

ՏՈՒԹ. Տ. ԱՃԵՄԵԱՆ



62058-67

## ԶԵԿՈՅՑ

ՄԱՅՐԵՆԻ ԼԵԶՈՒԻ ՄԻԶԻՆ ԴԱՍԸՆԹԱՑՔ

Քաջալերուելով այն ջերմ զնահատուրենէն , զոր ընծայեցին Ազգ . Վարժարաններու Հոգաբարձուրիւնք եւ ուսուցիչ՝ Նպաստից Յանձնաժողովոյ սեփական դասագիրքներէն Մայրենի Լեզու Մանկապարտէզ Ա. Եւ Բ. Եւ Տարրական Ա. Եւ Բ. հատորներն ընդունելով իրենց դբարցներու մէջ , Յանձնաժողովս կը ձեռնարկե հրատարակութեան Մայրենի Լեզու Միջին Ա. Եւ Բ. հատորներու , պատրաստուած նոյն դիւրուսոյց մերոտով եւ ուղղութեամբ , որով օժուած կին նախորդ հատորներն .

Յանձնաժողովս աներկմիս է որ միեւնոյն զնահատման եւ ընդունելուրեան պիտի արժանանան այս հատորներն եւս , նիւրական շահ մը յառաջ բերելով նաև Նպաստից Սննուկին , որուն հասուրից մաս կը կազմէ այս դասագիրքներու վահառման արդիւնքն :

ԱԶԳ. ՊԱՏՐԻԱՐՔԱՐԱՆԻ  
ՆՊԱՍՏԻՑ ՅԱՆՁՆԱԺՈՂՈՎ



# ՄԱՅՐԵՆԻ ԼԵԶՈՒ

ՄԻՋԻՆ ԳԱՍՏԱՎ ԱՅ Ք

Ա. ՏԱՐԻ

ԴԱՍ Ա.

ԳԻՐՔԸ

Աղքատ ծնիլ, որդեակ իմ, դժբախտութիւն  
համարուած է և լա՛ւ, այս դժբախտութեան ա-  
ռաջին գարմանն է ուստիր : Անիկա որ լաւ դաս-  
տիարակութիւն առած է, իսկոյն կը զգայ թէ իր  
արժէքը կրկնապատկուած է : Անիկա առաւել կը  
յարգէ իր անձը ու առաւել կը յարգուի զի՞նքը  
ճանչցողներէն :

Ուստի վայրկեան մը իսկ մի՛ կորմնցներ, երբ  
երթաս նստիս վարժարանի նստարաններուն վրայ:  
Սիրէ դիրքերդ որով կը ջանաս լուսաւորել մատով  
իմացտկանութիւնդ, սիրէ անոնք բոլոր որտով, և մի  
առ մի խլէ անոնց պարտնակած դասերը : Փոքրիկ

Դերքդ. կը սիրէ զքեզ, թէեւ դուն միտքէդ անդամ  
չես անցներ . բարեկամ մըն է այն՝ որ քեզի կը խօսի  
և կուզէ քեզ լուսաւորել : Փոքրիկ սեւ գիրերէ  
բաղկացած այս կանոնաւոր տողերն՝ որ աչքիդ առ-  
ջեւ կը պարզուին , ո՞վ զանոնք տողած է , եթէ ոչ  
զքեզ սիրող ձեռք մը : Մայրդ չէ միակ որ խան-  
դակաթ աչքով կը սիրէ զքեզ : Անիկա ալ որ քե-  
զի կը խօսի հոռ՝ գիրքիդ ձայնով , անծանօթ ,  
բայց անձնուէր բարեկամ մըն է , որ կը բաղձայ եր-  
ջանիկ տեսնել զքեզ : Անսա՛ , որդեակ իմ , գիր-  
քիդ դասերուն , սիրէ՛ որշափ կրնաս : Իմաստու-  
թիւնն երջանկութիւն մըն է :

Թէլադրութիւններ . — Ի՞նչը գժբաղդութիւն հա-  
մարուած է . — Ի՞նչո՞ւ . — Ասոր առաջին դարմանը ի՞նչ  
է . — Ո՞վ կ'զգայ իր արժէքը . — Ո՞վ կը յարգէ իր ան-  
ձը . — Ուսմամբ ի՞նչպէս կը դարմանուի աղքատութիւ-  
նը . — Վարժարանին մէջ ի՞նչ բնելու է . — Ո՞վ է քու  
բարեկամդ . — Ի՞նչ կ'ընէ . — Որո՞նք են հոգածուներդ .  
— Գիրքն ի՞նչ է . — Ի՞նչեր կը բաղձայ . — Ո՞րն է եր-  
ջանկութիւնդ . — Ո՞վ գտած է Գիրերը . — Ո՞վ շարած  
է . — Ի՞նչպէս կը շարեն . — Ի՞նչպէս կը տողեն . — Ի՞նչ-  
պէս կը կազմեն :

## Դ. Ա. Ա. Բ.

2. Մէյմէկ խօսք կազմել հետեւեալ բառերով . (գը-  
րաւոր) .

Աղքատ , ծոյլ , գժբախտութիւն , ուսում , յար-  
գանք , նստարան , լուսաւորել , իմացականութիւն , փու-  
թալան , բարեկամ , բաղկացած , խանդակաթ , երջանիկ ,  
իմաստութիւն :

Օրինակ . — Ուսումը մեր միտքը կը լուսաւորէ ,  
մեր սիրաը ու հոգին կ'աղնուացնէ :

3. Հրահանգ , զիւսեր . — (գրաւոր) , Ե՞նչ կ'ընէ ու-  
սուցիչը , մշակը , գերձակը , գարբինը , ատամնաբոյժը ,  
սասակերհանը . հիւսնը , պայտարը , սակիրիչը :

4. Գաէք ասանց ձայներն ու մէյմէկ խօսք կազ-  
մեցք (գրաւոր) :

Գաոք կը մայէ , իսկ կո՞վը , ձի՞ն , է՞շը , չո՞ճը ,  
կատո՞ւն , սոխա՞կը , կաքա՞ւը , ասի՞ւծը , օձը՝ մեղսո՞ւն ,  
հա՞ւը :

## Ա. Ռ. Ա. Ծ


Աղքատը գժբաղդ չէ , այլ տղէտը :

—

ԴԱՍ Պ.



ԱՆՕԲԻ ՄԱՆԿԱՆ



ՅԻՍՈՒԽ ՄԱՆԱԼԻԿԻՆ

Մայրիկիդ գերկը փարած ստինքին ,  
Յիսուս , ժամին մէջ այն սեւ ու տխուր ։  
Կանթեղին լոյսին առջեւ շալազին  
Մայրիկիդ կ'առնես զգուանի ու համբոյը :

Եթէ կը մըսիս հոս գիշեր ատեն ,  
Եկուր օրրանըս պառկինք միասին ,  
Հոն՝ քոյրերըս զիս վերմակով պատեն ,  
Պատուհանէն ալ կը նայի բուսին :

Գիտեմ , կը վախնաս , երրոր Տէր-պապան ,  
Իր սեւ մօրուքով , մէկ ձեռոքը բուրվառ ,  
Ամէն օր կ'երգէ խորոնկ շարական ,  
Եւ քեզ կ'աղօթէ ամենուն համար :

Եկուր , տո՛ւն երթանք , շաքար խաղաղիք ,  
Ինչ օր ես ունիմ՝ բաժնենք հաւասար .  
Հոնտեղ եղբօր պէս , կ'ապրինք խաղաղիկ ,  
Քեզ շատ կը սիրեմ , հիմա համկըցար :

Բայց դուն ալ մայրիկդ ինձի պիտի տաս ,  
Ի՞նչ կ'ըլլայ , քուկդ ալ , իմս ալ թող ըլլայ ,  
Իմ մայրիկս չիկայ , չգիտեմ ո՞ւր մնաց ,  
Իր կաթն ու պաշիկը շատ շատ կարօտցայ :

Եկուր , Յիսուս իմ , մայրիկդ ալ մէկտեղ ,  
Մենք պառկինք՝ ա՞ն ալ , լաէ թող օրօր ,  
Մենք օրն իրիկուն կը ժպտինք անմեղ .  
Ան ալ կը սիրէ մեզ և ամէն օր :

Թելադրութիւններ . — Ո՞վ է ո՞ր մայրիկին գիրկն է .  
— Անոր ստինքին փարած է . — Մանուկը Յիսուս  
մանկան ինչե՞ր կ'ուղղէ . — Տէր-պապան ի՞նչ կերպարանք  
ունի . — Մէկ ձեռքն ի՞նչ կայ . — Ի՞նչ կ'ընէ . — Մա-  
նուկը Յիսուսի ի՞նչ նուերներ կը խոստանայ . — Ի՞նչ  
խաղալիքներ կը ճանչնաք . — Կրնաք սահմանել զա-  
նոնք . — Մանուկը Յիսուսին ի՞նչ կ'աղաչէ . — Ի՞նչ  
եղած է մանկան մայրը . — Մանկան նկատմամբ ի՞նչ  
պարտքեր ունինք :

## Դ Ա Ս Ո Ւ Ա Ծ Մ Ե Ր Պ Ա Շ Տ Ծ Պ Ա Ն Ն Է

6. Մէյթէկ խօսք կաղմել հետեւեալ բառերով ,  
(գրաւոր) , Բ . դասին նման .

Փարած , ստինք , լաղաքին , գդուանք , վերմակ ,  
պատուհան , լուսին , բուրվառ , շարական , խաղալիք ,  
ժպտիլ :

7. Հրահանգ . — (գրաւոր) , խօսքերն ամբող-  
ջացուի կէտերուն տեղ դնելով սա բառերը . սէր ,  
սեր , սեռ , գունդ , կունա , մէկ , մէգ , հարթ , յարդ :  
Մայրն իր տղոց վրայ շատ ունի : — Ագարակի  
մարդիկ մեղի հրամցուցին կաթ ու կարագ : — Մար-  
դիկ ու կենդանիներ երկու մեծ խումբ կը ձեւացնեն ,  
արտկան ու իգական :

Գիւտեր . — ..... ամսուն 19ն էր , այսօր տօն է : —  
Քերականութեան մէջ դէմքը ..... է , խօսողը , մտիկ  
ընողն ու բացակայ անձն որուն վրայ կը խօսուի :

Աշխարհն կը ուղարկի ..... ի մը պէս : — Ծէրերուն ու  
անձերուն գլուխը ..... կամ ճաղատ կ'ըլլայ : —  
Աստուած ..... է : — Երբ արեւը ծագի ..... կամ մշուշը  
կը փարատի : Ամէն դաս դիւրին չէ , ինչպէս ամէն ուղի  
չէ : — Եղն ու ձին կ'ուտեն դարի ..... և խոտ :

## Դ Ա Ս Ո Ւ Ա Ծ Մ Ե Ր Պ Ա Շ Տ Ծ Պ Ա Ն Ն Է

### ԱՍՏՈՒԱԾ ՄԵՐ ՊԱՇՏԾՊԱՆՆ Է

Հովիսն իր ոչխարները կը հոգայ , լեցուն  
խոսով դաշտեր կը տանի արածելու , յուսակ ջու-  
րերու քով կը պատցնէ , եթէ անոր ծնած գառ-  
նուկները յոդնին՝ կոնակը կամ դիրկը կ'առնէ ,  
եթէ ճամբան կորմնցնեն՝ իրեն կը կանչէ :

Աստուած ալ հովիսներու հովիւ է , աշխար-  
հիս տէրն է , ինքն է հոգ տանողը ամէն բանի  
վրայ , երկիլա իրեն փառքն է , մարդիկ իր հօսն  
են , բոյսերը՝ իր արօսը :

Մայրը կը սիրէ իրեն զառակը , ծնկանը վրայ  
կը մեծցնէ , մարմինը կերպակուրով կը դարմանէ ,



Խեղիր բան սորվեցնելով կը բանայ , եթէ հիւանդանայ՝ ա՛լ աւելի գրով կը նայի . քնանալու ատեն քովը արթուն կը կենայ , — Ե՞րբ պիտի ըլլայ որ տղաս մեծնայ , կ'ըսէ , ու իրեն առաջինութեան ճաման կը սորվեցնէ : Աստուած է ամէն մայրերու ուժ տուողը , զիրենք միափառող ու վրանին հոգ տանող :

Աստուած ամէն բանի պաշտպան է , վասն զի ամէն բան ինքն է ըրեր :

Թագաւորն իր ժողովուրդը կը կառավարէ , գլուխը սակի թագ դրած , թագաւորական գաւագանը ձեռքը , փառաւոր աթոռի մը վրայ նստած կը հրամայէ : Ամէնքը անոր կը հնազանդին , պատիւ կու տան , ինքն ալ ամէն բարեգործները կը պաշտպանէ , չարերը կը պատժէ :

Աստուած է բագաւոր բագաւորաց , իր թագըն է արեւը , իր ամոռը՝ աստղերու վրայ դրած է , ինքը կը հրամայէ մեղի որ ասպինք , ու կ'ասպինք , հրաման կու տայ որ մեռնինք՝ ու կը մեռնինք , իր իշխանութիւնը ամէն աշխարհի վրայ կը տիրէ . իր երեսին լոյսը ամէն արարածներու վրայ կը տարածէ :

Աստուած մեր հովիւն է , պէտք է որ անոր ետեւէն երթանք , մեր հայրն է , պէտք է որ զինքը սիրենք , մեր թագաւորն է , պէտք է որ իրեն հնազանդինք :

Թելադրութիւններ . — Հովիւն ի՞նչ կ'ընէ . — Ո՞վ է հովիւներուն հովիւը . — Աստուած ո՞րուն նմանցուցած են . — Ի՞նչու . — Ո՞րն է իր փառքը . — Մարդիկ իրեն ի՞նչ են . — Ի՞նչ է հօսը . — Ի՞նչ է բոյսը . — Մայրն ի՞նչ կ'ընէ . — Աստուած ի՞նչ կ'ընէր մայրերուն . — Ո՞վ է ամէն բանի պաշտպանը . — Թագաւորն ի՞նչպէս կը հրամայէ . — Ո՞վ է թագաւորաց թագաւոր . — Ի՞նչ կ'ընէ . — Աստուած մեր ի՞նչն է :

## Դ Ա Ս Զ.

9. Մէյմէկ խօսք կազմել հետեւեալ բառերով (գրաւոր) :


Հովիւ , արածել , գառնուկ , աշխարհ , տէր , փառք , հօտ , արօտ , խելք , գութ , առաքինութիւն , թագաւոր , միմիթարող , թագ , գաւաղան , հնազանդող , թագաւորաց թագաւոր , իշխանութիւն :

10. Հրահանգ , զիւսեր (գրաւոր) . — Հետեւեալ խօսքերն ամբողջացուցէք կէտերուն տեղ դնելով սա՛ խօսքերը .

Զախ , ցախ . համր , յամր . պարկ , բարկ , բարք . որթ , որդ : Փոքրիկ Աշոտ կը խաղար պարաէղին մէջ որ

տեղ մը ..... կար , յանկարծ ինկաւ և ..... ձեռ-  
քըն արիւնեցաւ : — Աւելի “լաւ է ..... ըլլալ քան  
ստախօս : — Ծերունի մը կ'անցնէր ..... դայլերով .....  
..... մը ալիւր գնելէն : — Ամէն ժողովուրդ ունի մաս-  
նաւոր նկարագիր , ոովորոյթ ու ..... : ..... քացա-  
խը շատ թթու կ'ըլլայ : — Փոքրիկ ..... մը կընայ  
կտրել ոչչացնել ահագին ծառ մը : — մեզի  
կուտայ խաղող ուտելու , կը շինենք դինի :

### Դ.Ա.Ս Է.



### ՎԱՐԵՇ, ՈՐԴԵԱԿ ԻՄ

Վարէ՛ որդեա՛կ իմ կիրակոս ,  
Վարէ՛ մանցդ և բա՛ց ակօս ,  
Արձակ դաշտերն են իմ արտեր'  
Պարարտ , բերրի ու բարերեր :

Ես ցորենի ցանեմ հատեր :  
Քաղէ յուսով թեղուն արտեր ,  
Օրհնեա՛լ է հողն , օրհնեալ՝ սերմեր ,  
Օրհնեալ՝ մշակք , եզնամոլներ :  
Օրհնեա՛լ է անդ ու անդաստան  
Որ մեզ առաստ հունձներ կուտան ,  
Օրհնեա՛լ է Տէր և իր պարզեւ ,  
Ան մեզի տայ անձրեւ , արեւ :

Թելադրութիւններ . — Կիրակոսն ո՞վ է և ի՞նչ պի-  
տի ընէ . — Դաշտերն ինչպէս են . — Ի՞նչ պիտի ցանէ .  
— Ի՞նչը օրհնեալ է . — Ո՞րոնք օրհնեալ են . — Ի՞նչ  
կը նշանակէ եզնամոլ . — Ո՞վ օրհնեալ է . — Ի՞նչ կուտայ :

### Դ.Ա.Ս Լ.

12. Մէյմէկ խօսք կազմել հետեւեալ բառերով  
(գրաւոր) .

Վարել , մաճ , ակօս , բանալ , արձակ , դաշտ ,  
արտ , պարարտ , բերրի , բարերեր , ցանեմ , ցորեն , բե-  
ղուն , յոյս , եզնամոլ , անդաստան , հունձք , պարզեւ ,  
անձրեւ , արեւ :

13. Սա՛ օրինակին համեմատ խօսքեր կազմել հե-  
տեւեալ բառերով (գրաւոր) . Եզն եղջիւր ունի : Զի ,  
խոզ , կատու , կէտ , մժեղ , դայլ , խեցգետին , խեչա-

վառ, կրիայ, խիսունջ, պրծակ, բաղէ, արծիւ, առիւծ,  
ոչխար, թութակ, ողնի: — Փուշ, ամբակ, կտուց, ժա-  
նիք, կճղակ, թաթ, ճիրան, տտուն, մագիլ, պատիճ,  
ճանկ, հերձատամներ, խայթոց, շօշափուկ, պարեն:

Ա. Ռ. Ա. Ծ

Երախտագէտ ըլլանք Աստուծոյ իր պար-  
գեւած անթիւ բարիքներուն համար:

Դ.Ա.Ս Թ.



ՀԱՅՐԵՆԻ ԳԻՒՂԸ

Ի՞նչ անոյշ յիշատակներ կ'արթննան մարդուն  
մօֆին մէջ երբ հեռու է հայրենի զիւղէն կամ  
այն բաղաբէն որուն մէջ ծնած է:

Մինչ վոքը էի, Պարոյր անուն բարեկամ  
մունէի: Պարոյր իր գիւղէն քաղաք եկած էր  
մեր դպրոցին մէջ ուսում սորվելու համար: Պա-

րոյրենց գիւղը հեռու էր, և երկու տարիէ իվեր  
չէր կրցած իր տունն երթալ: Խեղճ տղուն  
սիրտը կարօտով լեցուած էր: Ամէն օր կը խօսէր  
իրենց գաշտերուն, լեռներուն, կանանցագեղ ձո-  
րերուն և անոյշ անոյշ ջուրերուն վրայ և Ախ,  
կ'ըսէր որչա՞փ կարօտցեր եմ հովիւներու աղբաւրը,  
ուր զարնան կ'երթայինք մեր Ալբնկերներուն հետ  
զրունելու, որչա՞փ կարօտցեր եմ Ս. Սարգիսի  
աղբիւրը, որուն առջեւի մեծ արտին մէջ կ'երթա-  
յինք գաշտի խաղ խաղալու:

Բայց Պարոյր աշխատասէր էր, անիկա վեր-  
ջապէս աւարտեց գպրոցին լինրացին ու անմիջա-  
պէս գիւղ գարձաւ: Խնձի գրած իր նամակին մէջ  
կ'ըսէ թէ իր սիրտը հիմա շատ հանդարտ է, շատ  
ուրախ՝ որ նորէն տեսաւ իր սիրական արտերը.  
Եռները, ձորերը ու ջուրերը:

Թելադրութիւններ. — Ե՞րբ կ'արթննան անոյշ յի-  
շատակներ. — Պարոյր Ե՞րբ իր գիւղին հեռացած էր. —  
Պարոյր ամէն օր ի՞նչերու վրայ կը խօսէր. — Ի՞նչ տար-  
բերութիւն կայ գիւղին ու քաղաքին միջեւ. — Պարոյր  
ի՞նչպիսի տղայ էր. — Ի՞նչ ըրաւ, ի՞նչ զրեց. — Ի՞նչ  
խաղեր գիւղէք:

## ԴԱՍ ԺԱ.

15. Մէյմէկ խօսք շինել հետեւեալ բառերով (զը-  
րաւոր)։

Յիշատակ, արթննալ, միտք, հայրենի, գիւղ, քա-  
ղաք, դպրոց, տուն, միտ, կարօտ, լեռ, կանան-  
չագեղ, ձոր, աղբիւր, գարուն, զբունուլ, Ս. Սարգիս,  
խաղ, աւարտել, ընթացք, նամակ, հանդարտ, սե-  
փական։

16. Հրահանգ, գիւտեր. — Գտնել սա բառերուն  
նմանաձայներ. քայլ, սառ, բարք, ձար, վանք, դեւ,  
գի, դոյլ, դադար, բուռ, լուռ, սեր, ձիւն, գիրկ,  
հօր, հակ, կառք, ցախ, պապակ, բակ, յամբ, ուխտ,  
քեռի, յամառ, հառաչ, ճանկ, տուր, ախտ, ծագ, որթ,  
երէկ, յարդ, գունտ, հերու, մէկ։

## Ա. Ռ. Ա. Ծ

Ալբել այն հողն՝ ուր ծնած ենք՝ իրբեւ մեր  
մայրերը։

---

## ԴԱՍ ԺԱ.



## ԲԱՐԵԳՈՐԾ ԱՂՋԻԿՆ

Յուրա ու սաստիկ էր ձևեռը. վոքքիկ վար-  
դուհին, միամօր գուստը բարերար ծնողքի մը,  
կը ժողվէր իրենց սեղանէն ինկած վշրանքները և  
խնամով կը պահէր տանը բակին մէջ, և բոյուն-  
ները կ'ուգային ու կ'ուտէին զանոնք։ Բայց  
վարդուհոյն ձեռքը ցուրտէն բոլորովին կը դոդ-  
դըդար։

Իր ծնողքն օր մը դիտեցին զայտնի տեղէ մը,  
և անոր այս բարի գործը տեսնելով՝ հարցուցին.  
Ի՞նչու այս բանը կ'ընես, Վարդուհի :

Վասն զի ամէն կողմ ձիւնով ու սառով ծած-  
կուած է, պատասխանեց Վարդուհի. վոքրիկ  
թռչուներն այժմ բան մը չեն կրնար գտնել, և  
խեղճ են, ասոր համար անոնց ուժեցի կու տամ,  
ինչպէս որ հարուստ մարդիկ ալ կ'օգնեն աղքատ-  
ներուն և կը սնուցանեն զանոնք :

Բայց դու չես կրնար բոլոր թռչունները մնու-  
ցանել, կրինեց հայրը :

Վարդուհի պատասխանեց, միթէ ամէն ար-  
դայք ալ ինծի պէս չե՞ն ըներ ամէն տեղ, ինչպէս  
նաեւ ամէն հարուստներն ալ չե՞ն հոգար աղքատ-  
ները .

Հայրը մօրը նայելով ըստ . ո՞վ երկնային  
պարզաւութիւն :

Թելագրութիւններ . — Ի՞նչպէս էր ձմեռը . — Փոք-  
րիկ Վարդուհին ո՞րուն աղջիկն էր — . Ի՞նչ կընէր ամէն  
օր . — Թռչունները ի՞նչ կ'ընեն . — Ծնողքն ի՞նչ ըսկն . —  
Վարդուհի ի՞նչ պատասխանեց . — Հայրն ի՞նչ կրկնեց . —  
Վարդուհի ի՞նչ յարեց . — Հայրն ի՞նչ բացագանչեց :

## ԴԱՍ ԺԲ.

18. Հետեւեալ բառերով մէկմէկ խօսք կազմել .  
Զմեռ, միամօր, գուստը, բարերար, թռչուն, դող-  
թողալ, տերեւ, գաղտնի, սառ, ուտելիք, մնուցա-  
նել, հարուստ, հոգալ, պարզամտութիւն :

19. Հրանանգ, գիւտեր . — Սա օրինակին համեւ  
մատ հարցումներով պատասխաններ գրել :

Սառնուտուն մանուկը կը դիեցնէ . Ի՞նչ կ'ընէ ոստայ-  
նանկը, խաղախորդը, պայդարը, որսորդը, ձկնորսը,  
ջաղացպանը, պարտիզանը, հիւմնը, լպուտը :

Պատասխաններուն մէջ գործածուելիք մասերը :  
Մաքրել . աղալ, գործել, բոնել, մշակել, որսալ, տա-  
շել, գնել . ցորենը, ձիերը, ծաղիկները, փայտը, թըռ-  
չունը, մրրիկը, ձուկը, կտաւը, բամբակը :

## ԴԱՍ ԺԳ.

### ԱՄԷՆ ԲԱՆՈՎ ԱՍՏՈՒԱԾ ԿԸ ՅԱՅՏՆՈՒԻ

Այս մը աւագ առ ու համրէ . նայիմ կընա՞ս,  
կընա՞ս գաշտին խոտերը, ծառերուն Տերեւները  
համրել : Իրաւ որ անսնը համրանքի չեն դար,  
բայց Ասուսձոյ գործերն ալ աւելի շատ են .

Եղեւնին բարձր լեռներու վրայ կը բուսնի,  
ուռենին վաղուկ ջուրերու վրայ կը ծոյի :

Կան Գառը սուր սուր փուշերով պատած է ,  
մողաց բրդոտ ու կակուղիկ է :

Հորդիան կը տարածուի կը պըլլուի , կաղնին  
խոր արմատ կը ձգէ ու ձմեռուան հովերուն դէմ  
կը դնէ , մարգարիտ ծաղիկը դաշտերը կը զարդա-  
րէ , լեռներու տակը կը բուսնի , կախաջր պարարտ  
հող ու հոգացող ձեռք մը կ'ուզէ :

Հերիկն ու եղեգը իրարու կը պըլլուին , կա-  
կուղ խոտը մարմանդի մէջ կը բուսնի :

Զրային շուշանը գետին մէջ կը մեծնայ , իր  
լայն ծաղիկները ջրին երեսը կը բացուին , շահով-  
րամը չոր քարի մը վրայ կը բուսնի , ու իր հոտը  
ժայռերու մէջ կը ափոէ :

Ամէն տերեւ մէյ մէկ ձեւ ունի , ամէն բոյս  
մէյ մէկ կերպ թնութիւն : Տես ան խոտերն որ  
դաշտին մէջ կը մեծնան , ան խոտերն ալ որ նեղ  
ճամբաններու մէջ ոտքի տակ կ'երթան , զանոնք  
մարդ չէ սերմանած :

Կան բոյսեր որ բարձր ժայռերու վրայ կը  
բուսնին , ուր մարդ չէ ելած , կան որ խոր ան-  
տառներու կամ անմարդի կղզիներու մէջ , ու առ-  
մէն տեղ :

## ԴԱՍ ԺԴՈՒՄ.

Աստուած է որ հունտերը հովով ասդին ան-  
դին կը ցանէ , անոնց մէյ մէկ ձեւ կուտայ , անձ-  
րեւով կ'ոռոգէ , ցողով կը մեծցնէ , ինքն է որ անոնց  
պիրուն գոյներ ու տեսֆ կուտայ . անոյշ հուս մը ու  
թափանցիկ բարակ թերթեր՝ որ մարդս կը զար-  
մացնեն :

Ի՞նչպէս կ'ըլլայ որ այն սեւ հողէն վարդը իր  
ծիրանի գոյնը կ'առնէ , շուշանը իր թնինեզը , ի՞նչ-  
պէս կ'ըլլայ որ պղտիկ հունտն մեծ ծառ մը կը  
բուսցնէ , ի՞նչպէս գիտեն բոյսերը իրենց գալու-  
ժամնակը , իրենց կարգն ու իրենց տեղը :

Կան ծաղիկներ որ ամառուան արեւը կ'ուզեն ,  
դափնին ձմեռուան տիրութիւնը կը զարդարէ :

Ամէն բոյս կը բերէ իրեն նման բոյսեր , ցորե-  
նին հասկը կորիզէ մը առաջ չգար . ինձորին կու-  
տը չկրնար կեռաս հասցնել :

Ջիւնն երկրիս երեսը ծածկած , սառը բոյ-  
սերը պատած ատենը՝ Աստուած կը հոգայ որ չը  
չորնան :

Ծառերը կը ցամբին կը բակրիին , կարծես

թէ միայն ոսկորնին կը մնայ , Աստուած գարնան  
շունչը կը փշէ անոնց վրայ , մէյ մ'ալ տերեւներ  
կը հագնին , կը սկսին ողջննալ :

Բոյսերուն պահուիլը Աստուածոյ հրաշալի գոր-  
ծերուն մէկն է . Երբոր ամէն բան Աստուած կը  
յայտնէ ու կը քարոզէ պէտք չէ որ ես խօսիմ . ա-  
մէն դաշտ մէկ բայցուած գիրք մըն է . ամէն ծա-  
ղիկ մէկ գրուած դաս մը :

Առուակը որ կը խոխոչայ , ձայն մը ու լեզու  
մ'ունի , ամէն արարած կը պատմեն իրենց սեղ-  
ծողը ու փառք կու տան անոր :

Զենք կրնար Աստուած տեսնել , վասն զի աչ-  
քի տակ չինար , բայց իր գործերը տեսնելով զինք  
կը պաշտենք :

Որչափ որ մէկոն խելքը բաց է , այնչափ  
աւելի պարտական է Աստուած օրհնելու , բայց  
ո՞վ կրնայ Աստուածոյ գործերուն թիւը չափը գիտ-  
նալ :

## ԴԱՍ ՃԵ.

Թելադրութիւններ . — Կրնա՞ս համրել խոսերը , տե-  
րեւները . — Ատոնք որո՞ւն գործերն են . — Ի՞նչ է և  
ո՞ւր կը բուսնի եղեւինը . — Ի՞նչ կ'ըլլայ ուռենին . —  
Մոլո՞չը . — Լուրի՞ան . — Ծաղի՞կը . — Կակա՞չը . — Հե-  
րի՞կն . — Եղէ՞զը . — Շուշա՞նը . — Շահոքրամը . — Ո-  
րո՞նք կը բուսնին ժայռերու վրայ . — Անտառներուն  
խո՞րը . — Սնմարդի կղզիներու մէջ :

21. Մէյմէկ խօսք շինել հետեւեալ բառերով .

Ափ , աւաղ , խոր , տերեւ , եղեւին , ուռենի , կանկառ ,  
մոլոչ , լուրիա , արմատ , զարդարել , կակաչ , մարմանդ ,  
շուշան , շահոքրամ , բնութիւն , սերմանել , ժայռ , ան-  
տառ , անմարդի , կղզի :

22. Հրահանգ , գիւտեր . — Ո՞ւր կը բնակի թռչու-  
նը , օձը , գիւղացին , հովիւը , արջը , մարդը , մուկը ,  
կրիայն , մեղուն , շերամը , քահանան , ճամբորդը , կրօ-  
նաւորը :

Օրինակ . — Օձը կը բնակի հողին մէջ :

## ԴԱՍ ՃԶ.

Թելադրութիւններ . — Աստուած ի՞նչ կ'ընէ . — Ի՞նչ  
հրաշալիքներ կը տեսնեա . — Ծառերը ի՞նչ կ'ըլլան .

Ո՞րոնք վասոք կուտան Աստուծոյ . — Աստուծոյ ի՞նչերը  
կը առանենք . — Ո՞վ առելի պարտական է Աստուծ  
օրհնել . — Ի՞նչու :


24. Մէյմէկ խօսք կազմել հետեւեալ բառերով .  
Հունտ, ցող, սիրուն, գոյն, առաք, թափանցիկ, բեհեղ,  
կարդ, դափնի, տիրութիւն, կարել, ցամքիլ, թափ-  
թիկ, հրաշալի, առուակ, խոխոչ, արարած, բոց :

25. Գիւտեր . — Հետեւեալներուն հականիշը գըտ-  
նել . — Աննսցմով խօսքեր կազմել :

Սակաւ, կանուխ, լաւ, շուտ, առելի, հեռու, հոս,  
երբէք, կամտ, ձմարիտ :

Օրինակ . — Սակաւ խօսէ շատ կարդա՛ :

## Դ.Ա.Ա ԺԷ.



### ԱԳՈՎԱԿ ՈՒ ԱՆՈՒԷՍ

Ագուակիկ եղբայր ծառին վրայ կեցած՝  
Բերնին պանիրի կտոր մ'է բռնած .  
Մէր աղուէս եղբայր հոն կուգայ հոստէն .  
Ու ա՛յս կերպ ահա կը խօսի իրեն .

« Բարեւ, ո՞վ աղնիւ աղուաւ պատուելի ,  
Ո՞րքան սիրուն ես , ո՞րքան գեղանի ,  
Ճշմարիտ կ'ըսեմ , եթէ քուկին ձայն  
Եքեղ վետուրիդ ըլլայ համաձայն՝  
Բոլոր անտառի կենդանիներուն  
Անազիւս աննըման մեծաւորն ես դուն » :  
Եւ սուր խօսքերուն միամիտ աղուաւ  
Ուրախութենէն այլ յացշմէ եղաւ ,  
Յուցընել ուզեց իր գեղեցիկ ձայն ,  
Բերանը բացաւ ընդարձակ ու լսյն :

Պանիրն է ահա ,  
Գետինը կ'իյնայ ,  
Եւ անմիջապէս  
Խարերայ աղուէս  
Կը պօռայ անոր .  
— Օ՛ն աղուաւ եղբայր , աղէկ դիտցի՛ր որ  
Շողոքորթ ամէն

Մտիկ ընողին կ'ապրի կոնըկէն :

Այս դաս զոր առելը  
Հաւասար կ'արժէ կտոր մը պանիր .  
Երբ պղտիկ մնայ աղուաւ կրակո՞  
Երդում ըրաւ որ

**Մէջ մ'ալ այս կերպով չի պիտի խարսէր,**  
**Սակայն ինչ օդուտ, ա՛լ քիչ մը ուշ էր :**

Թելադրութիւններ . — Ո՞վ ծառին վրայ կեցած էր .  
— Ի՞նչ ունէր բերնին մէջ . — Ո՞վ կուգայ հոն . — Աղ-  
տէսն ի՞նչպէս կը խօսի . — Ագռաւն ի՞նչ եղաւ . — Աղ-  
տէսն ի՞նչ ըրաւ, և ի՞նչ աղաղակեց . — Ագռաւն ի՞նչ  
երդում ըրաւ :

**Ասկէ ի՞նչ բարոյական դաս կրնանք քաղել :**

---

### **ԴԱՍ**

27. **Մէյմէկ խօսք կազմել հետեւեալ բառերով.**

Ագռաւ, պանիր, պատուելի, շքեղ, փետուր,  
անսպիւտ, այլ յայլմէ, խարերայ, գետին, շողոքորթ,  
կորակոր, երդում ընել :

28. **Հրահանգ, գիւտեր . — Ո՞րը կը կոչուի հորթ, ուշ  
կամ կորիւն, աւազ, եղնորթ, վառեակ, մտրուկ, քու-  
ռակ, կամ աւանակ, լակոս կամ սկունդ և կամ կոռ-  
նակ, գառնուկ, որջ կամ բուծ, խոճկոր, ձաղ, երա-  
խայ, կողեւն :**

Օրինակ . — Ու կը կոչուի այծին ձագը :

---

### **ԴԱՍ**

29. **Հրահանգ, գիւտեր . — Ի՞նչ կ'ընէ աղուէսը,**  
եղը, մուկը, տղրուկը, կէտը, ճնձղուկը, շունը, կա-  
տուն, գաղանը :

Խօսին մասերը . — Կացել, լրտեսել, ճարակել,  
ձձել, կլլել, կրծել, խածնել, լակել, լափել, յոշուել .  
— Արմատներ, խոտ, մանր ձուկեր, արիւն, ցորեն, գող,  
կաթ, որս, գիակ, հաւեր :

Օրինակ . — Մուկը արմատներ կը կրծէ :

---

### **ԴԱՍ**

#### **ԽՈՐՃՈՒՐԴ ՄԿԱՆՑ**

**Տան մը մէջ կատու մը կար**

**Այնպէս կատղած, այնպէս չար,**

**Որ Եւղճ մկանց անդադար**

**Անտանելի ջարդ կ'ուտար :**

**Ծակէն ելնողն չար կատուին ճանկ կիյնար,**

**Ծակէն չելեր՝ յաղցէն հոգին հոն կ'ուտար,**

**Տեսան մկներն որ բաներնին շատ գէշ է,**

**«Աս կատու չէ, ըսին, մեզի պատիժ է,**

Ասանկ չըլլար , եկէք խորհուրդ մը ընենք ,  
Ասոր մէկ ճարը տեսնենք ,  
Ժողվենք նայինք ուր պիտի երթայ վերջերնիս ,  
Ընելիքնիս մէյմը խորհիմի մէջերնիս » :  
Ժամ ճշդեցին , խորունկ ծակ մը ժողվեցան .  
Տրտում տխուր հոն խորհուրդի նստեցան ,  
« Ասանկ ասանկ է բաներնիս , բարեկամք ,  
Դուք ինչ կ'ըսէք , ասոր ի՞նչ ճար կը գտնաք » :  
Անդիէն ծեր խրինեմ մուկ մը ճայն հանեց .  
« Ես կ'ըսեմ թէ , ըսաւ քիչ մը մտածեց ,  
« Ես կ'ըսեմ թէ այս բանիս մէկ ճար մը կայ .  
Ան որ ընենք , ա'լ մեղ կատուէն վախ չկայ ,  
Ժամ մը առաջ պէտք է որ մենք սիրտ ընենք ,  
Անզգամին վղէն բոժոժ մը կախնք .  
Ան բոժոժին ճայնէն հարկաւ կիմանանք  
Անոր գալլ , ու խակոյն ծակ մը մտնանք » :  
Բոլոր ժողովն հաւանեցաւ խորհուրդին .  
Մեծ ու պղտիկ զարմանալով ծափ զարկին ,  
Մնաց որ մէկն երթայ բոժոժը կախէ :  
Ի՞նչ դժուար բան ; որ մուկն ասոր նիրտ ընէ :  
Մէկն ըսաւ թէ ակսո՞ն որ ես հիւանդ եմ ,  
Մէկալը թէ ես ալ այնչափ ճարպիկ չեմ ,

Մէկը ծեր եմ , մէկը աղոց ես տէր եմ ,  
Մէկն ալ թէ ես սիրով ատ բանը կ'ընեմ .  
Մէկը բոնէ թող կատուն  
Բոժոժը ես կը կախեմ :  
Մկներն աս որ լսեցին ,  
Լաւ մը վրան խնդային ,  
Իրենք ալ խաղի խայտառակ .  
Փախան ամէն մէկն իր ծակ :

### Դ.Ա.Ս ԻՌ.

Թելադրութիւններ . — Մուկերն ի՞նչ ըրին տան մը  
մէջ . — Ի՞նչու . — Ի՞նչ ըսին . — Ծեր խոհեմ մուկ մը  
ի՞նչ ըսաւ :

31. Մէյմէկ խօսք կաղմնէ հետեւեալ բառերով .

Կատուն , կորդած , չար , մուկ , անտանելի , ճանկ ,  
պատիժ , խորհիլ , խորունկ , ծակ , խորհուրդ , խոհեմ ,  
անզգամ , բոժոխ :

32. Կէտերուն տեղ յարմար բառեր գնել . նաւերը ,  
փողոցները , հունձքերը , մարդագետինը , ամպերը , եր-  
կիրը , լեռները , գաշտերը :

Գետը կ'ոռոգէ ..... : Առուակը կ'արդասաւորէ .....  
..... : Հովը կը վանէ ..... : Արեւը կը տաքցնէ .....  
..... : Կարկուտը կ'աւշտէ ..... : Կաղը կը լուսաւորէ

Շողին կը քալեցնէ : Կրակը կ'եփէ :  
Սա օրինակին համեմատ խօսքեր կազմել հետեւեալ  
բառերով . — արեւն ու լուսինը կը լուսաւորեն երկիրը .  
— ձի ,եղ ու կով , այծ , ճայր , մայր , գիր ու տառ , սո-  
խակ , խայտիտ , երգել , քաղել , արօր , երգեր , զաւակ-  
ներ , մարգագետին , կաթ :

## ԴԱՍԱՀԱՅՈՒԹԻՒՆ

33. Մուկերուն ժողովն ի՞նչ ըրաւ . — Ի՞նչեր ա-  
ռարկեցին . — Ի՞նչ եղան . — Ի՞նչ կընեն :

34. Մէջմէկ խօսք կազմել հետեւեալ բառերով .  
զարմանալ , ծափ զարնել , սիրտ ընել , ափսոս , հիւանդ ,  
ձարալիկ , ծեր , խաղք , խայտառակ , այծ :

35. Հրահանգ , զիւտեր . — Գանել սա բառերուն հա-  
կանիշը և խօսք կազմել . — Լեզի , խակ , հասուն , գե-  
ղեցիկ , բարձր , փափուկ , դիւրին , աջ , գէր , գերի ,  
աժան , կուշտ , լայն , մեծ , իրաւ , ծանր , պաղ , կա-  
կուղ , թաց , ծուռ , բարակ , սեւ , մութ , հպարտ :

Օրինակ . — Անլի կերակուրը չի մարսուիր :

## ԴԱՍԱՀԱՅՈՒԹԻՒՆ

### ԵՍԱԿ ՈՒ ՑԱԿՈԲ

Խսահակ երկու որդի ունեցաւ , անդրանիկինք  
անունն էր Եսաւ , կրասերին Յակոբ : Եսաւ թաւ  
էր ու կը պարապէց որտորդութեամբ ու հողազոր-  
ծութեամբ , մինչ Յակոբ հեզարարոյ էր , սունը  
կը կենար ու իր Ուերեկա մօրը կ'օգնէը առտնին  
գործերուն մէջ , բայց կը սիրէր նաեւ հովուական  
կեանքը : Խսահակ Եսաւը կը սիրէր և անոր բերած-  
երէները մեծ ախորժով կ'ուտէր : Ուերեկա ալ  
Յակոբը կը սիրէր :

Օր մը Յակոբ ոսպնարան եփած էր , Եսաւ  
յոդնա՛ծ դաշտէն տուն դառնալով ըստ Յակոբին .  
« Կրնա՞մ , Եղբայր ոսպնաթանէդ ուտել . Յակոբ  
պատասխանեց . « Եթէ անդրանկութիւնդ ինծի ծա-  
խես , կուտամ ոսպնաթանս » : Եսաւ յարեց . « Անօ-  
թութենէ կը մեռնիմ , ինչո՞ւս պէտք է անդրան-  
կութիւնը » : Յակոբ ալ աւելցուց . « Ուրեմն երդ-  
ուընցիր ինծի այսօր որ դուն անդրանկութիւնէդ  
կը հրաժարիս » : Եսաւ երդուընցաւ և այսպէս վա-

ճառեց իր անդրանկութեան իրաւունիքը : Յակոր տուաւ անոր իր ոսպնաթանը : Եսաւ կերաւ, խրմեց . տեղէն ելաւ ու գնաց : Այսպէս եսաւ ծախեց իր անդրանկութիւնը Յակորին :

### Ա. Ռ Ա. Ծ

Ի՞նչ գեղեցիկ, ի՞նչ վայելուչ բան կ'ըլլայ, եթէ եղբայրները միասին ապրին :

Թելադրութիւններ . — Իսահակ քանիք որդի ունեցաւ . — Ո՞վ էր անդրանիկը . — Կրտսե՞րը . — Եսաւ ի՞նչպէս էր և ի՞նչով կը պարապէր . — Յակո՞ք . — Իսահակ զ՞ո՞վ կը սիրէր . — Ծերեկա՞ն . — Օր մը ի՞նչ պատահեցաւ . — Եսաւ ի՞նչ ըսաւ . — Յակո՞րը . — Եսաւ ընդունեց . — Եսաւին ըրածը կ'արժէ՞ք :



### Դ Ա. Ս Ի Գ.

37. Մէյմէկ խօսք կազմել հետեւեալ բառերով .

Թաւ, պարզել, որսորդութիւն, հողագործութիւն, առտնին, հովուական, երէ, ախորժ, ոսպնաթան, անօթութիւն, հրաժարիլ, վաճառել, իրաւունք :


38. Հրամիանց, զիւտեր . — Խօսքերն ամբողջացուցէք նմանաձայն բառերով . — Տուռ, թուր, դուր, հոտ, հօտ : գոց պահէ, դրացիդ գող մի՛ բռներ . — Սպային

մէջքէն ..... կախուած էր . ..... անհրաժեշտ գործիք մըն է հիւմնին . կահագործին . ատաղձագործին համար : Վարդն անուշ ունի : Հովիւն իր ..... կ'առաջնորդէ արօստավայրերը :

39. Գտնել սա՛ բառերուն հոմանիշը ու խօսքեր կազմել . — Զուարթ, նուրբ, ջերմ, ախուր, յոսի, հիւմնդոտ, կեղտոտ, թերի, յսատկ, թշուառ, անսուաղ, նեղ, երկչոտ, շողշողուն, սին, ճարտար :

Օրինակ . — Ճարտար մարդիկ ճարպիկ կ'ըլլան :

### Դ Ա. Ս Ի Ե.



### ՊԱՐՏԱՃԱՆԱՉ ԱՇԱԿԵՐՏԸ

Ամէն մարդ կը սիրէ բարի աշակերտն որ միշտ իր գործին կը պարապի, ուշադիր է ու ջանասէր : Իր ժամերն շուտ կը ասիմ, որովհետեւ լաւ անցուած ժամանակը կարճ կը քուի : Ուսումը կ'զրու-

ցընէ զինք, լնիրեցումը հանդիսաւ կուտայ, աշխատամբ հաճոյի կ'առքէ անոր : Ամէն բան դիւրին կուգայ անոր, ամենէն դժուար բաներու մէջ ալ կը յաջողի : Այդ պատճառաւ ընկերներն ալ զինք կը սիրեն, ուսուցիչը կը վարձարէ : Մայրն, որ երջանիկ է անոր բարի ձիրթերուն համար, գովես կ'ուղիէ անոր : Ապագային համեստ զիւնական մը պիտի ըլլայ, որովհետեւ համեստութիւնը սովորական ընկերն է հնմտութեան, կամ իմաստոնին ըսածին պէս . « Համեստութիւնն ու տաղանդը միասին կ'ընթանան միշտ » : Այսպիսի աշակերտի մը վիճակին կը նախանձիւ . և ո՞վ արդեօք չպիտի նախանձի, երբ նկատէ թէ լաւ դաստիարակութիւնն առաքինութեան աղքիւրն ու բուլորիքներու սկզբնապատճառն է :

Թէլադրութիւններ . — Ամէն մարդ զո՞վ կը սիրէ . — Ի՞նչ . — Ժամերն ի՞նչպէս կը սահին, ինչո՞ւ . — Ուսումն ի՞նչ կ'ընէ զինք . — Ի՞նթերցո՞ւմը . — Աշխատա՞նքը . — Մարդն ա՞լ կզգայ . — Զանասէրն ապագային ի՞նչ պիտի ըլլայ . — Ի՞նչու . — Խմաստոնն ի՞նչ կ'ընէ . — Ո՞րուն նախանձելու է . — Ի՞նչու :

## Դ. Ա. Ա. Ի. Զ.

41. Մէյմէկ խօսք կազմել հետեւեալ բառերով .

Ուշադիր, ջանասէր, կամք, թուել, ընթերցում, աշխատանք, հաճոյք, առթել, առիթ, բարեյօժարութիւն, գովեստ, ապագայ, համեստ, գիտնական, հըմառութիւն, տաղանդ, նախանձիլ, սկզբնապատճառ :

42. Հրահանգ, գիւտեր . — « Քարր կարծր է » . այսպիսի խօսքեր կազմել . Հեղուկ, կազային, ծանք, թեթեւ, թափանցիկ, անոյշ, լեզի, թթու, կծռ, դեղին, կանաչ, կապոյտ, սեւ, ձերմակ, կարմիր, աշխէտ, շէկ, խարտեաչ :

Ի՞նչ կ'ընէ դարրինը, հողա՞գործը, համաքա՞գործը, նաւա՞րարը, քանդա՞կագործը, նկա՞րիչը, դերձա՞կը, սայլա՞պանը, այգո՞րդը, գրագի՞րը, հիւմնը, որմնա՞գիրը, կոպղա՞րարը, պարտի՞զպանը :

Խօսքի մասեր . — Մուրճ, մկրատ, գրոց, քերիչ, ըահ, վրձին, ըրիչ, խարազան, ծեփիչ, թիակ, խարաց, կացին, գրիչ, ցնցուղ :

Օրինակ . — Դարրինը կը գործածէ մուրճ :

—————

## Դ.Ս.Ս Ի Ե.

### ՆԿԱՐԱԳՒՐ ԱՆՁԻՆ

Քիչ ատենէն տասներեք տարեկան պիտի ըլլամ. միջահասակ եմ և քիչ մը նիմար, դիմագիծներս կանոնաւոր են, խարտեաշ մազեր և լայն ձակաս, ուղեղ ժիթ, խաժուկ աչքեր, նուրբ յօնեմեր, ձուաձեւ դունչ, չափաւոր բերան կամբողջացընեն գէմքս։ Բաւական առոյց կազմ մոռնիմ, և չորհիւ մարզանիներու, մարմիս է դիւրաբեք և շարժումներս ազատ։ Բնաւորութեամբ զուարթ եմ սովորաբար, կը սիրեմ աշխատութիւնը, բայց նաեւ անօգուտ չեմ անցներ զրօսանքի ժասերս ։ Ընկերներուս հետ սիրով կը վարուիմ. և կրցածիս չափ կ'աշխատիմ անոնց օգտակար ու համելի ըլլալ, սիրտերնին ըլիրաւորել։ Դպրոցին մէջ կը ջանամ օր ըստ օրէ բան սորվիլ, կ'ուղեմ որ ուրիշները գերազանցեմ, բայց չեմ նախանձիր անոնց յառաջադիմութեան, կ'ըսեն թէ բաւական ուշիմ եմ և ընթունակ ուսման։ Ծնողքս հարուստ չէ, բայց հայրս որ վարժ ու փորձ արհեստաւոր մէն է,

Եր աշխատութեամբ կ'ապրեցնէ մեզ, բանի մը կարուսութիւն չենք քաշեր, և ընտանեօք կ'ապրինք խաղաղիկ, սիրով, ուրախ, հանգիստ և երջանիկ։

Թելադրութիւններ. — Կրնա՞ք նկարագրել զիս. — Ի՞նչպէս է հասակս. — Դիմագիծնե՞րս. — Մազե՞րս. — Ճակա՞տս. — Քիթս. — Յօնքե՞րս. — Դունչս. — Բերանս. — Կա՞զմս. — Հարցումներ. — Ի՞նչ կը սիրեմ. — Հայրս ի՞նչ գործով կ'զբաղի. — Ի՞նչ կ'ընէ՛ մեզ։

---

## Դ.Ս.Ս Ի Ե.

### 44. Մէյմէկ խօսք կազմել հետեւեալ բառերով.

Միջահասակ, նիհար, զիմագիծ, ճակատ, քիթ, խաժակ, յօնք, ճուաձեւ, դունչ, չափաւոր, ասոյգ, կազմ, մարզանք, զիւրաթեք, բնաւորութիւն, օդատակար, հաճելի, վիրաւորել, գերազանց, յառաջադիմութիւն, ուշիմ, ընդունակ, վարժ, փորձ, արհեստաւոր, արուեստագիտ։

45. Գանել սա բառերուն հոմանիշներն ու խօսքեր կազմել. — Ուղիղ, նուէր, ոգի, իզձ, որմ, մազիլ, ժանիք, նկար, խանարած, տիզմ, որոմ, հեր, հուր, մէգ, միշտ։

Գանել սա բառերուն հականիշները ու խօսքեր կազմել. — Աղքատութիւն, տգեղութիւն, կորուստ, լոյս, բարեկամ, թանկ, ծնունդ, չատութիւն, ծառաց, առողջութիւն, հիւսիս, արեւմուտք, չարութիւն։

---

## ԴԱՍԱՀԹ.

ԳԻՒՂԱՑԻՆ ՈՒ ԱՆՈՒԷՍԸ

Աղուէմն, որ մը գիւղացւոյն այսպէս կ'ըսէ,  
 «Ո՞վ սիրելի կմշահայր, շիտակն ըսէ  
 Խնչով այդքան այժդ մետք է քու ձին,  
 Քանի որ քեզ կը տեսնեմ, ան ալ հետդ է անմեկին  
 Ամէն կերպով կը նայիս, ամէն բանը կը հոդաս,  
 Ճամբայ ընես հետդ, գաշտերն ալ հետը կ'երթառ  
 Խոկ ձին ըսես

Դուն ալ գիտես

Գաղաններուն մէջ անոր պէս  
 Քիչ կայ անխելք ու յիւնար»  
 — Հէ\*, նաևանայր.

Պատասխաննեց գեղացին,  
 Ես չեմ նայիր անոր խելքին,  
 Խելքն ու միտքը հոս բան չունին  
 Իմ նպատակս ալ այն չէ ամենեւին:  
 Ինծի միայն ա'յն պէտք է որ զիս տանի ասդիս, անդին.  
 Եւ աղէկ մտիկ ընէ խարազանին:  
 Թէլադրութիւննէր. — Աղուէը գիւղացւոյն ի՞նչ  
 ըսաւ. — Գիւղացին ի՞նչ պատասխաննեց:  
 (Ընդարձակել թէլադրութիւննէրն):

## ԴԱՍԱՀԹ.

47. Մէյմէկ խօսք կազմել հետեւեալ բառերով.

Կնքահայր, աչք մանել, ձի, անմեկին, նայիլ, հոգալ, յիմար, սամամայր, խարազան:

48. Սա արական բառերուն իգականները գտնել և  
 խօսքեր կազմել. — Որճ, ձի, ոչխար, ծերունի, պապ,  
 աներ, պարոնտատ, փեսայ, մանչ, եղբայր, այր, հայր,  
 ուստր, քեռի, տաքը:

## ԴԱՍԱՀԹ.

ՅՈՎՍԵՓ ՈՒ ԻՐ ԵՂԲԱՅՐՆԵՐԸ

Յակոբ տասներկու որդի ունէր. ասոնցմէ  
 վերջին երկուքի անուններն էին. Յովսէփ ու Բենիամին, որ Հուաքէլէն ծնած էին: Յովսէփ տասն  
 և եօթը տարեկան էր. Երբ իր եղբայրներուն հետ  
 ոչխարներ կ'արածէր, կը հաղորդէր հօրը իր եղբայր-  
 ներուն գործած սխալները: Յակոբ Յովսէփը ա-  
 մէն զաւկէն աւելի սկզբան համար ծաղկեայ  
 պատմուման մը շինած էր և եղբայրները երբ տե-  
 սան իրենց հօր Յովսէփին նկատմամբ ունեցած

Հերմ սէրը սկսան նախանձիլ և դուրդուրանքով չէին վարուեր անոր հետ : Յովսէփ օր մը երազ տեսաւ ու պատմեց եղբայրներուն . «Դաշտին մէջ որայ կը կապէիմ , կապած որայներս ուղիղ կանգնեցան . մինչ ձեր որայները կ'երկրպագէին խմիններուու» : Եղբայրները պատասխանեցին . «Միթէ մեր վրայ թադառոր ըլլալ կ'ուզես» : Ասոր վրայ եղբայրները սկսան աւելի ատել Յովսէփը : Ուրիշ երսալ մին ալ տեսաւ , նոյնալիս պատմեց եղբայրներուն : «Երազիս մէջ տեսայ որ արեւը , լուսինն ու տասնմէկ աստղերն ինծի երկրպագութիւն կ'ընէին» : Հայրն երբ այս բանն խմացաւ , բարկացաւ ու ըստ . «Այդ ի՞նչ երազէ , միթէ ես , մայրդ , եղբայրներդ քեզի երկրպագութիւն պէտք է ընենք» : Եղբայրներուն ատելութիւնն աւելի եւս սաստիցաւ , իսկ հայրն այս բոլորը կը դիտէր ու ծածուկ կը պահէր :

Յովսէփի եղբայրները օր մը Սիւքէմ դային երենց հօրը խաշներն արածելու համար : Յակոբ ըստ Յովսէփի . «Գնա՛ եղբայրներուդ վրայօք լուր բեր ինծի» : Յովսէփ դնաց : Եղբայրներն երբ հեռուանց տեսան Յովսէփը , սկսան երարու փախալ ու ըստ . «Ահա կուգայ երազատեսը , եկէ՛ք սպան-

նենք զայն , ձգենք վոս մը և ըսենք մեր հօրը թէ գաղանները յոշուեր են : Ուուրէնի յորդորով , եղբայրները չսպաննեցին Յովսէփը , այլ վոս մը ձըգեցին՝ ծաղկեայ պատմուծանը վրայէն հանել տուին : Յետոյ Յուդայի խօսքին վրայ ծախեցին Խրայէլացի վաճառականներուն :

Թէլադրութիւններ . — Նախորդներուն նման նախադասութիւնները հարցումներով բաժնել :

## Դ Ա Ս Լ Բ.

50. Մէյմէկ խօսք շինել հետեւեալ բառերով .

Հաղորդել , ծաղկեայ , պատմուծան , որայ , կազմել , իրան , երկրպագել , սաստիկանալ , փսփաալ , յոշուել , վոս , վաճառականութիւն :

Հրահանգ զիւս . — Ի՞նչու հոտը անոյշ է . — Գոյնը կապոյտ է . — Շեղբը սուր է . — Միջուկը կակուղ է . — Զայնը հեռուէն լաւ կուգայ . — Պատը վլաւ . — Կը լըսես խըխնջրւնը . — Խորշոմները ծերութեան նշաններ են : Ո՞ր անասունը ունի կտուց , կնծիթ , բաղ , ցուռկ , սմբակ :

Ո՞վ կը գործածէ տապա՞րը . մտրա՞կը , ուռկա՞նը , մանգա՞ղը , վրձի՞նը , սրի՞նդը , կկ՞ոցը , ածե՞լին :

## ԴԱՍ ԼԳ.

### ՈՒՍՈՒՑԻՉԸ ՍԻՐԵԼ

Արմինէ ժրաջան աղջիկ մըն էր ու կը ջանար  
որ բնաւ իր վարժուհոյն նեղութիւն չպատճառէ :

Օր մը Արմինէին հարցուցին թէ ի՞նչու այն-  
չափ կ'զգուշանաս , ու կ'աշխատիս որ վարժուհին  
քեզմէ դոհ ըլլայ :

— Ի՞նչ ըսել է , ես իմ վարժուհիս շատ կը  
սիրեմ , չեմ ուզեր որ անիկա ինծի համար քիչ  
մը նեղուի :

— Է՛հ , ինչո՞ւ այդքան կը սիրես վարժուհիդ ,  
հարցուց մէկը :

— Վարժուհիս շատ բարի սիրս մը ունի : Աս-  
կէ ամիս մը առաջ ես դպրոց էի , հիւանդացայ ,  
սիրտս կը խառնուէր , գլուխս կը ցաւէր : Վար-  
ժուհիս տեսաւ , կանչեց տնտեսը ու զիս անոր հետ  
տուն զրկեց : Շաբաթ մը հիւանդ պառկեցայ ,  
վարժուհիս ամէն օր մեր տունը կու դար , ձեռքս  
կը բռնէր , ինծի սիրտ կուտար թէ կ'ապահինիմ :  
Քրոջս պէս հոգ տարաւ ինծի , իրաւ ալ ապաքի-

նեցայ : Հիմայ իմ տեղս ո՞վ ըլլայ չի սիրեր իր  
վարժուհին :

Թելադրութիւններ . — Արմինէ ի՞նչպիսի աղջիկ էր .  
— Օր մը Արմինէին ի՞նչ հարցուցին . — Ի՞նչ պատաս-  
խանեց . — Ի՞նչու :

## ԴԱՍ ԼԳ.

52. Մէյմէկ խօսք կազմել հետեւեալ բառերով .  
Վարժուհի , ժրաջան , զգուշանալ , սիրտ , սիրտ տալ ,  
ապաքինիլ , հոգ տանիլ :

Հրահանգ , գիւտեր . — Գտնել հետեւեալ բառերուն  
հոմանիշները և խօսքեր կազմել .

Բանաւոր , սուգ , մարդ , ննջել , խուժան , ձեւ ,  
ակումբ , թանկ , հովանի , շիթ , ծուղակ , տուժել :

Գտնել սա բառերուն հականիշները և խօսքեր կազ-  
մել . փափուկ , բարակ , ժլատ , շոայլ , հաստ , ստորա-  
դաս , ցանցառ :

## Ս. Ռ Ա. Ծ

Ուսուցիչը երկրորդ հայր ըսել է :

## ԴԱՍ ՀԵ.

ԿԱՐՆԻ ԵՒ ԵՂԷԳՆ

Եւ օր մը կաղմիմ  
Բսաւ եղեգին .

ԽԵՂՃՈՒԿ ԵՂԵԿ , ափսոս քեղ .  
 Խնչո՞ւ ատանկ տկար ես ,  
 Վրադ թեթեւ թռչնիկ մըն ալ ունենաս ,  
 Ծանր բեռան տակ եմ կ'ըսես կը սփաս ,  
 Բարակ հովիկ մը որ փըչէ անտառի ,  
 Մէկէն գլուխըդ դէպ ի վար կը ծոկ :  
 Իսկ ես բարձրաբերձ կովկասի նման ,  
 Ճակատս ամպերուն սուած կը կենամ .  
 Խնձով կ'արգիլուին նշոյֆ արեւու  
 Զկայ փորորիկ մը ինձ ահարկու ,  
 Քեղ համար ամէն հով՝ մեծ է մըրրիկ ,  
 Ինձ ամէն բամի անոյշ զեկիւոյիկ :  
 Գոնէ գայիր էմ շուքին տակ բումնէիր ,  
 Այդ խեղճութիւնն ի՞նչու համար քաշէիր ,  
 Բայց դուն շատ անդամ հովերուն բերան  
 Կ'երժաս , կը բումնիս միշտ եղերական .

ԽԵՂՃ ես , ի՞նչ ըսեմ , կը ցաւիմ վրադ ,  
 Քնութիւնն է ըրեր քեզի սարաբախս :  
 Շնորհակալ եմ բարի սրափի , ո'վ պարոն ,  
 Հասւ եղէգն իր պարծենկու դրացւոյն ,  
 Բայց ինծի համար  
 Բնաւ մի հոգար  
 Պէտք է դուն վախես  
 Հովեն՝ քան թէ ես ,  
 Վասն զի ես միշտ կը ծոկ , չեմ կոտրիր ,  
 Դուն հովերուն մինչեւ հիսա դէմ դրեր .  
 Բայց վերջը տեմնենք : — Այս ըսաւ չըսաւ ,  
 Անդիէն սաստիկ հով մըն էր փըրթաւ ,  
 Ծուեցաւ եղէգն , ը՞հ չըրաւ կաղնին .  
 Մէյ մըն ալ փչեց հովը սաստկագին ,  
 Խլեց արմատէն , տապալեց գետին  
 Այն դուռող կաղնին  
 Որու գլուխ մինչեւ երկինք կը հասնէր  
 Եւ ոտուըներն մինչեւ անդունդն կը ձգէր :  
 Թելադրութիւններ . — Կաղնին ի՞նչ ըսաւ եղէգին .  
 — Խնքզինքն ի՞նչպէս գովեց . — Եղէգն ի՞նչ պատաս-  
 խանեց . — Ի՞նչ պատահեցաւ . — Ի՞նչ բարոյական  
 գաս կրնանք առնել ասկէ :

T U U L 2.

**54.** Մէջմէկ խօսք կազմել հետեւեալ բառերով .

Կաղնի, եղէգ, բարձրաբերձ, նշոյլք, ամպ, փոթո-  
րիկ, ահարկու, մըրիկ, քամի, զեփիւռ, եղերական,  
բնութիւն, տարաբախտ, պարծենկոտ :

Ո՞ր անձեր կամ իրեր պէտք է ըլլան անաչառ, ճարտար, արխասիրտ, ճարպիկ, ժիր, ուշադիր, հուժկու, արթուն, ճշմարտախօս, մարդասէր, հլու, համբեղատար, հաւատարիմ, ընթեռնելի, ներդաշնակ, ուղիղ, ճապուկ, մաքուր, վճիտ :

ՊԱՍԼԵ.

ԵԿԵՐՍԻՐՈՒԹԵՒՆ

Աշոտ աղքատիկ հօր մը զաւակն էր . հազիւ  
դպրոց գնաց ուժ տարեկան հասակին մէջ : Գրա-  
վարժութեան դասին Աշոտ փոքր Տէսրակ մը հա-  
նեց , բայց գլիչ չունէր . քիչ մնաց որ լար երբ իր  
աջ կողմն նստող ընկերն ըստ անոր . «Ես քեզի  
գլիչ կուտամ , ուրիշ ի՞նչի պէտք ունիս » : Աշոտ ,

սիրտ առաւ սկսաւ գրել, ընկերն երգեմն իրեն  
կր ցուցունէր թէ ի՞նչպէս բռնելու է գրիզ:

Զքօսանիի ատեն Աշոտ քաշուեցաւ պատին-  
տակ ու հոն իմկած մնաց : Ընկերները կը վազվը-  
զէին ուրախ զուաթ կը խաղային , ինք կը վախնար  
երբ ըսած էին թէ դպրոցի տղայք մարդ կը ծե-  
ծեն . մարդու վրայ կը խնդան : Բայց ընկերներն  
քոյլը իմկան , բռնեցին ձեռքէն ու ըսին որ իրենց  
հետ խաղայ : Ասոնք սիրտ տուին խեղճ տղուն ,  
ցուցոցին անոր թէ ի՞նչպէս կարդ ըլլալու է ,  
կարգին մէջ ի՞նչպէս կենալու է , սորպեցուցին թէ  
ի՞նչ ընելու է որ դաստիարակը գոհ ըլլայ իրմէն :  
Աշոտ համոզուեցաւ որ իր ընկերները շատ բարի են :

Օր մը գիլ դրած ատեն Աշոտի թեւը հան-  
դիսեցաւ ընկերոջ կաղամարին ու վար ձգեց  
զայն։ Մեղանը թափեցաւ անոր տետրակին վրայ  
և տետրակը աղտոտեցաւ։ Այդ ընկերն որ Աշո-  
տին ձախ կողմը կը նստէր, բարկացաւ և ուզեց  
որ դասիարակին բողոքէ. խեղճ Աշոտ սկսաւ լալ։  
Աջ կողմի ընկերը շուտով բռնեց ան տղուն ձեռ-  
քէն ու ըստ, մի գանգատիր, տղան մեղք է,  
ես աղուոր տետրակ մը ունիմ, քեզի կուտամ,

դասղ գրէ . մեղք է փոքրիկ Աշոտը : Տղուն բարձրութիւնը իջաւ , անմիջապէս բռնեց Աշոտին ձեռքէն ու ըսաւ . «Մի լար մարդու բան չեմ ըսեր . ուրիշ տետրակ մը կը հանեմ ու կը գրեմ» : Եւ իրաւալ այդ երկու բարի ընկերները չժողուցին որ Աշոտ լայ :

### Ա. Ռ Ա. Ծ

Դպրոցի տղայք իրար սիրելու են :

Թելադրութիւններ . — Ի՞նչ էր Աշոտ . — Ե՞րբ դըպրոց գնաց . — Ի՞նչ ըրաւ . — Աջ կողմի ընկերն ի՞նչ ըսաւ . — Աշոտ զբոսանքի ատեն ի՞նչ կ'ընէր . — Ի՞նչու . — Իրաւո՞ւնք ունին . — Օր մը ի՞նչ պատահեցաւ . — Դպրոցականի մը պարտքն ի՞նչ է :

### Դ Ա Ս Լ Բ.

55. Մէյմէկ խօսք կազմել հետեւեալ բառերով .

Դրավարժութիւն , տետրակ , սիրտ առնել , կծկուիլ , մնալ , համոզուիլ , թեւ , կաղամար , մելան , դաստիարակ , բողոք , գանգատիլ :

Գիւտեր . — Ի՞նչ կ'ըսուի այն որ չտեսներ . որ չըսեր . որ մէկ աչք ունի . որ մէկ ձեռք ունի . որ գլուխը մազ չունի . որ լեզու չունի . որ բանականութիւնը կորսընցուցած է . որուն անդամները լուծուած են . որուն ծնողքը մեռած է . որ մէկ ոտք ունի . որ չորս ոտք ունի . որուն կանակը դուրս ցցուած է : Ասոնցմէ մէյմէկ խօսք կազմել :

Ո՞ր արհեստաւորները կը գործածեն . մատնոց , եւանկիւն , մուրճ , կաղապար , խարտոց , ուրագ , յեսան , ուռ , ուլ , սայլ , արմուխ , լուծ , թակ , աղեղ , գանակ , աքցան , մամուլ , հերիւն , ունելի , ծեփիչ , կարկին , սղոց , կուան :

Օրինակ . — Մատնոցը գերձակի գործիք է :

Ի՞նչ կ'ընէ հողագործը սայլով , բրիչով , բահով , արմուխով , արօրով , խարաղանով , մանգաղով , երեքժանիով , դափանով :

Ի՞նչ կ'ընէ լպուտը՝ թիակով . աղեղով , մկրասազ , ասեղով . ջուլհակը՝ կկոցով = մեղիկ , ջահրակով = չքրբութ = իլով , ժռիկով = մաքարա = շրջնկալով :

ԴԱՍ ԼԹ.



ԶՄԵՐ

Զմեռը հասաւ . դաշտերն աւրուեր են , ձայն  
ձուն չկայ , ոչ թռչունի ձրւ ձուալ , ոչ միջատնեւ-

բու բզրգալ : Վաղուկ ջուրը քարի պէս սառ դար-  
ձեր է :

Ծառերը իրենց տերեւը կորուսած՝ ճիւղերն  
կերկնյնեն՝ վատուժած թեւերու պէս , գետնին  
հիւթը ալ չքալեր երակներուն մէջ , ոչ ծաղիկ  
կ'երեւի , ոչ երկինքին պայծառ երեսը .

Արեւն ալ տրտում ու առանց տաքութեան  
կ'երեւի , ու կարծես թէ միայն բնութեան խեղ-  
ճութիւնը ցուցնելու համար կը ծագի : Լաց , լաց ,  
զաւակներուդ վրայ , ո՞հ բնութիւն , քիչ ատեն  
առաջ հանդարտ քու գանձերու կը վայելէին ,  
վարդն իր անոյշ հոտը կը ձգէր , այգին իր խա-  
զողը կուտար , ամէնն ալ իրենց ունեցածը :

Գեղեցիկ բնութիւն , Աստուծոյ զաւակ , ըսէ՝  
ինծի , ի՞նչու այսպէս տրտում ես , միթէ հայրդ-  
զքեղ երեսէ թռղուցե՞ր է , ի՞նչ , միթէ պիտի  
կորսուի՞ս երթաս :

Աստուծոյ հոգը քեզմէ պակաս չէ , և իր  
ձեռքը քու վրադ է , կուդայ ատեն որ նորէն կը  
ծին կը ծաղկին ծառերդ , վարդը իր գոյնը կ'առ-  
նէ , երկիրը իր կակուղ խոտը , նորէն կուդայ քեզի  
քու գարունդ :

Մի տրտմիր, ո՛վ բնութիւն, անոնց վրայ ալ  
որ քու դաշտերուդ տակ կը ծածկուին, որ մէյ-  
մն ալ չեն երեւիր երկրիս վրայ :

Բայց ի՞նչու մարդն ու վարդը միշտ մեռած  
մնայ :

Այնչափ գիտութիւն և առաքինութիւն հո-  
ղին տակ պիտի կորսուի՞ն : Գերեզմաններու վրայ  
թափած այնչափ արցունքները չե՞ն կրնար մեռել-  
ները ողջնցնել :

Անանկ չէ, իմաստութիւն և առաքինութիւն,  
անմահ պիտի ըլլան, մարդուն ու վարդին պէս :

Թելադրութիւններ . — Բնութիւնը ձմեռը ի՞նչ կեր-  
պարանափոխութիւն կը կրէ . — Ծառերն ի՞նչ կ'ըլլան . —  
Սրեւն ի՞նչպէս կ'երեւայ . — Աստուծոյ հոգին ի՞նչ կ'ը-  
նէր . — Բնութիւնը տրտմելու է . — Ո՞րոնք անմահ  
պիտի մնան :

## ԴԱՍ Խ.

58. Մէյմէկ խօսք կազմակ հետեւեալ բառերով .  
Ճըւճըւալ, բզզալ, վատուժցած, երակ, պայծառ,

Աստուծոյ զաւակ, վարդ, խունկ, ծաղկիլ, կանանչ-  
նալ, գիտութիւն, գերեզման :

Որո՞ւն ձագը կը կոչուի աքոր . բարիկ, մտրուկ, ո-  
րոջ, թոժուն, լակոտ, ամիկ : Ասմացմով խօսքեր կազ-  
մել :

Ինչի՞ մէջ կը դնեն ջուրը . ծխախոսը, մոխիրը, ա-  
զը, մեղուն, պանիրը, թոչունը, հաւը, գիրերը, մե-  
լանը, գրամը, ցորենը, միւռոնը, չաղորդութիւնը, հա-  
գուստը :

Դերձակը ի՞նչ կ'ընէ մկրաստով, կանգունով, կաւի-  
ճով : Կօշկակարն ի՞նչ կ'ընէ . չափով, գանակով, կազա-  
պարով, մուրճով, հերիւնով, խարացով :

## ԴԱՍ Խ.

### ՈՒՂՏ, ԳԱՅԼ, ԱՂՈՒԷՍ

Ուղտին անունն էր Բագոս  
Աղուէսուկինն ալ Թորոս  
Եւ գայլուկինն էր Մարկոս .

Իսկ ասոնց տէր կնքահայր՝  
Խելոք Խիկար :

**Ասոնց աէրն ի սկզբան  
Չափազանց անննան :**

Բայց փորին շահ . — այդ էր գէց ,  
Սէր կը թողու փորին ձայնը :  
Ուստի երբոր գտան մէկ օր  
Լաւաշ հացին խոշոր կտոր ,  
Ի՞նչ ընեն այս երեքին ,  
Կը միաբանին  
Որ տարիքով էն մեծին  
Այն ըլլայ բաժին :  
Սեր օր գշխիս , երդում ալ կընեն  
Որ իրարու երբէք չը ստեն :  
Գայլն յառաջեց , ես Աղամէն  
Ծեծ եմ կերած անգրօրէն :  
Գայլէն ետքը շտապեց աղուէսը ,  
Ուրեմն թոռանս ընկերներէն ես .  
Ուղտն ի՞նչ ընէ , բանը բուրդ էր ,  
Փորին վտանգ վերահաս էր :  
Ուստի շուտով հացն ի բերան տանելով ,  
Տարիքս , ըսաւ , սա ոտներուս նայելով ,  
Չափեցի ,  
Հասկըցի :

Ուղտի խօսքին գոյլ կատղած ու բարկացած՝  
Վեր վեր ցատկեց որ առնէ այն խոշոր հաց :  
Բայց վերջապէս մէջ ուղտին ծնկաց  
Կը հեծծկցայ յոյժ ջախջախած :

**Իսկ ծափ աղուէս կը զարնէ .**

**Պարէ ուրախ ու կ'երգէ ,**

**Բարձր է Բագոս ,**

**Իղկնձայ Մարկոս ,**

**Շուտով գայ թորոս :**

**Մին կուշտ ուտէ և թէ կուլ տայ :**

**Իսկ միւս նայի . թուքը կուլ տայ ,**

**Կագ ու կոյիւ հասնին ահա**

**Եւ աշխարհիս մնաս կուգայ :**

Թելադրութիւններ . — Նախադասութիւնները հարցումներու վերածուլ :

## ԴԱՍ ԽԲ.

60. **Մէրմէկ խօսք շինել հնտեւեալ բառերով .**

**Չափազանց , աննման , լաւաշ , հոտ , սեւ օր , գլուխ ,**  
**պատուէր , աշտարակ , նկուղ , շապիկ , դուստր :**

Գիւտեր. — Հետեւեալներուն հականիշներովը խօսք  
կաղմել . սիրել , գրել , պատժել , խօսիլ , չարել , կռա-  
բել , բերել , ծախել :

---



## Դ.Ս.Ո Խ Գ.

Ա Ր Մ Ւ Ն Է

Հինգ տարեկան  
Մէկ աղջկան  
Մեթեայ մի կարեց տարաւ  
Աջ թեւն (ի՞նչ այէս արտագրաւ)  
— Մանկիկն այնքան հեծեց լացաւ  
Թափեց այնքան արցունք և ցաւ

Որ հայրաբար  
Աստուածն արդար  
Գիշութեան շող մ'ուզզեց վրան .  
— Ամենաբայց սպեղանի  
Որ փոյթ գոցեց վերքին բերան .  
Եւ միաթեւ այլ կենդանի  
Հատոյց իր մօր  
Մանկիկն անզօր :  
— Անցան օրեր , և Արմինէ  
(Արմինէ էր անունն , ըստ<sup>o</sup> .)  
Ա՛լ զերծ վերքէ , դառնութեմէ  
Ամէն առտու կ'երթար դասի ,

Եւ անդադար  
Գիրք կը կարդար :  
Եր իր պարտքին շատ ուշադիր  
Զախողն այնքան լաւ գրէր գիր ,  
Որ վարժարան յարկին ներքեւ  
Ինքն առնելով նիշ ու պարզեւ՝

Միւս աղջկանց  
Առթէր նախանձ :  
— Յանկարծ մի օր մեծ և բարի  
կին մ'ամուսին թագաւորի

Գիւղին մէջէն անցած ատեն  
Կանդ առաւ ու գիւղացիէն

Խնդրեց իսկոյն,  
Որ վիորագոյն

Այլ խելացի յառաջադէմ  
Մի աշակերտ բերեն իր դէմ:  
— Մարդ զրկեցին և Արմինէն  
Առին բերին վարժարանէն :

Աղիկն անվախ  
Կազմ և ուրախ

Այլ թեւազուրկ, երբ երեւցաւ  
Ազնիւ տիկնոջ աչքը լեցաւ,  
Եւ դգուանօք ու քաղցրաձայն  
Իր դրկաց մէջ առնելով զայն  
Տուաւ պաշիկ .

Եւ, «Փոքր աղջիկ,

Տսաւ, «գոհ եմ որ դու այդպէս  
Աշխատանէր ու խոհեմն» :

Լաւ կը գրես, լաւ կը կարդաս  
Եւ կ'առնես ինչ որ տան քեզ դաս .  
«Արդ փոխարէն  
«Առատորէն

«Քեզ վարձատրել կ'ուզեմ այսօր :

«Բսէ՛, ի՞նչ տամ, դրքո՞յկ մ՞աղւոր

«Հաղո՞ւստ, պա՞տկեր, թէ խաղա՞լիկ ,

«Կ'ուզե՞ս շաքար կամ ուտելիք ,

«Կ'ուզե՞ս օդեր ,

«Ոչ, մի՛ վախեր ,

«Բսէ չխտակ » . իսկ Արմինէ ,

Հոգին լցուած ցնծութենէ

Բացաւ շրթունքն և խնդագին .

Գոչեց . — «Թեւ մը տուէք, Տիկին . . . :

Թելադրութիւններ . — Ի՞նչ եղած էր հինգ տարեկան աղջիկ մը . — Մանկիկն ի՞նչ ըրաւ . — Աստուած է՞նչ ըրաւ . — Օրեր անցնելէ ետք, մանկիկն ի՞նչ ըրաւ . — Օր մը ի՞նչ պատահեցաւ . — Գիւղապետը զ՞ով ներկայացոյց . — Ազնիւ Տիկինն ի՞նչ ըրաւ . — Աղջիկն ի՞նչ պահանջեց :

~~~~~

## ԴԱՍԻ ԽԳ.

62. Մէյմէկ խօսք շինել հետեւեալ բառերով .

Մեքենայ, աղէտ, սրտագրաւ, հեծել, ամենաբոյժ, սպեղանի, դառնութիւն, ուշադիր, գերծ, վէրք, յարկ, գիւղապետ, թեւազուրկ, քաղցրաձայն :

Գիւտեր. — Ո՞ր արհեստաւորը կը գործածէ սա գործիները : Խօսքեր կազմել :

Գայլիկոն, խղար, քշտոց, աքցան, ակիչ, մաղ, շարմաղ, շաղափ, դչիր :

## ԴԱՍ ԽԵ.

### ԱԴԱՄԱՆԴԻ ՄԱՏԱՆԻՆ

Ուկիւեմ անուն վաճառական մը շատ հեռաւոր երկիր մը գացած էր . և իր գործունելութեամբ մեծ հարստութիւն մը դիզեր էր : Բաւական տարի բացակայութենէ ետք՝ իր հայրենիիր դարձաւ :

Երբ իր ծնած քաղաքը մտաւ, իմացաւ որ բոլոր իր մերձաւոր ազգականները քաղաքէն քիչ հեռու դիւզի տան մը մէջ ժողվուեր էին՝ կերակուր ուտելու համար : Փութաց հոն երթալ . — սրտին ուրախութենէն՝ մոռցաւ վրան դլուխը շրակել և փոխել վեր արկուն զոր ճամբորդութեան միջոցին հաղած էր և որուն գոյնը բոլորովին նետած էր :

Երբ լուսազարդուած սրահը մտաւ, իր աղգա-

կաններն , այր ու կին , բնաւ թերկրամի՛ մը չզգացին իրենց բարեկամը տեսնելով , վասն զի վերաբերէն դատելով՝ անիկա աղքատացած կը կարծէին :

Վաճառականին ծառայ խափշիկը՝ այս անհաճոյ ընդունելութեան վրայ սաստիկ բարկացած ըսաւ իր տիրոջը . «Ասոնք դէշ մարդիկ են , որ անոյշ խօսք մը չեն ըսեր իրենց բարեկամին՝ որմէ այսքան ատեն բաժնուած էին : — Քիչ մը սպասէ՛ , պատասխանեց վաճառականը՝ ցած ձայնով : «Նայէ՛ հիմայ ի՞նչպէս կը մօտենան» : Աս ըսելով՝ գրպանէն ադամանդէ մատանի մը հանեց ու մատը դրաւ : Անմիջապէս ամէնուն դէմքը զուարթացաւ և ամէնքը Ուկիւեմի բոլորտիքը խոնուեցան , ո՞րը ձեռքը կը սեղմէր . որը երեսը կը համբուրէր և ամենքն ալ կ'ուզէին զայն հիւրընկալելու պատիւն իրարմէ յափշտակել : « Ըսել է այդմատանին , ըսաւ խափշիկը , ուրիշները դիւթելու զօրութի՞ւնն ունի » :

— Ոչ , պատասխանեց Ուկիւեմ , բայց տեսնելով այս աղամանդն , որ առնուազն հաղար զուըուշ կ'արժէր , հասկցան որ հարուստ եմ , ու կ'ուզեն զիս սիրաշահիշ :

— «Ո՞հ, կոյրե՞լը, գոչեց այն ատեն լսավաշիկը, ըսելէ զանոնք դիւթողն այս աղամանդը չէ, այլ սասկի սէրը ։ Կարե՞լի է, որ քիչ մը գեղին մետաղ և քանի մը թափանցիկ քարի կտորուանք աւելի մեծ արժէք ունենան ձեր աչքին, քան թէ տիրոջս պէս ազնիւ անձ մը։

Թելադրութիւններ . — Ուիլեէմ վաճառականն ուր գացած էր, և ի՞նչ շահած . — Երբ ծննդավայրը դարձաւ, ի՞նչ տեսաւ . — Վերարկուն ի՞նչ եղած էր . — Ո՞ւր գացած էր, և ի՞նչ շահած . — Ի՞նչ ըրին ազգականները . — Ծառայն ի՞նչ ըստ . — Վաճառականն ի՞նչ պատասխանեց . — Ի՞նչ ըրաւ . — Մատանին ի՞նչ զօրութիւն ունէր . — Ազգականներն ի՞նչ ըրին . — Խափչիկը ի՞նչ գոչեց : — Ի՞նչ բարոյական կրնանք քաղել :



## Դ Ա Ս Խ Ա Ն Ի Ք

64. Մէրմէկ խօսք կազմել հետեւեալ բառերով .  
Գործունէութիւն, մերձաւոր, ազգական, վեասել,  
լուսազարդել, բերկանք, ընդունելութիւն, աղամանդ,

մատանի, գլութել, խառնել, սիրաշահիլ, ստակի սէր :  
Ո՞վ կը տաշէ և ինչով . — Կը գամէ, կը ցոփէ, կը խրէ, կը նկարէ, կը կտրէ, կը կղպէ, կը հսկեցնէ, կը պեղէ, կը վարէ, կը սանձէ :

Ապակեգործը ինչե՞ր կը շինէ ապակիով, բկրուտը՝ կաւով, ատաղձագործը՝ փայտով, գերձակը՝ ասուիով, ոսկերիչը՝ արծաթով՝ ոսկիով, պղնձագործը՝ պղնձով : Դերձակուհին գործաւոր է, գործիքն ալ ասեղ, իսկ քերիչը կ'գործածէ ատաղձագործը, կացինը փայտահարը, աքցանը, հիւմնը, ցնցուղը, պարտիզանը : Ասոնց գործած գործողութիւններն ի՞նչ կ'ըսուին :

## Դ Ա Ս Խ Ա Ն Ի Ք

### Ը Ն Տ Ա Ն Ի Ք

Բնտանիյի բառը լսելնուդ պէս կը յիշե՞մ ձեր հայրը, մայրը, եղբայրները, քոյրելը : Կը յիշէք նաեւ ձեր պապն ու հանին . հօրեղբայրն, մօրեղբայրը, հօրաքոյրը, մօրաքոյրը ու անոնց զաւակներն որ ձեզի հասակալից լնկեցներ են :

Օր մը Պետրոս ծառի ճիւղի մը վրայ բոյն մը տեսաւ, խկոյն ծառին վրայ մազցեցաւ . պղտիկ թոչուն մը բոնեց : Վաղեց տուն հօրն ու մօրը

Քով՝ թռչունն անոնց ցուցունելու համար ։ Հայրը  
բան մը ըստաւ, միայն տղուն ձեռքէն բունեց,  
տարաւ մութ անտառ մը որ իրենց գեղի վերի  
կողմն էր, յետոյ կամացուկ մը հեռացաւ տղուն  
քովէն. ըսելով ։

— Պետրո'ս, երբ քեզ մինակ ձգէի, ի՞նչ պի-  
տի ընէիր հոս ։ Պետրոս շատ վախցաւ ու ակսաւ  
լալ ։

— Հայրի'կ, տան ճամբան չեմ գիտեր որ  
երթամ, կ'աղաւեմ, զիս մինակ մի՛ ձգէր, մայ-  
րիկիս քով տար ։

Է՛, տղեկ, ինչո՞ւ քեզի հաճոյք առթող  
բան մը փոքրիկ թռչունին ըրիր ։ Ի՞նչ պիտի ըլլայ  
հիմայ աս ձագուկը, զոր իր հայրիկէն ու մայրի-  
կէն գողցար, անշուշտ պիտի մեռնի, եթէ շուտ  
չտանիս իր ընտանքին քով ։

Բարեսիրտ Պետրոս. աղէկ հասկցաւ թէ հայ-  
ըն ի՞նչ ըսել կ'ուզէր ։ Շուտով տարաւ բոյնին  
մէջ դրաւ թռչնիկն որ ուրախ զուարթ իր մայրի-  
կին թեւերուն տակը ժոտաւ ։

Թելադրութիններ. — Ընտանիք ըսելով՝ ի՞նչ կը հաս-  
կընաք. — Պետրոս օր մը ի՞նչ ըրաւ. — Հայրը զայն

յանդիմանեց. — Ի՞նչ ըստաւ և ո՞ւր տարաւ. — Պետրոս  
ի՞նչպիսի տղայ էր. — Ատկէ ի՞նչ դաս կընաք քաղել ։

---

## ԴԱՍ ԽՈՒ.

66. Մէյմէկ խօսք կազմել հետեւեալ բառերով.

Ընտանիք, յիշել, հանի, հասակակից, մագլցել,  
բարեսիրտ ։

Գտնել հետեւեալներու հականիշներն ու խօսքեր  
կազմել. պաղ, ծանծաղուտ, ագահ, հպարտ, կոչտ,  
գէր, ծոյլ, ծեր, ցած, հեռանալ, մարել, կապել,  
ամիոփել, մոռնալ, խնդալ, ցանել, քնանալ, կանխել,  
առաջնորդել :

Որոշեցէք սս որձ և էդ բառերն. անոնցմով խօս-  
քեր կազմեցէք. ոչխար. աքաղաղ. առիւծ. զամբիկ.  
ձի. կով. էշ. շուն. ցուլ. քած. այծ. մաքի. վարու-  
ժան. մարդ. նոխազ :

---

## ԴԱՍ ԽՈԹ.



### ԶԿՆԵՐ

Վասակի մը մէջ ձկնիկ մը ուրախ՝  
Վեր վար կը լողաց անհոգ ու անվախ .  
Երբեմն անիկա զլուխը կամացուկ  
Ջրէն դուրս կը հանէր ու կ'որսար մժդուկ :  
Երբոր կը տեսնէր ձկնորս կամ տղայք ,  
Ճարպիկ շարժումով կ'իջնէր ջրին տակ ,  
Եւ հպարտութեամբ , կ'ըսէր ինքնիրեն .  
«Ես չեմ բռնուիր այդ ձկնորսներէն :  
Անգամ մը մօտի գիւղէն մէկ տղայ  
Եկաւ նստեցաւ վտակի վրայ .  
Եւ տուփին մէջէն առաւ որդ մը մեծ  
Զայն կարթին անցուց ու ջուրը նետեց :  
Մեծ ձուկ մը ըստ ձկնիկին . «Եղբայր .  
Քո մահ կը սպասէ , խայծին մի՛ երթար :

Ձկնիկն ալ ըստ . «Գիտեմ ես արդէն ,  
Ես չեմ բռնուիր անօրէն կարթէն .  
Կ'ուղեմ լոկ քննել թէ կարթին ծայրի  
Որդը մեռած է թէ ո՛չ դեռ կ'ապրի » :  
Քննեց , հաւնեցաւ , կուռթ , կըլեց զանի .  
Չուկն էր որսացուած — յիմար կենդանի :

Թելադրութիւններ . — Ո՞վ կը լողար վտակի մը  
մէջ . — Ի՞նչ կ'ընէր . — Ի՞նչ կ'որսար . — Ինքիրմն ի՞նչ  
կ'ըսէր . — Ի՞նչ պատահեցաւ . — Մեծ ձուկն ի՞նչ պատ-  
ուէր տուաւ . — Ձկնիկն ի՞նչ պատասխանեց . — Վախ-  
ճանը ի՞նչ եղաւ . — Ասկէ ի՞նչ բարոյական դաս կըր-  
նանք քաղել :

## ԴԱՍ Ծ.

68. Մէրմէկ խօսք շինել հետեւեալ բառերով .  
Վտակ , լողալ , մժդուկ , ճարպիկ , շարժում , տուփ ,  
խայծ , կարթ :  
Գանել թէ ի՞նչ են հետեւեալներն և խօսքեր կազ-  
մել : Անութ , արմուկ , յօդ , ծոծրակ , ողն , ողնայար ,  
անրակ , թոք , ստամոքս , երակ , կուռկէն , դմակ ,  
ձգախէժ , կացին , մանգաղ , կարկան , հաց , հեռաղիւ-

տակ, մանրապէս, ջերմաչափ, կողմնացոյց, շանթարգել:

Ա. Ռ Ա. Ծ

Մաիկ ըրէ Մեծի խրաստ,  
Որ չհամի փորձանք վրադ :

Դ Ա Ս Ծ Ա .

Գ Ի Շ Ե Ր

1. Արեւը մայրը մտաւ, գիշերուան ցողը  
գետնին երեսը կը թրջէ, օդը որ ցորեկը չափա-  
զանց տաք կ'ընէր՝ հիմայ կը զովանայ :

2. Ծաղիկներն իրենց խառութիկ թերթերն  
կը գոցեն, գլուխնին կը ծռեն իրենց կոթին վրայ  
կը կախուին : Վառեակներն իրենց մօրը թեւին տակ  
կը քնանան :

3. Թռչուններն երգարնին դադրեցուցած են,  
բոյներնին ծառերուն վրայ դրած՝ գլուխնին ալ  
թաթիկներնուն տակն առած՝ կը հանդշն :

4. Զայն մը չելլէր այն փերակէն ուր մե-

դուները միշտ կը մտնեն ու կ'ելլեն, իրենք ալ  
թողուցեր են իրենց աշխատութիւնը, ամէնքն ալ  
իրենց ընկերին քով մոմէ սիւնակներու մէջ կը  
քնանան :

5. Ոչխարներն իրենց կակուղ բուրդին վրայ  
պառկեր են, ալ չի լսուիր բլուրներու վրայ ի-  
րենց մայելլ :

6. Տղայքն ալ մոռցեր են իրենց խաղը, ա-  
մենեւին ոտքի ձայն չկայ, ճամբայները մարդ-  
կայ, դարրինն ալ իր կուսնը սաշին վրայ չի-  
զարներ :

7. Հիւսնին աղոցը ճուրլթոց մըն ալ չհանէր.  
ամէն արարած կը քնանայ . մարդկի ալ, անբան-  
ներն ալ : Երկինք երկիր մութ պատեր է, գիշեր է :

8. Ո՞վ է որ այս ամէն քնացողներուն վրայ  
հոգ կը տանի . և անոնց չկարծած ատեն զանոնք կը  
պաշտպանէ : Կայ աչք մը որ քնանալ չունի, որ  
առանց արեւու լցոյ կը տեսնէ . ճամբուն մէջ իրեն  
լուսին պէտք չէ, տան մէջ կանթեղի կարօտ չէ,  
երկնի վրայ աստղ չփնտուէր : Այս աչքը ամէն  
տեղ կը տեսնէ, ամէն մարդ կը հոգայ . այս է Աս-  
տուծոյ աչքն, որուն ձեռքը միշտ մեր վրայ է :

9. Աստուած տուած է յունն որ յոդնութիւն  
առնենք . գիշերը մեղի տուեր է որ հանդինք :  
Իրիկոնք մայրը մատը բերնին գրած՝ յանք յանք  
քալելով՝ չորս կողմ կ'երթայ ամէն շննիրց դադ-  
բեցնելու որ չըլայ թէ իր տղան անոյշ քունէն  
արթնանյ , անկողինին վարագոյրը կը քաշէ . ճրա-  
գըն ալ կը վերցնէ որ աչքին լոյս չզարնէ :

Աստուած ալ այսպէս մեղի համար սեւ վա-  
րագոյր կը քաշէ . ամէն բան կը խաղաղեցնէ որ  
իր մեծ լնտանիքը հանդարս քուն ըլլայ :

10. Հանդիսաւ քուն եղիք , յոդնած աշխա-  
տողներ , փո՛քը տղայք , դո՛ւք ալ՝ Տևացող մի-  
ջաժներ : Աստուած ձեր վրայ արթուն կեցեր է .  
Երբոր մութը քաշուի և արեւուն ճառագայթնե-  
րն աչուցնուդ զարնեն՝ նորհակալ եղէք Աստու-  
ծոյ , որ գիշերը ձեղ պահպանեց :

Թելադրութիւններ . — Պարբերութիւնները հար-

### ԴԱՍԾՈՒՅՑ.

70. Մէյմէկ խօսք կազմել հետեւեալ բառերով .

Մայրը մանել , ցող , խատուտիկ , վառեակ , փե-  
թակ , բուրդ , կուան , սղոց , հիւմն , քուն , յամր , վա-  
րագոյր , խչխացող :

Գանել սա բառերուն նմանաձայնները և խօսքեր  
կազմել . քող , կարդ , փող , նետ , թաթ , ձող , քամել ,  
գամել , փակ , հառաւ :

Գանել սա բառերուն հոմանիշները ու խօսքեր կազ-  
մել . կոճակ , մաղթանք , քերծէ , նժոյգ , ճերմակ , բո-  
ւորչի , փայտայել , կառուցանել , քանդել :

Եպիսկոպոսին խոյրը . իսկ վարդ ապե՞տին , քահա-  
նա՞յին , բժշկի՞ն , զինուո՞րին , զօրապե՞տին , ասպետի՞ն ,  
դատո՞ւորին . փակեղ , վեղար , ապարօշ , կնջուղ , սա-  
ղաւարտ :

### ԴԱՍԾՈՒՅՑ.

#### ԱՔԱՆԱՂՆ ՈՒ ՄԱՐԳԱՐԻՏ

Աքաղաղին մէկը աղբիսս յրյած ատեն ,  
ենչպէս եղաւ՝ մարդարիս մը դտաւ մէջէն .

Դառնայ ի՞նչ ըսէ աղբէկ ,  
«Հը՛, ի՞նչ փուճ բան , նայեցէ՛ք .  
Մարդիկ որքա՞ն անխելք են  
որ ասոր մեծ գին կը դնեն :

Ինծի համար , կուղէ՛ք , ըսեմ ճշմարիտը  
Հատ մը դարին լաւ է քան այս մարդարիտը .

Իրաւ , դարին Տէսիոն չէ ,  
Բայց փորերնիս կշտացնէ » :

Ահա այսպէս է ընդհանուր  
Տգէտ մարդոց դատաստան ,  
Որ բանին որ համ չեն առնուր  
Իրենց համար է անպիտան :

ԹԵԼԱՐԴՐՈՒԹԻՒՆՆԵՐ . — Աքաղաղ մը ի՞նչ դտաւ աղ-  
բիւսին մէջ . — Ի՞նչ ըսաւ . — Տգէտ մարդոց դատաս-  
տանը ի՞նչպէս է . — Ի՞նչ բարոյական դաս կրնանք  
Քաղել :

### ԴԱՍ ԾԱՆՈՒԹՅ.

72. Մէյմէկ խօսք կազմել հետեւեալ բառերով .  
Աղբիւս , քրքրել , տեսքոտ , փաթթոց , լաչակ ,  
ծոպ , կնջուղ , դուռ , հարս , նետ , անձեղ :

Զանազանել անձ , անասուն , առարկայ : — Խօսքեր  
կազմել — Սոխակ , հօրաքոյր , գորտ , աթոռ , բանտարկ-  
եալ , փեղոյր , ուսուցիչ , շահոքրամ , լուցկի , ոնդեղջիւր ,  
խորան , առակին . թրթուր , սերկեւիլ , խաղ , առեղջին ,  
աղբ , ախոռասպան :

Օրինակ . — Կուղբն անասուն է . սոխակը թռչուն  
է : Զանազանել ծառ , թռուի , բանջարեղէն , և խօսքեր  
կազմել — Կաղնի , վարդենի , շողգամ , կեռասենի , ա-  
ռոյտ , թթում , նոնենի , մորենի , հաղար , ծիրանի , ա-  
զատքել , նոճի , ուսի , ընկուղենի , մեխակ , գկեռի ,  
հաղարջենի :

### ԴԱՍ ԾԱՆՈՒԹՅ.

#### ԳԱՆՉԱՆԱԿԸ

Փոքրիկ Զարեհ բարի ու աշխատասէր տղայ  
մըն էր , գպրոցին մէջ դասերուն հոգ կը տանէր ,  
և հայրը շատ զոհ էր իրմէ : Ասոր համար ամէն  
շարաթ քառասուն բարա կուտար անոր , երբ շա-  
րարական վիճակացոյցը լաւ նիշ կը պարունակէր  
դասերուն ու բարի վարժին համար : Ուրիշ տղայք  
գուցէ քառասուն բարան արհամարհելով՝ ուտելի-

քի և ուրիշ սնումի իրերու ծախսէին , բայց Զարեհ այդպէս չէր մտածեր . դիտեր որ իր ծնողքն հարուստ չէին , և թէ տարւոյն մէջ շատ շաբաթներ կան ու շաբաթական քառասուն բարան խնայելով՝ տարի մը ետքը բաւական մեծ գումար մը պիտի ունենար : Իր ծնողքին հաւանութեամբ զանձանակ մը առաւ որուն մէջ կը ձգէր իր շաբաթականները : Տարի գյուղուն բացաւ գանձանակը , ու բոլինետեւ ամէն շաբաթ անխափան դահեկան մը ձգած էր հոն , կը մոռածէր որ մէջէն յիսուն երկու դահեկան պիտի ելէ . բայց զարմանալի բա՛ն , գանձանակին մէջ հարիւր՝ ճիշդ հարիւր հատ մէծիսիյէ քառասունոց գտաւ . մինչ տղան աչքեւ մուն չհաւատալով՝ կը կին կը կին կը համրէր , հայրըն ըստ անոր , այդ քառասուն և ութ դահեկանը զոր աւելի կը տեսնե՞ն՝ քու ստակիդ տոկոսնէ : Մայրդ , մեծ հայրդ ու ես ձգած ենք գանձանակիդ մէջ , տեսնելով որ լաւ հոդ կը տանիս շաբաթականներդ իմայելու : Տղան շատ ուրախացաւ . այն հարիւր դահեկանով դիրքեր , դասական պէտքեր , պատկերներ . կարկինի տուփ մը , ներկ , վրձին և ուրիշ պիտանի բաներ գնեց , ու տարին ի բուն զանոնք դործածելով՝ իր խնայա-

սիրութենէն դոհ մնաց , և միշտ նոյն ընթացքը շարունակեց :

Թելաղրութիւններ . — Զարեհ ի՞նչպէս տղայ էր . — Վիճակացոյց ինչի՞ կ'ըսեն . — Զարեհի ծնողքն ի՞նչպէս էին . — Ի՞նչու գանձանակ մը գնեց . — Տարեգլխուն ի՞նչ եղած էր . — Ի՞նչ ըրաւ . — Հայրն ի՞նչ պատասխանեց . — Ի՞նչեր գնեց . — Ի՞նչ բարոյական դասեր կըրնաք քաղել :

## ԴԱՍ

73. Մէյմէկ խօսք կաղմել հետեւեալ բառերով .  
Շաբաթական , վիճակացոյց , բարի վարք , գուցէ , արհամարհել , մնոտի , գանձանակ , տարեգլուխ , խնայել :  
Գտնել թէ հետեւեալներէն ո՞րը հանդերձեղէն , ո՞րը կահ , ո՞րը ուտելիք է և խօսքեր կաղմել :  
Կրծկալ , միս , թիկնաթոռ , մուճակ , գեանախնձոր , պարեգօտ , լողիկ , հաւկիթ , վարունկ , սեղան , տափառ , բաճկոն , թելահայս , ցփսի , գիշերնոց , հրուշակ , փողկապ , չոմին , խորված , խուժէ , բողկ , վառարան , բաղարջ , եղինձ , ղենջակ , բարձ :

## ԴԱՍ ԾԷ.

### ԵՐԿՈՒ ԴՐԱՑԻՔ

Երկու մարդիկ գրացի էին, և իւրաքանչյուրն ունէր կին մը և բազմաթիւ մանր տղայք . և զանոնք սեռցանելու համար ոչ այլ ինչ, բայց միայն իրենց աշխատութիւնը :

Եւ այս երկու մարդոցմէ մին անհանդիսակ ըլլար ու կը մտաւանցուէր ըսելով . «Եթէ մեռնիմ ես կամ հիւանդանամ, ի՞նչ պիտի ըլլայ իմ կնոջս ու որդոցս վիճակը» :

Եւ այս մտածութիւնը յարաժան իրեն հետէր . և կը կրծէր իր սիրոն ինչպէս որդ մը կրծէ պտուղն, ուր ծածկուած է :

Արդ թէպէտ և նոյն մտածութիւնն ունեցեր էր նաեւ միւս հայրը, բայց չէր կեցած անոր վըրայ . «Վասն զի, կ'ըսէր, Աստուած որ իր արարածները կը ճանչայ և կը հսկէ անոնց վրայ՝ պիտի հսկէ նաեւ իմ կնոջս և զաւակներուս վրայ» :

Եւ այս վերջինը խաղաղ ու հանդարտ կ'ապէր, մինչդեռ առաջինը դռնէ վայրկեան մը ան-

դորր ու Աերին խնդուրիւն մը վայելած չունէր = 0ր մը, երբ դաշտին մէջ կ'աշխատէր բաղծադիմ ու վիատ, իր մտասանջութեան մէջ՝ տեսաւոր քանի մը թուշուներ մացափի մը մէջ կը մշտնեն, անկէ դուրս կ'ենեն ու ընդ հուզ հօն կը դառնան :

Եւ մայրը երթալով՝ տեսաւ իրարու քով դրուած երկու բոյներ, և իւրաքանչյուրին մէջ ոչ սակաւ ձագեր նորածին և դեռ անփետուր :

Երբ իր աշխատութեան դարձաւ, մերթ ընդմերթ կը վերցնէր աչերն և կը դիտէր թուշուններն որ կ'երթային ու կուգային՝ զորի բերելով իրենց ձագերուն :

Արդ, այն պահուն որ մայրերէն մին իր աւարով կը դառնար իր բոյնը, անդզ մը զայն բոնելով՝ կը յափշտակէ, և խեղճ մայրն ի զուր անոր մազիղներէն զերծանելու ճիգեր ընելով . սուր ու ցաւազին ճիշեր կ'արձակէր : Այս տեսնելով մարդն որ կ'աշխատէր՝ իր հոգին առաջուրնէ խոռվեալ զգաց . «Վասն զի, կը խորհէր, մօրը մահ հը զաւակներու մահն է : Իմիններս իզմէ զատ ոչ ոք ունին : Ի՞նչ պիտի ըլլան անոնք, երբ չըլլամ ես այլ եւս » :

Եւ օրն ի բուն թաղծալից ու տխուր եղաւ ,  
և գիշերը չքնացաւ ընաւ :

Հետեւեալ օրը , դաշերը դառնալով , ըստ  
իւրովի . «Կ'ուզեմ սա հէզ մօր ձագերը տեսնել ,  
շատերն անտարակոյս արդէն կորսուած են » : Եւ  
գէպի մացառն ուղղուեցաւ :

Եւ տեսաւ որ ձագերն ողջ առողջ էին և ոչ  
մէկն վսառուած կ'երեւէր :

Եւ զարմանալով ասոր վրայ պահուլուեցաւ  
այս սիանելիին պատճառն իմանալու համար :

Եւ քիչ մը ետքը , թեթեւ ճիչ մը լսեց . և  
տեսաւ երկրորդ մայրն որ փուրանակի կը բերէր  
ժողված մնունդն՝ զոր անխտրաբար կը բաժնէր ամէն  
ձագերուն , և ամէնքն ալ իրենց բաժինն կ'ունեւ  
նային , և որբերն յիշալ չէին մնար իրենց թշուա-  
ռութեան մէջ :

Եւ այն հայրն որ տարակուսած էր նախախ-  
նամութեան վրայ՝ երեկոյին պատմեց միւս հօր  
զոր ինչ տեսած էր :

Եւ վերջինն ըստ . «Ի՞նչ հարկ է անհանդիստ  
ըլլալ : Երբէք Աստուած զքաներ իրեններն ,  
իր սէրը դաղտնիքներ ունի որ անծանօթ են

մեզի ։ Հաւա՛տամի՛ , յաւա՛նի՛ , սիրե՛նի՛ , և խա-  
զաղութեամի՛ յառաջ վարենք մեր ճամբան :

Եթէ հասնի ինձի քեզմէ առաջ մեռնիլ ,  
դուն իմ զաւկներուս հայր պիտի ըլլաս , եթէ  
դուն ինձմէ առաջ մեռնիս , ես քուկիններնուգ  
հայր պիտի ըլլամ » :

Եւ եթէ երկուքս ալ մեռնինք , մեր տղայք  
դեռ չհասած իրենց պիտոյքն ինքնին հայթայթե-  
լու հասակին , իրենք պիտի ունենան հայրն որ  
երկնքի մէջ է :

Թելադրութիւններ . — Երկու դրացի ի՞նչպէս կ'ապ-  
րէին . — Մէկը ի՞նչ կը մտածէր . — Միւսը . — Օր մը  
ի՞նչ պատահեցաւ . — Ի՞նչ ըրին . — Մայրը ձագերուն  
ի՞նչ բերաւ . — Մայրն ի՞նչ մտածեց . — Հետեւեալ օրն  
ի՞նչ ըրաւ . — Ի՞նչեր տեսան . — Ի՞նչ որոշեցին . — Ի՞նչ  
բարոյական դաս կրնաք քաղել :

~~~~~

## ԴԱՍ ԾՀ.

75. Մէյմէկ խօսք կազմել հետեւեալ բառերով .

Սնուցանել , մտատանջութիւն , մտածութիւն , յարաժամ , անդորր , ներքին , խնդութիւն , դալկաղէմ , վհատիլ , մացառ , ընդհուպ , մագիլ , զերծանիլ , այլ եւս , իւրովի , սքանչելիք , փութանակի , լքեալ , նախախնամութիւն , հաւատալ , յուսալ , սիրել :

Գանել թէ ի՞նչ են հետեւեալներն ու խօսքեր կազմել :  
Սանդ , թամբ , փարչ , երկժանիք , ծածան , կարմրախայտ , քարտէս , գրադարան , գայլիկոն :

## ԴԱՍ ԾԹ.

### ՄՈՒՐԱՑԿԱՆԸ

Եեր ու կոյր մուրացկան մը ցնցուիներ հագած՝ պատերուն քովին քալելով կ'երթար . մէկ ձեռքը դաւազան մը , իսկ միւսով բոնած էր կապ մը , որ զինք առաջնորդող շան վիզը կապուած էր : Փոքրիկ Մարկոս որ դրան առջեւ կը խազար , հաճոյք զգաց յամրաքար մօտենալու և կազը կը տրելու : Կոյրն ապշած՝ կանդ առաւ : Գետին ծըռեցաւ , դողրոցուն ձեռքը կարկառեց չուանին

ծայլը վնասուելու , մինչդեռ քիչ մը անդին չարամիս Մարկոս կը խնդար : Մարկոսին հայրն որ տան մէջ պատուհանին առջեւ կ'աշխատէր՝ այս ամենը տեսած էր : Գուրս եկաւ ու Մարկոսին թեւէն բոնելով . «Եկո՛ւր , ըստւ , իստորեամբ , եկուր ըրած անվայել գործդ ուզգէ » : Յետոյ բերաւ ծերունոյն մօտ , «Կապէ՞ նայիմ սա՛ չուանը : Տղայն հնագանդեցաւ » : «Բարեկամ , ըստւ հայրը ծերունւոյն , յարգայից ձայնով . կը խնդրեմ , ներեցէք որդւոյս և ընդունեցէք այս փոքրիկ վիխարինութիւնը » , և կոյրին ձեռքին մէջ ոսկի մը դրաւ : «Հոգ չէ , պարոն , կ'ըսէր ծերունին , գիտէք որ փոքրիկ անզիսորեամբ կ'ընեն այսպիսի բաներ : «Կը լսե՞ս , Մարկո՞ս , ըստւ հայրը , կը ներէ քեզի . ուստի ես ալ չեմ պատժեր : Տոն գնա , սենեակդ մտիր ու ըրած չարութեանդ վըրայ խորհրդածէ » : Այսուհետեւ Մարկոս երբ ծերուկին անցնիկը տեսնէր . կը վազէր անոր քով . տարը բարա կուտար ու շնորհայի ձայնով կ'ըսէր . «Բարե՛ւ , աղնիւ ծերունի :

Թելադրութիւններ . — Եերունին ի՞նչպէս կը պարաւէր . — Մարկոս ի՞նչ ըրաւ . — Կոյրը : — Ի՞նչպէս վար-

ուեցաւ . — Ծերունին ի՞նչ պատասխանեց . — Հայրը  
տղուն ի՞նչ պատասխանեց . — Այսուհետեւ Մարկոս ի՞նչ  
ըրաւ . — Ի՞նչ բարոյական դաս կրնանք քաղել :

ԴԱՍ Կ.

77. Մէյմէկ խօսք կազմել հետեւեալ բառերով .  
Մուրացկան , ցնցոտի , տռաջնորդող , յամրաբար ,  
ասլիլ , դողդոջուն , կարկառել , չարամիտ , խորութիւն ,  
յարգալից , փոխարինութիւն , անդիտութիւն , շոգիալից ,  
խորհրդածել : Ասոնց հականիշներով խօսքեր կազմել :

ԴԱՍ ԿԱ.



ԳԻՒՂԱՑԻ ԵՒ 02

Օձը սողաղով  
Քիւղացւոյն եկաւ ,

Ու անուշ լեզուով .  
« Դրացի , ըսաւ ,  
Եկո՛ւր սկսինք ասլիլ եղբօր պէս .  
Ալ պէտք չէ ինձմէ զգուշովիւն ընես :  
Դո՛ւն ալ կը տեսնես  
Որ փոխուեր եմ ես ,

Եւ ամենեւին առջի օձը չեմ :  
Գարնան սկիզբէն՝ կաշիս փոխեր եմ » :  
Բայց գիւղացին սնոր խօսքին չհաւատաց .  
Հաստ թեռն առաւ ձեռքն ու ասաց :  
— « Թէպէտ քու կաշիդ նոր է ,  
Բայց սիրտդ միեւնոյն է » :

Եւ մէկ զարնելով՝ ան փղոեց գետին  
Խարդախ գրացւոյն անկենդան մարմին :  
Ելք առիր Տաս տրիչներուն  
Որ չհաւատան քու խօսքերուն .  
Ի՞նչ կերպ ուղես՝ փոխէ դուն քու գիմակդ  
Ոչ երբէք կրնաս փրկել ինքինքդ .

Օձին գլխին եկածը  
Բունէ աչքիդ գիմացը :  
Թելադրուքիւններ . — Օձը գիւղացւոյն ի՞նչ ըսաւ .

— Գիւղացին ի՞նչ պատասխանեց . — Ի՞նչ ըրաւ . — Առաջ ի՞նչ բարոյական կրնաք քաղել :

## Դ.Ա.Ս ԿԲ.

79. Մէյմէկ խօսք կազմել հետեւեալ բառերով .

Սողալ , ասիթ տալ , խորամանկ , քաղցրարարոյ , հաւատարիմ , ասուշ , երկչոս , յամառ , հլու , ուշադիր , անողոք , քմահաճ , գաղտնապահ , խնամուտ :

Հրահանգ , զիւտեր . — Գանել թէ ի՞նչ են հետեւեալներն . խօսքեր կազմել :

Մթերանոց , վաճառատուն , տօնավաճառ , աճուրդ , նուազուրդ , միջնորդ , յանձնակատար , տոկոս , ընկալագիր , մուրհակ :

## Դ.Ա.Ս ԿԳ.

ԱՌՈՒԱԿՆ ՈՒ ԺԱՅՈՒԸ

ԱՇԽԱՑՈՒԹԻՒՆ ՈՒ ՑԱՐՄԱՑԵԼՈՒԹԻՒՆ

Առուակ մը իր հանդարափիլ ընթացքին մէջ հանդիպեցաւ ժայռի մը որ իր ճամբան կը վասկէր : Իր լեզով ըստ անոր .

— Կ'աղաշեմ , մեկդի կեցիր քիչ մը . որպէս զի կարենամ ճամբան շարունակել — :

Վեհ ժայռն արհամարհանքով պատասխանեց .

— Ե՞ս քեզի տեղի պիտի տամ , խոնարհ առուակ , ես որ բարկամայր ովկիանին ցամանե կը դիմադրեմ : ԶԵ , չԵ , մտածէ մէյմը — :

Առուակն այս մերժումէն առանց վիատելու , եռանդով ու արիաբար գործի սկսու :

Փորձեց , մաշեցաց ժայռն ու քիչ մը ճամբաց բացաւ :

Քանի քանի անդամ լսած եմ որ դպրոցականները կ'ըսեն . « Կարելի չ' որ այս դասը սորվիմ : Երբէք չեմ կրնար այս հանելուկը լուծել : Զպիտի կրնամ բնաւ գլուխ հանել այս պարտականութիւնը » :

Բայց երբ չեն վհատիր , երբ իրենց աշխատանքը սկրով կը կատարեն , կ'արմանան ու կը զարմանան յաջողելնուն , անկարելի կարծածնին խոկ ընելնուն :

Թելադրութիւններ . — Առուակ մը որո՞ւն հանդիպեցաւ . — Ի՞նչ ըստ . — Ժայռն ի՞նչ պատասխանեց . — Առուակը վհաժեցաւ . — Դպրոցական մը ի՞նչ ընել պարտի . — Ի՞նչ բարոյական կրնանք քաղել :

## ԴԱՍԱԿԱՐԱԿԱՆ ԴԱՍԱԿԱՐԱԿԱՆ

81. Մէջմէկ խօսք կազմել հետեւեալներով .

Առուակը , ժայռ , վեհ , բարկաճայթ , ովկիանոս ,  
ցասում , մերժում , եռանդ , արխաբար , հանելուկ , յա-  
մառ , լուծել , պարտականութիւն , արմանալ , զարմանալ :  
Գտնել թէ ինչ են հետեւեալներն ու խօսքեր կազմել :  
Զինուոր , տամնապետ , սպայ , ենթասպայ , հազա-  
րապետ , հրամանատար , զօրապետ , սպարապետ , հեծե-  
լազօր , թնդանոթաձիգ , սպարակոյտ :

## ԴԱՍԱԿԱՐԱԿԱՆ ԴԱՍԱԿԱՐԱԿԱՆ



## ԱՌՈՒԱԿԱԾ

Միբուն առուակ , ինչո՞ւ այդպես  
Չորերն ի վեր դուն կը շտապես ,

Ճամբուղ կէմն ըրիր արդէն  
Իրիկուան կայ դեռ շատ ատեն .  
Ո՞հ , չե՞ս միրեր խաղ ու բերկրանիք .  
Պահ մի կեցի՞ր հետդ խաղանք :

Առուակն ըստ ձորին մէջէն ,  
« Խաղու բերկրանք ինձ համար չեն .  
Ինձ կը սպասեն անթիւ գործեր  
Զիս խաղալու դուն մի՛ փորձեր ,  
Ժամանակն է շատ բանկազին .  
Պէտք է գործես եռանդազին :

Ինձ կը սպասեն քիչ մը հեռուն  
Մեծ անիներ ջաղացներուն ,  
Թունած խոսը , բոռնած ծաղիկ  
Ախ կը քաշեն ջուրիս զովիկ ,  
Գառնուկներու ծարաւ խումբեր  
Զուր կը խնդրեն շուտ անհամբեր .

Զուր կը խնդրեն առատաբար  
Լուացարան ու խոհարար  
Այս ամէնուն պէտք է հարկաւ  
Ժամանակն հասնիմ կարգաւ .

Մնաս բարով , աղնիւ տղայ .  
Մինչեւ ծովը ինձ շատ գործ կայ » :

Թելադրութիւններ . — Տղայն առուակին ինչե՞ր ըշտաւ . — Առուակին ի՞նչ պատասխանեց . — Առուակին ո՞րոնք պէտք ունին :

## ԴԱՍ ԿԶ.

82. Մէջմէկ խօսք կազմել հետեւեալ բառերով .

Հոր, շատագիլ, բերկրանք, պահ մը, թանկագին, եռանդագին, անիւ, ջաղացք, թոռմիլ, զոլիկ, լուացարար, խոհարար :

Գամել թէ ի՞նչ են հետեւեալներն . խօսքեր կազմել :

Չաւար, ճագար, ճագար, քաքար, չաքար, պողպատ, խունկ, կինամոն, սպունդ, գայլախազ, բիւրեղ :

## ԴԱՍ ԿԷ.

ՓՈՔՐԻԿ ՍՏԱԽՕՍՈՒԹԵԱՆ ՄԸ ՀԵՏԵՒԱՆՔԸ

Տղայք, մտիկ ըրէք ձեզի մանրալիս մը պիտի պատմեմ, որ պիտի ցուցունէ թէ մէկ փոքրիկ ստախօսութիւն մը ի՞նչ ստակալի հետեւանիներ կընայ ունենալ :

Յովհաննէսի ծնողքը զինքը մինակ ձգած էին տունը, իր դասիարակուհոյն հետ միասին որ իրմէ մեծ, խեղճ ու որբ մնացած աղջիկ մ'էր, և շատ ատենէ ի վեր իրենց տունը պաշօնն կը վարէր :

Յովհաննէս որ մայրիկին խօսք տուած էր աւելի խելօք կենալու, անոր սենեակը դացած հանգարափիկ կը խաղար = Այս միջոցին վառարանին վրայ տեսաւ ոսկի դրամ մը = Առաւ անիկա՛ անհոգ առանց մտքէն գէշ բան մը անցնելու, և կ'զրօննուր զարմացած անոր վրայ՝ որ այնքան գեղցիկ կը ցոյշանար :

Անոր աւելի փայլիք տեսնելու համար բաց պատուհանին առջեւ գնայ ու արեւուն ճառագայթներուն դէմ բռնեց = Այս կերպով մատուըներուն մէջ այնչափ դարձնելով խաղաց որ յանկարծ ձեռքէն բռաւ, ինկատ պարտէզին մէջ :

Յովհաննէս շուտ մը սանդուխներէն վար վազելով՝ պարտէղ իջաւ ու պատուհանին առջեւ պատին տակերը շատ մը վիստեց, բայց չգտաւ, որովհետեւ բարձր խտաներուն մէջ չէր տեսնուեր :

Բոլորովին արտմած՝ նորէն ներս մտաւ : Բայց ասոր վրայ սրտին մէջ ձայն մը կը լսուէր որ իրեն կ'ըսէր, «Յանցաւոր ես, ինչո՞ւ խաղացիր ոսկ-

ւոյն հետ , աղէկ գիտես թէ Երբ ծնողքդ քովդ գտնուէին , թող չպիտի տային որ անոր հետ խաղաս » :

«Պահ , կ'ըսէ ինքն իրեն , մայրիկիս մոռքէն շատոնց ելած է . անիկա չպիտի գիտնայ թէ ոսկին կորսուած է , և մէկոն բան մըն ալ չպիտի քսեմ . ո՞վ պիտի գիտնայ » :

Երբ Յովհաննէսին մայրիկը տուն եկաւ , շիտակ վառարանին քով գնաց ու ըսաւ « Յովհաննէս մեր հոս չեղած պահուն , աստեղ խաղացած ատենրդ , գեղին աղուոր դրամ մը տեսա՞ր » : Փոքրիկ տղայն յանկարծ կարմեցաւ , ներսէն ձայն մը կ'ըսէր իրեն , « յանցանքդ խոստվանէ՛ , պատմէ՛ եղածը , և չպիտի պատժուիս :

Ահ , երանի թէ Յովհաննէս մոփիկ ըրած ըլլար այս ձայնին : Բայց խեղճ տղայն այս ձայնին գէմ փակեց իր սիրտը և սուտ խօսեցաւ :

« Զէ , մայրիկ , ըսաւ , չ՛ եռ բան մը չտեսայ հոդ » : Յետոյ յանցանքը փոքրիկ դաստիաբակուհոյն վրաւ ինկաւ : Հայրը կանչել տալով հարցուց թէ այն տեղէն ո՞վ առեր է ոսկին : Խեղճ աղջիկը « Ես չ'առի » ըսելով սկսաւ լալ :

Նորէն Յովհաննէս հարցափորձուեցաւ , ալ

այս անդամ պիտի խոստովանէր ըրածը , բայց վախցաւ պատժուելէն , չըսաւ . այս անդամ ալ իր վախկոսութիւնը զղումէն աւելի զօրաւոր եղաւ . նորէն սուտ խօսեցաւ , և խեղճ աղջիկը պարզապէս իրը դող վորմանուեցաւ : Յովհաննէս գիշերը չէր կրնար քնանալ , իր մոռքին առջեւէն չէր կրոնար հեռացնել դաստիարակուհոյն յուսահատ ու արտասուաթոր խեղճուկ գէմքը :

« Անիկա անմեղէ՛ կ'ըսէր մոռքին մէջ , և իմ տեղս ինքը կը պատժուի : Պէտք է որ յանցանքս խոստովանիմ : Վաղը ամէնքն ալ պիտի ըսեմ , այս' , վաղը պիտի երթամ մայրիկիս ծաւնկերուն իյնամ ու պիտի աղաչեմ որ զիս չծեծէ ու իմ փոքրիկ դաստիարակուհիս յանիրաւի տունէն չվտարուի :

Ափսո՞ս , վաղն ալ ժամանակն անցած էր . ամէն ինչ լմոցած էր : Խեղճ աղջիկը ինքդինք յանիրաւի իրը դող զրպարտուած տեմնելով , դլուխն առած գացած էր կէս գիշերին : Առաւօտուն դիւղայիներ անոր մեռած մարմինը բերեր էին : Մութ գիշերին մէջ խեղճը գետն ինկած ու խեղդուած էր :

Այսուհետեւ Յովհաննէս ամէն ինչ պատմեց :

Ո՞չ իր հայրիկն և ո՞չ մայրը զինք չծեծեցին որովշ  
հետեւ խղճի խայրէն յուսահատուրէնէն անկողին  
լնկած էր : Շատ օրեր , շատ դիշերներ իր փոքր-  
քիկ անկողինին վրայ պառկած մնաց Յովհաննէս ,  
և միշտ սոսկալի երազի մը մէջ կը տեսնէր խեղճ  
աղջկան սժգոյն դէմքն որուն մեռնելուն պատճառ  
եղած էր իր մէկ սոսախօսութիւնը :

Վերջապէս շատ օրեր ետք , ա՛լ փոքրիկ Յովհ-  
աննէս ապահինած էր իր հիւանդութենէն՝ միտ-  
քը դնելով այլ եւս սուտ վասիլ լնաւ երբէք :

Այն սոսկալի օրէն ետք , իր չրթունքներն  
երբէք չեն ստած : Բայց այնուհետեւ երբէք չդը-  
տաւ իր նախկին ուրախ զուարթութիւնը : Տարի-  
ներ անցնելէ ետք , իր ըրած չարիքին յիշատակը  
գեռ ծանր բեռի մը պէս կը ճնշէր իր սրախն վրայ :

Տղա՛յք , եթէ փորձուիի ստել յանյանքնիդ  
ծածկելու համար , յիշեցէք այս մանրալէպը՝ խոր-  
հելով որ սոսախօսութիւն մը կրնայ անդարմաների  
վշտի մը պատճառն ըլլալ :

Թէլադրութիւններ . — Մէն մի սոսախօսութեան վը-  
րայ հարցումներ ուղղել . — Ի՞նչ բարոյական կրնանք  
քաղել :


## ԴԱՍԱԿԱՐԱ

84. Մէյմէկ խօսք կազմել հետեւեալ բառերով .  
Մանրալէպ , սոսախօսութիւն , սոսկալի հետեւանք ,  
պաշտօնավարել , վատարան , անհոգ , ցոլանալ , թռչել ,  
յանցաւոր , խեղդուիլ , խղճի խալթ , յուսահատութիւն ,  
աժգոյն , ապաքինիլ , փորձուիլ :

Գտնել թէ ի՞նչ բանի կը գործածուին հետեւեալնե-  
րըն ու անսնցմալ խօսքեր կազմել :

Սոսինձ , երդում , անդուս , անդուս , սունկ , խէժ ,  
ձգախէժ , սուտակ , սպոնդ , վարակ , բեհեղ , արմուխ ,  
քարիւղ , կինամնն , գչիր , չոհ , սալայ , գողայ :

## ԴԱՍԱԿԱՐԱ



## ԿԱՏՈՒ ԵՒ ՍՈՒԱԿ

Հանձնար ու խելք մէկ սոսակ  
երբ բնութեան ինան տակ .

Կատուն ամառ ժամանակ՝  
Անտառն որսաց մէկ սովակ .  
Ու ճանկերով մէջքէն բոհած՝  
« Դուն շատ անուշ կ'երգես , ասաց ,  
Կուտան հաղար մէկ զովասանի :

Քեզի համար անցեալ օր  
Վարպետ-Աղուէս կ'ըսէր որ ,  
Այս կողմերու հովիսներ  
Մեծ հաճոյք կը զգան եղեր .  
Ես ալ պլոտիկ երզիչ չեմ ,  
Մէյ մ'ալ երգէ որ տեսնեմ  
Թէ այս գովեստ , այս համբաւ ,  
Սուտ են արդեօ՞ք թէ իրաւ :

Թէ ձայնդ ըլլայ թրթուռն  
Կ'երդնում , խնայեմ քու արեւում » :  
Բայց սովակին՝ սաստիկ վախէն  
Լեզուն կապուած համր էր արդէն :  
« Երգէ' , հոգիս , երգէ' , սիրուն » ,  
Նորէն կրկնից նենզոն կատուն :  
Իսկ անմեղ ձագն երգել ո՞ւր տեղ՝  
Ճիդ մը հաղիւ հանեց մէկ հեղ :

« Ինչ , այս ձայնով այս աներես ,

Բոլոր անտառը մողեր ես » ,  
Կանչեց գազանն անդդամ .  
« Գիտցիր որ ձայնդ է անհամ ,  
Եկուր մէկ մ'ալ համդ տեսնեմ ,  
Տեսնեմ կ'ըլլաս ինձ համադամ » :  
Այս ըսելով՝ ձագը պատռեց  
Փետուրներն ալ հովուն ցրուեց :

Թելադրութիններ . — Նախադասութիւնները հարցումներու վերածել :

---

Դ.Ա.Ռ Հ.

86. Մէյմէկ խօսք կազմել հետեւեալ բառերով .  
Հանձար , գովասանք , գովիստ , երգիչ , համբաւ ,  
երգնուլ , արեւ , նենդաւոր , նենդ , մազիլ , մոգ , համադամ :  
Հետեւեալ արմատ բառերէն ի՞նչ բառեր կրնան յառաջ գալ , և անոնցմով խօսքեր կազմել :  
Ծեր , սառ , մայր , վախ , բեկոր , երգ , շող , կարծըր , քար :  
Օրինակ . — Մայր , մայրենի , մայրական , մայրութիւն , մայրասէր :

---

## ԴԱՍԱՀԱՅՈՒԹԻՒՆ

### ՇԱԳԱՆԱԿ

Մատթէոս շատ ոկրամող տղայ մըն էր : Օր մը տեսաւ շուկան աղուոր շագանակներ :

Ամենեւին շագանակ կերած չըլլալով՝ վաճառող կնոջ հարցուց թէ այն թուխ միրդերը լաւ էլի՞ն արդեօք :

— Կարծեմ թէ շատ լաւ են, ըստ կինը տղուն : Դնէ որ տեսնես՝ ի՞նչ համեղ են, մանաւանդ երբ տաք մոխիրի մէջ եփես :

Դժբաղգաբար Մատթէոս արդէն իր ստակը վատնած էր ուրիշ անուշեղիներու : Սպասեց որ կինը կոնակը գարձնէ, և ձեռքը շագանակի կողովին մէջ միսեց, ափ մը լեցուն առաւ ու փախաւ :

Տուն գառնալով՝ գնաց խոհանոցը ուր մարդ չկար, և շագանակները կրակարանին մոխրին մէջ դրաւ : Կրակը շառաջալ տուաւ զանոնք ու Մատթէոս համուրեամբ կը լսէր անոնց ձայնը :

Աւելի շուտ եփելու համար՝ վառուած ածոխներ դրաւ շագանակներուն վրայ և սկսաւ

ուժով վիչել : Յանկարծ շագանակներէն մէկը պայթեցաւ և անխոհեմ տղուն երեսն իվէր ծուխ ու մոխրի ժայրիկ :

Մատթէոս շուարած՝ սկսաւ վաղել տան մէջ կրյրի պէս պոռալով : Պայթումին ձայնն ու տղուն աղաղակը լսելով՝ ծնողքն ու տան ծառաները սարսափած վաղեցին : Այն տեսն պղտիկ գողին յանցանքն երեւան ելաւ : Ետո ցաւ կրեց մինչեւ որ աշուլները բժշկուեցան : Լաւ հասկցաւ թէ որ կրամութիւնը գէշ ախտ մըն է, որ մինչեւ գողութեան կը հասնի :

Թելադրութիւններ . — Նախաղասութիւնները հարցումներու վերածել . — Բարոյական քաղել :

## ԴԱՍԱՀԱՅՈՒԹԻՒՆ

88. Մէյմէկ խօսք կազմել հետեւեալ բառերով .  
Ոկրամով, շուկայ, շագանակ, վաճառող, թուխ,  
միրգ, համեղ, մոխրի, անուշեղին, կրակ, շառաջել,  
հաճութիւն, ածուխ, պայթիլ, ժայթքել, սարսափիլ,  
ախտ :

Գանել թէ որո՞նք են մշակութեան գործիքներն ,  
ու անոնցմով խօսքեր կազմել :

---

## ԴԱՍ ՀԳ.

### ՆՈՅ ՈՒ ՍԱՏԱՆԱՆ

Արեւելիցիներում մէջ կը զրուցուի առանդուրիւն մը որ ուշագրաւ ու նկարագեղ կերպով կը բացարե՛ գինւոյն տարապայման գործածութեան յառաջ եկած անպատճենութիւնները :

Տապանէն ելլելէ ետքը, կ'ըսէ աւանդութիւնը, նոյ սկսաւ այգի անկել : Սատանան հետաքրքրութեամբ մօտեցաւ անոր : « Աս ի՞նչ կ'ընես » . հարցուց անոր :

— Կը տեսնես որ, պատասխանեց նահապեաը, սա՞ տունկը կը անկեմ :

Ասկէ ինչ օգուտ կ'ապասես :

— Ասոնք որբատունկ են : Քանի մը տարի ետքը, անոնց վրայ պիտի կախուին անուշահամ խաղողի ողլոյզներ զոր աշնան ատեն պիտի քաղեն, և անով սքանչելի խմելիք մը պիտի շնեմ, որ գիւ-

նի կը կոչուի, երբ չափաւոր գործածուի, գինին մարդուս սիրով կը զուարբացնէ , և մանաւանդ, մարմինը կը զօրացնէ :

« Ե՞ն, ըստու սատանայն, ես ալ ձեր կարծածին չափ թշնամի չեմ մարդոց, կ'ուզեմ քեզի օդնել » :

Ա'ս ըսելով՝ սատանան գառնուկ մը կը բերէ . կը մորթէ՝ և արիւնը փոսին մէջ կը վազյնէ , յարելով որ այս արիւնը փրկարաց ոռոգում մը պիտի ըլլայ որթին համար : Յետոյ միեւնոյն կերպով կը մորթէ առիւծ մը , կապիկ մը , խոզ մը , և որթատունկին արմատը կ'ուոգէ անոնց արիւնով :

Նոյ բան մը չէր հասկնար սատանային ըրածէն , բայց ժամանակ անցնելով՝ մարդկային սերունդները կըցան անոր միտքը հասկնալ : Երբ մարդ քիչ քանակութեամբ գինի կը խմէ , գառնուկի պէս կը խելօքնայ և իր նմաններուն օգնելու վոյթ կ'ունենայ : Եթէ շարունակէ խմել , կարծես կը կերպարանափոխուի , առիւծի պէս սոսկալի և ահեղ կ'ըլլայ : Երբ առելի առաջ երթայ , գինւոյն ազդեցութեամբ կապիկի կը նմանի , որուն յարամտութիւնը չգոհանար մինչեւ որ մէկուն վասս չտայ , և որուն ամենամեծ ուրախու-

թիւնն է կենդանի արարածները ծաղրել։ Վերաշապէս եթէ խմելէ չդադրի, եթէ չափազանցէ խմելը, աւ մարդկութենէ կ'ելլէ։ Զինքը կենդանիներէ զանազանող բոլոր վաեւ յատկութիւններէն կը զրկուի և անասնական վիճակ մը կ'ստանայ։ Ազբերուն մէջ կը տապրլտիի, խողի պէս։ որ աղբով կը սնանի, և որուն մեծագոյն հաճոյքն է ապականութիւններու մէջ լողալ։

Թելադրութիւններ։ — Նախադասութիւններն հարցումներու վերածել։ — Բարոյական։

---

## Դ. Ա. Հ Հ.

90. Մէյթէկ խօսք կազմել հետեւեալ բառերով։  
Սրեւելքցի, աւանդութիւն, ուշագրաւ, նկարագրել,  
տարապայման, անպատճութիւն, որթատունկ, ողկոյզ,  
զուարթացնել, յարել, փրկարար, ոռոգում, ազդեցութիւն,  
չարամտութիւն, վաեմ, յատկութիւն, ապականութիւն։

Հետեւեալ բառերուն հականիշները գտնել։ անոնցմով խօսք կազմել։

Հպարտ, առատ, առաւօտ, լուել, ծնիլ, հրեշտակ,  
պարսաւել, համակարծիք, խրատ, փափկասիրտ։

---

## Դ. Ա. Հ Հ.

### ՑՈՐԵՆՆ ՈՒ ԿՈՐԵԿ

Օրին մէկը ցորենն ըսաւ,  
«Ո՞վ կորեկ, մնաս բարեաւ,  
Վաղուց ի վեր ոնիմ ուխտ ես  
Սուրբ նշանին երթալ ի տես։  
Կեցի՛ր բարով,  
Կուգամ շուտով։

Խոշոր կլոր եղիք հացիկ,  
Փուռնիկ, կղճ, կարա, տողիկ,  
Ապուր, ձմոռ, եղիք մաղեզ։  
Նայէ որ սիրաս բաց չձգես։

Փոխան բերեմ քեզ ընծայներ  
Գոհար, մասնի ու մանեակներ»։  
Կորեկն իսկոյն հաւանեցաւ,  
Ցորենին հետ պագտուեցաւ։  
Բայց գեռ օրիկ անցած ալ չէր,  
Հետալէն հետալէն  
Ցորենին առջեւէն

Եռոներէն ի բլրակ  
 Բլրակէն շիմ-շիտակ  
 Վաղեց հասաւ դէպ թիւրական .  
 « Յորեն եղբայր , աս ձգեց ձայն .  
 Կեցի՛ր , կեցի՛ր , մէկ քիչիկ ,  
 Բան ունիմ քեզ ըսելիք :  
 Ինձ ըսիր , սանկ նանկ եղիր ,  
 Բայց չըսիր թէ բարակցի՛ր  
 Երեկոյին լաւաշ եղիր :  
 Զեմ դիտեր թէ արդեօք մոռցա՞ր ,  
 Լօշ ալ ըլլա՞մ , ցորեն աղբար » :  
 — Զէ՛ , չէ , այդքան մի երկարիր  
 Մի բարկանար » :  
 « Ի՞նչու համար » .  
 — Այսչափ կ'ըսեմ կ'իմանաս  
 Թէ փորձն ընես , կը զդշաս — :  
 Բայց կորեկ մարդոյցմէն  
 Վայելած պատիւէն  
 Շատ սոնցած՝ օր մը փորձեց  
 Լաւաշ ըլլալ : Սակայն գիտե՞ս ,  
 Երբ երկնցաւ ու բարակցաւ ,  
 Հաղար եղուկ , աս ի՞նչ եղաւ .

— Փըսորսիսոր եղաւ  
 Խայտառակուեցա՞ւ :

Երբեմն չափէդ վեր դոն կը իսկախեն  
 Խաղք կ'ըլլաս դոն փառաւորապէս ,  
 Բարեկա՛մ , ինձի նայէ՛ ,  
 Առակիս միտքն այս է ,  
 Լաւ կ'ընես  
 Որ լսես :

Թելադրութիւններ . — Հարցումներու վերածել . —  
Բարոյական :

~~~~~

## ԴԱՍ Հ. Զ.

92. Մէյմէկ խօսք կազմել հետեւեալ բառերով .  
 Կորեկ , Ս . Նշան , գոհար , մանեակ , Մասիս , Շի-  
 րակ , գիտակ , խիզախ :

Գիր մը փոխելով բառը փոխէ և խօսքեր կազմէ .  
 Պրկել , լիզել , մաշել , կտրել , չորթել , նորել , մա-  
 յել , ճաշել , ճարել , լծել , կաղալ , զննել , ճառել , քա-  
 շել , քամել , ծնել , ծամել , պատնել , խրել , շաղել :

~~~~~

## ԴԱՍ ՀՅ.

### ԵՓԱՑԱԾ ԺԱՌԱՆԳՈՐԾԸ

Հարուստ մարդ մը իր մահուան առեն կը թողու իր ընտանիքին մեծագուևար ստացուածք։ Երեց որդին որ իր հօրը զործակից եղած էր, փորձառաբար գիտէր ստակին արժեցի, և իր ժառանգուրինն խմասութեամբ գործածելով՝ կաւեցնէր, վուքը եղբայրներուն ինկած մասը տոկոսի կը արուէր, և իրենք կը սիրուէին կը փայփայուէին։ Օրը տասն անգամ կը կրկնուէր, « Դուն հարուստ ես, գուն բնաւ չպիսի աշխատիս, ի՞նչ որ ուղես կը նաև ունենալ, գուն բերանդ սոկի գգալով ծընած ես »։ Պատանի ժառանգորդը շտառվ հասկըցաւ այսպիսի խօսքերուն նշանակուրինը։ ուղեց և ունեցաւ գեղեցիկ ու ոսկեամուկ հանգերձ, խաղալիկ, ևն։ Շաքարեղէններ կոկորդէն վար կը լեցուէին, և զուրգուրանիով կը փայփայուէր։ Մէկ գլորոցէն միւսը կ'անցնէր միշտ շղոքորդուելով ու փայփայուելով, որով կը լար զոռող ու անբարտաւան։ կ'արհամարէր իւր ուսուցիչնե-

ըլ, ամէն բանի մէջ իր կամքը կը կատարէր, երբեմն բունութեամբ, երբեմն առատաձեռնորդեամբ։ Դրամն ինք վաստկած չըլլալով անոր իսկական արժէքը չէր գիտեր։ բոլոր գիտցածը իր բերնին ոսկի գգալն էր։

Այն երիտասարդներն որոնց գլուխնը ուրիշն շահած գրամով լցցուած է, գրեթէ սոսյդ է որ բոլոր ունեցածնին կը կորսնցունեն, և կը ստանան փոխարէն յոոի ունակուրիւններ, որոնք իրենց առողջութիւնն ու պատիւը միանգամայն կը սպաննեն։

Թելադրութիւններ։ — Հարցումներու վերածել նաև խաղասութիւնները։ — Բարոյական։

## ԴԱՍ ՀՅ.

### 94. Մէյմէկ խօսք շինել հետեւեալ բառերով.

Մէծագումար, ստացուածք, գործակից, արժէք, փորձառաբար, ժառանգութիւն, տոկոս, փայփայել, նշանակութիւն, ոսկեամուկ, գուրգուրանք, կոկորդ, գոռող, ամբարտաւան, առատաձեռնութիւն, յոոի, ունակութիւն։

Դիր մը փոխելով բառը փոխել ու խօսքեր կազմել :  
Վանել, խզել, ծեփել, կրել, հաւանիլ, սողալ, կար-  
թել, բանալ, գրել, սպառել, ծախել, ծաւալել, շողալ,  
հեծել, քալել, ծխել, հագցնել, վախցնել, խոցել, պա-  
տուտել, վարել :

---

## ԴԱՍ Հ.Թ.

### ԿԾԾԻ ՄԱՐԴՈՒՆ ԿՏԱԿԸ

Ալպէռթ անուն կծծի Անդղիային որ չուտ մե-  
ռաւ, սա՛ կտակը թողուց : « Իմ քեռառդւոյն կու-  
տամ և կը հրիտակեմ իմ սեւ վերարկուս : Քրոջս  
աղջկան կուտամ ու կը կտակեմ վրայիս բաձկոնը :  
Քրոջս թուներուն կը թողում հանդերձանոցիս վր-  
այի հողէ բաղարներէն մէյմէկ հատ : Վերջապէս  
քրոջս՝ իբրեւ վերջին նշան սիրոյն՝ որով միշտ կը  
սիրէի զինքը, կուտամ ու կը թողում անկողինիս  
սնարին մօտ գտնուած քարէ սեւ ոժնամանը :

Դիւրին է երեւակայել թէ ժառանդորդներն  
ինչ յուսարեկարեան մէջ ինկան երրոր այս տարօ-  
րինակ կտակը կարդացուեցաւ : Սկսան նախա-

տանօֆ խօսիլ մեռնողին վրայ, և քոյրը սաստիկ  
բարկութեամբ լի՛ այնպիսի կից մը զարկաւ ոտնա-  
մանի՞ն — իր ժառանդութեան — որ կտոր կտոր  
եղաւ, և ահա իր արժենդորինն ու յուսահատու-  
թիւնն ի՞նչ ուրախութեան փոխուեցաւ, երբ տե-  
սաւ որ սակիներն դուրս կը թափին կոտրած ոտնա-  
մանէն :

Այս որ տեսան միւս ժառանդորդները իրենք  
ալ սկսան ամէն մէկը իր ժառանդութեան վաղել,  
մէկը հին սեւ վերարկուին, միւսը բաճկոնին և  
միւսը հողէ թաղարին որոնք սակիով լի էին :

Թելադրութիւներ . — Հարցումներու վերածել . —  
Բարոյական :

## ԴԱՍ Զ.

96. Մէյմէկ խօսք կազմել հետեւեալ բառերով .  
Կծծի, կտակ, հրիտակել, բաձկոն, թաղար, սնար,  
ոտնաման, երեւակայել, յուսարեկութիւն, տարօրինակ,  
նախասահինք, սրտնեղութիւն :  
Գիր մը փոխելով բառը փոխել ու խօսքեր կազմել .

Կախ , գառ , ձաւար , աւար , զանձ , նկուղ , անապակ , եղ , ձախ , տունչ , կոպ , թագ , ճերմակ , դերձան , նաւաստի , կուր , կտակ , կարթ , բանակ , հոլ , հոր :

---

## ԴԱՍ ՉԱՐ

### ԱՍՏԵՂՔ

Արեւը լերան ետեւը կանցնի , իր ճառաշայիթները կը կորսուին , դիշերն երկինքն կ'իջնէ :

Ո՛չ խոտերուն գոյնը աչքիս կ'երեւի , ո՛չ ծազիկներուն խասուտիկ փայլունուրիւնը , առն , ծառ , ոչխար և հովիւ . ամէնն ալ կը ծածկուին , գեշերուան սեւ վարագոյնն ամէնն ալ կը պահէ . աչքիս բան չերեւիր , իբր թէ բան մալ եղած քղար :

Խեղճ , ողորմելի , բան մըն ալ չես տեսներ , վասն զի ծաղիկները , կանանջները , տուները , ծառերը , ոչխարներու հովիւները քեզմէ ծածկուած կը կարծուին . Աչուլներդ մէյմը երկինք դարձուր , նայէ՛ս ասաղերն , որ մէկիկ մէկիկ կ'ելնեն

Երկինքին երեսը լուսաւորելու : Լուսինն կ'ելնէ արժարի պէս փաղփղերով , լոյր երկինքին կապոյտ գաշտերուն վրայ կը զարնէ :

Բազմաստեղի , արցը , բեւեռային աստղն որ նաւալարներուն առաջնորդն է , վայլ վայլ կը վառին գլուխներուն վրայ :

Իրիկուան վերջարյսն ալ կ'երթայ , առներու մէջ ճրագներ կը մարին՝ բայց երկինքին ջահները վառած կեցեր են : Ամէն աստղ իրեն տեղը կը փայլի : Զանոնք համբելու ետեւէ մ'ըլլար . վասն զի ծովուն եզերքին աւազին պէս անթիւ են : Եթէ հեռագիտակոլ նայիս , բիւրաւոր աստղ կը տեսնես , բայց ասկէ աւելին չես տեսներ .

Այս ամէն աստղերն ալ Աստուծոյ հպատակներն են : Ինքն է որ արեւուն փառաւոր ճառագյլթներ առեր է աշխարհս լուսաւորելու համար , մողրակներուն տեղը ցուցուցեր է . մատովը կը ցուցունէ ճամբան , ու թող չտար որ անկէ անդին անցնին :

Եթէ կարելի ըլլար նետի պէս սուր թոչելով անբաւոթեան մէջ ճամբայ ընել , միկոնաւոր տարիներէ վերջն ալ ծայրը չեր կընար համել :

Երկինքի ամենէն խոր տեղն ալնոր արեւ մը պիտի

դանէիր . նոր մոլորակներ որ շրջաննին կ'ընեն :  
Մէյմը աչուընիդ վեր բարձրացուցէք մահկա-  
նացու մարդիկ . Աստուած անոր համար արեւն-  
ետ քաշեց որ սա անթիւ կրակէ գունտերը տես-  
նէք : Մութն երկիրս պատեց որ դուք յաւիտե-  
նական օրերը յիշէք :

Երկրիս վրայ հաղար ու մէկ տեսակ արարած  
կայ , ասանկ ալ ջուրին ու օդին մէջ անհամար կեն-  
դամիներ : Ո՞վ կրնայ անոնց բնութիւնը , բարին  
պատմել . ո՞վ կրնայ անոնց շրջանը չափել , սահ-  
մանին դիանալ : Այն ամէն աշխարհներն ալ Աս-  
տուծմէ կախում ունին ու անկէ չեն բաժնուիր ,  
ինչպէս որ տղայ մը մօրմէն :

Աստուած է որ Հրատին բնակիչները կը պա-  
րշտկցնէ : Երեւակը սառքյնելու համար եօթը  
կրակէ գունտ ալ քովը կը պտտայնէ : Ամէն ասազ  
ալ Աստուած կ'օրհնէ :

Թելադրութիւններ . — Հարցումներու վերածել . —  
Բարոյական :

ԴԱՍ

98 . Մէյմէկ խօսք կազմել հետեւեալ բառերով .  
Փայլունութիւն , երես , արծաթ , փայլիլ , փայլե-  
ցընել , բազմաստեղք , Արջ , Բեւեռային աստղ , վեր-  
ջալոյս , հպատակ , մոլորակ , շրջան :

Գիր մը փոխելով՝ բառը փոխել ու խօսքեր կազմել :  
Ապակի , կալ , պայծառ , գագաթ , որքան , երկար ,  
աշտարակ , ուռի , պահապան , չէկ , գին , սաթ , վէպ ,  
մամուկ , ճանճ , յամր , մեղկ , պասկ , հաշիւ , բարկ ,  
հարուստ , գաւակ , տաղտուկ , որոշում , ճանկոթել :

ԴԱՍ

ԶՄԱՐՐԵԼ ԽԵՂԱՆԴԱՄՆԵՐԸ

Զարուհի անուն փոքրիկ աղջիկ մը՝ օր մը եր  
դայեակին գիրկէն ինկաւ ու ոտքը կոտրեցաւ :  
Խեղճ աղջիկը կաղ մնաց : Դալոց դացած օրը բո-

Ըսր ընկերուհիները իրեն կը նայէին , ըրածնին աշնիրաւ բան էր , որովհետեւ խեղճին սիրաը երկիւդով ու վիշտով կը լեցնէին : Զեմ համարձակիր ըսել այդ օրուան զրոսանքի միջոցին պատահածները : Աշակերտուհի մը կաղալով քալեց Զարուհի աղջկան առջեւէն , ասով անոր կաղութիւնը կը ծաղըէր : Ո՞հ , ո՞րչափ գէշ բան է մարդ ծաղըէլ : Զարուհի անկիւն մը գնաց ու սկսաւ լալ : Վարժուհին նըշմարեց , անոր քով գնաց ու կամացուկ մը հարցուց թէ ի՞նչ էր լալուն պատճառը : Զարուհի պատմեց պատահածը . վարժուհին այն յարասիրս շփացած աղջիկը բերել տուաւ , անոր անիրաւ վարմունից յանդիմաննեց և խստիւ պատճեց զայն : Այն օրէն իվեր ազնուութեամբ վարուիլ սկսան փոքրիկ հիւանդիկախ , խեղանդամ աղջկան հետ : Ամէնն ալ անոր հաճոյք պատճառել կ'ուզէին : Մէկն ուտելիքը կը բերեր անոր , ուրիշ մը թեւը կուտար՝ իրենց տունը տանելու համար : Մէկ խօսքով գորոցին այրական աղջիկը կը սեպուէր Զարուհի :

Նատ վասթար սիրտ մը կրելու է խեղանշամները ծաղըէլու համար , խեղճերն ի՞նչ յանշամք ունին , բաւական արգահատելի չե՞ն արդէն :

Թելադրուքիւններ . — Հարցումներու վերածել . — Բարոյական :

Դ Ա Ս Զ Պ.

100. Մէրմէկ խօսք կաղմնել հետեւեալ բառերով .

Դայեակ , կաղ , երկիւղ , վիշտ , համարձակիլ , նըշմարել , չարսափրտ , չփանալ , աղնուութիւն , վարմունք , յանդիմանել , հիւանդկախ , խեղանդամ , արգահատել , սիրական ,

Գիր մը փոխելով՝ բառը փոխել ու խօսքեր կաղմնել .

Աւաղան , կոհակ , նուրբ , կանոն , չոգի , սակառ , ուս , ատելի , սիւն , ժանեակ , դիակ , բոյթ , թութակ , փուռ , ձահիճ , նման , չոթ , սոնապան , հայրենի :

Դ Ա Ս Չ Ե.



ԾՂՐԻԹՆ ՈՒ ԹԻԹԵՌՆԻԿ

Ա. Ա. Կ

Ծղրիթ մը խեղճ , ու ևկուն ,  
Խոսերուն մէջ նատած տիսուր՝  
Թիթեռնիկ մը տեսաւ փայլուն  
Որ գաշտին մէջ՝ զուարթ կ'ուսնուր .  
Ճող կ'արձակէր , կը փալփլար՝  
Կարմիր , կապոյս գոյնով պայծառ ,  
Ծաղկափրիթ յոյժ գեղեցիկ , սպրոկիկ՝  
Կը թռչուէր , կ'անցնէր ծաղկէ ի ծաղիկ .  
Ծղրիթն հառաջեց սրտին խորէն ,

Եւ սկսաւ սասպէս խօսիլ Ենքնիրեն .  
« Ոլչափ անդութ է մայր — բնութիւն .

Որ սնոր տուաւ  
Ենորհներ անքաւ ,  
Եւ զիս չար բախտէն՝  
Խեղճ թողուց այսպէս .  
Զունիմ հանձար գեղեցկութիւն ,  
Թշուառ կ'ասլիմ , զուրկ չնորհքէ .  
Ամէն մարդ ալ զիս կ'անարդէ :  
Կեանքս է ախուր  
Ապրիլս է զուր :  
Ի՞նչ բախտ անդութ .  
Անշուք ու մութ » :

Մինչդեռ այսպէս կը տրտնջար ,  
Հոն համնի տղոց մէկ պար ,  
Որ կըսկին՝ խեղացնո՞ր .  
Վրան վաղել թիթեռնիկին :  
Նախանձելով ամէնքն անոր ,  
Կ'ուղեն բոնել : Անոնցմէ մին՝  
Կը նետէ թաշկինակ .  
Եւ միւսը իր գլսարկ :  
Ողորմելի միջասն ի զ՞ո՞ւր , վայրապա՞ր .

Անոնց ձեռքէն աղասելու կը ջանար .  
Մին կը բոնէ թեւէն , միւսը դիմէն :  
Երրորդ մալ գնաց քաշել մէջքէն :

Այդչափ ջանքերն են աւելորդ  
Յոշտելու ողորմելին :

« Օհօ՛ , ծղրիթն ըստ , ա՞լ չեմ նախանձոտ  
« Փա՛ռք , հաղա՛ր վասուք իմայս խեղճուկ վիճակին :  
« Թէ երջանիկ ապրիլ կ'ուղես ,  
« Համեստ , անշուք ապրելու ես » :

Թելադրութիւններ . — Հարցումներու վերածել . —  
Բարոյական :

~~~~~

## ԴԱՍ Զ Զ.

102. Մէյմէկ խօսք կազմել հետեւեալ բառերով .  
Ծղրիթ , նկան , թիթեռնիկ , ծաղկափթիթ , սպրիկ ,  
Հառաչել , խելացնոր , յոշուել :  
Գիր մը փոխելով՝ բառը փոխել ու խօսքեր կազմել .  
Լերկ , բիր , չուառ , լեռ , լինա , կուռնկ , ծղօս ,  
Քոպ , ճիր , ողբ , որբ , չար , կապիկ , նկար , մարադ :

—————

## ԴԱՍ Զ Զ.

### Զ ԳԱՅՈՒՆ Տ Ն Ա Յ Ն

Երուանդ , որ ընջեղ մարդու մը որդի էր , գարւ  
նան գեղածիծաղ առաւօտ մը գիւղ գնաց պտտեւ-  
լու : Ազարակ մոսաւ և պնակ մը կաթ բերել  
առաւ , ստակը վճարեց , ծառի մը շուքին տակ  
խոսին վրայ նստաւ , կաթին մէջ հաց բրդեց և  
սկսաւ ախորժակով ուտել :

Վահան որ գիւղացի աղքատ տղայ մըն էր՝  
հոն կեցած՝ Երուանդին կը նայէր ու բերնին ջու-  
րերը կը վաղէին . խեղճութենէն անօթութենէն  
աղոն երեսը գոյն չէր մնացեր : Թէպէտ սիրալ  
ուզեց , բայց չկրցաւ երեսը պնդացնել ու Երուան-  
դէն քիչ մը կաթ ուղել : Երուանդին միտքէն մէյմը-  
անցաւ պնակին տակ քիչ մը բան աւելցնել վա-  
հանին համար , բայց ոկրամոլութիւնը յաղթելով  
բարեւարութեամ՝ լսու մը կերաւ խմեց մինչեւ յե-  
ալին կաթիլը : Այն ատեն ցաւ մը զգաց սրակին  
մէջ . խղճի ձայնն իրեն կ'ըսէր կարծես . « Երուանդ-  
ինչու բաժին չհանեցիր աղքատին , ի՞նչու անզուր

վարուեցար» : Ամօթէն կասկարմիր կտրած էր, չէր  
համարձակէր Վահանին նայելու : Յանկալիծ ոսք  
ելու, պնակը նորէն լեցնել տուառ, խոշոր հայ  
մը ուղեց, իր ձեռքով կաթի մէջ բրդեց և վա-  
հանին հրամյուց որ անոյշ ընէ :

Թելադրութիւններ . — Հարցումներու վերածել . —  
Բարոյական :

### Դ Ա Ս Չ Ը Ն Ա Լ

104. Մէջմէկ խօսք կազմել հետեւել բառերով .

Ծնէլզ, գեղածիծաղ, բերել, բարեսրառութիւն, ան-  
դութ, ամօթ, կասկարմիր :

Գիր մը փոխելով՝ բառը փոխել ու խօսք կազմել .

Ամանակ, արարած, կապիկ, խայծ, պաճար, ցուլ,  
ածու, ձեւ, փառը, լոյժ, ճառըսկ, մամուռ, պառկ,  
հունձ, խորակ, զիստ, ոստ, սէր, վասառ, զարդա-  
հառ :

### Դ Ա Ս Չ Ը Ն Ա Լ

Ո Ւ Ղ Ի Ղ Կ Ե Ն Ա Լ

Երիտասարդներ կան որ կը կազմն կամ կոտ-  
րած մէջք ունին ծերուկներու պէս . գիտես թէ  
շատ անդամ ի՞նչ է պատճառը : Պարզապէս ման-  
կուրեան ատեն իրենց մարմինը դէշ դիրքի մէջ  
պահած են : Շատ դէշ սովորութիւն ունին որ  
կարդացած կամ գրած ատենին իրենց մարմինը  
լսու դիրքի մէջ չեն պահեր : Պէտք է մէջքն ու-  
ղիղ պահել ու գլուխը շատ չծռել : Ո՞վ չհասկնար  
այս բանը : Մարդ մը վոքք եղած ատեն իր սո-  
կորները փափուկ են և օրի կը մեծնան . Եթէ  
իրենց մարմինին մէկ մասը շարունակ դէշ դիրքի  
մէջ գտնուի, սոկորներն ալ այն կերպով կը մեծ-  
նան ու մարմինը սձեւ կըլլայ : Քալելու ատեն ալ  
պէտք է ողիղ կենալ ու գլուխը վար չկախել :

Որեան շրջանը թեթեւցնելու համար պէտք  
է վազվզել խաղալ : Երակներու անշարժ մնալը  
աղէկ չէ : Մանաւանդ տղայք աւելի պէտք է  
շարժին, վաղվզեն, խաղան : Տղու մը համար

շատ պէշ է այնպէս անշարժ դամուած կենալ,  
շարունակ նստիլ։ Տղայ մը լսու պայմաններու մէջ  
մեծնալու, զօրաւոր ու առողջ մարմին մը ունեւ  
նալու համար պէտք է որ շատ անդամ մարմնաւ-  
մարգ ընէ։ Մարմնամարդի միջոցաւ կանոնաւոր  
կերպով կը շարժին մեր մարմնի բոլոր անդամները՝  
առանց շատ յոգնելու։ Տղայք աւելի շուտ կը  
մեծնան ու զօրաւոր ոտք ու ձեռք կ'ունենան.  
Եթէ մարմնամարդ ընեն։ Մարմնամարդի չափ օգ-  
տակար է նաեւ վաղելով ցատկելով կանոնաւոր  
խաղեր խաղալ։

Թելադրութիւններ . — Հարցումներու վերածել։

~~~~~

### Դ.Ա. Ղ.

106. Մէջմէկ խօսք կազմել հետեւեալ բառերով.  
Մանկութիւն, թերի, տձեւ, արեան շրջան, մարմ-  
նամարդ։

Շարադրութիւն . կատուին նկարագիր . — 1. Կա-  
տուս (գոյնը), աչքերը, ականջները։ 2. Կատուս որկ-  
րամոլ է, ճաշած ատեն կուգայ կը ոլքտայ (ուր)։ 3.  
Սրունքներուս կը քսուի (ինչո՞ւ)։ 4. Այն ատեն, (ի՞նչ

ձեւ, ինչպէս կեցուածք ունի)։ 5. Կատուս մակոտ է,  
կը սիրէ կծկալի (ուր)։ Այն ատեն ի՞նչ դիրք ունի, ինչ-  
պէս կը դնէ իր թաթերը։ Այն ատեն աչքերը բա՞ց են  
բոլորովին։

---

### Դ.Ա. Ղ.

ԽՈՒԼՈՒՃԻԿ ԿԱՄ ՄԵԾ ՊԱԼՔ  
ՀԱՆԵԼՈՒԻ

Թռչուն մ'եմ, փոր ուռեցիկ  
եօթը թեւով բռուցիկ  
Արցունքի մէջ կը ծնիմ,  
Ժպտելու մէջ կը մեռնիմ։  
Կեանքս եօթը շաբաթ է լման  
ձընճղուկներուն աննման,  
Կը թոթուեմ եօթն անդամ  
եօթներորդին քոն կ'ըլլամ։  
Թեւեր չունիմ ուկեհուռ,  
Ո՛չ կեր կ'ուղեմ, ո՛չ խոս, ջուր,  
Աշերս բուի աչքի պէս,  
Սոսկում կ'աղգեն պարզապէս։

Ես չեմ երդեր անուշակ ,  
 Շատ տղեղ է իմ հասակ ,  
 Օրն ի բոն լուռ , համըր , խուլ՝  
 Այսին իմ ձախ , ձիգ խարխուլ :  
  
 Տղայքն ամբողջ եօթըն օր  
 Դողեր կ'զգան նորանոր ,  
 Շաբթու դլուխ որ կուզայ՝  
 Զիս կը փետտեն անզգայ :  
  
 Քանի փետուրս կը հասնի ,  
 Տղայք յայտնի կամ գաղանի ,  
 Զորս դիս կուզան , կը պատեն ,  
 Կը չարչրկեն խստօրէն :  
  
 Զուր հարս՝ աղջիկ համօրէն  
 Խնծի բերան կը ծռեն ,  
 Ես բարի եմ ու կուտամ  
 Սէր , կետնք ու ճոխ համադամ ,  
  
 Շաբաթն հաղիւ կ'ըլլայ եօթ ,  
 Երկինք կ'ելլեմ անշրվոթ  
 Վար կը զրկեմ լոյս , Զատիկ  
 Հաւկիթներս խասուտիկ :  
  
 Խուլուճիկն եմ , խուլուճիկ ,

Եօթը թեւով թռուցիկ ,  
 Կեանքըս՝ յաւէտ սեւ ու սուդ  
 Մահըս ժպիս սրբաշոյ :  
  
 Թելադրութիւններ . — Հարցումներու վերածել :

Դ Ա Ա Ղ Բ.

108. Մէյմէկ խօսք կազմակ հետեւեալ բառերով .  
 Թռուցիկ , ժպիս , ոսկեհուռ , բու , խուլ , առիք ,  
 Ճիգ , հարս , սրբաշուք :  
 Շարադրութիւններ , կաղամարք . — Օննիկ կաղամ  
 ասրը ստացաւ (ի՞նչ նիւթէ) վարժապահնին մէջ . սիրուն  
 է այս կազմամարք . (ի՞նչ նիւթէ շինուածէ խուփը) : Վար-  
 ժապահնէն դուրս ելած ասեն փոխանակ (ի՞նչ ընելու) կը  
 փութայ (ի՞նչ ընել) , որպէս զի (ի՞նչ ընելու) ժամուան  
 (ի՞նչ ընէ) :

## ԴԱՍ ՂԳ.

ՈՒՏԵԼՈՒ ԵՒ ԽՄԵԼՈՒ ԿԱՆՈՆՆԵՐ

Առողջ ապրելու համար շատ մը կանոններ կան որոնց պէտք է հետեւինք : Այս կանոններն ամենքը միասին Առողջաբանութիւնն իր կազմեն : Տղայք պէտք չէ որ խմեն ո՛չ օդի, ո՛չ գինի, և ո՛չ ուրիշ ոգելից ըմպելիք : Մեծ մարդիկ եթէ շատ դորժածեն այս ըմպելիները, կը վնասուին, իսկ տղայոց համար անոնց մէկ կաթիլն անդամ վտանգաւոր է . անոնք ստանին ու այլիները կ'աւրեն : Օդին և ուրիշ ոգելից ըմպելիներ ողեզին ալ վնաս կուտան : Հայի կամ միափ կտոր մը որչափ ալ աղէկ ծամուի այնչափ դիւրաւ կը մարտարակ է .

Կերակուրը ուտելն անմիջապէս ետք չվերաջանար մարտողութիւնը, ա՞ն կը շարունակուի գեռատեն մըն ալ : Ուրեմն հայ ուտելէ անմիջապէս ետք աշխատելու չէ, մանաւանդ պէտք չէ շո-

գանձ ընել ծովու կամ զետի ջուրերու մէջ կամ սունը : Աւելի աղէկ է ընկերներու հետ պտտիլ կամ խաղ մը խաղալ :

Քանի որ ակուաները պէտք է աղէկ ծամեն որ կերակուրը դիւրաւ մարսուի, ուրեմն շատ կարեւոր է, խնամք տանիլ ակուաներուն : Պէտք է ամէն առտու լուացուած ատեն կակուդ՝ ակուայի վրձինով վերէն վար, աղէն ձախ շիշիել զանոնք ու ջրով լուալ : Ակուաներն երբ անխնամ թողուին, հիւանդ կ'ըլլան, անոնց տակի ջիղերը կ'սկսին սաստիկ ցաւիլ ու ակուաներն կ'սկսին փափիլ : Պէտք չէ բնաւ ակուաներով կարծը բաներ կոտրել, որովհանեւ ակուայն իր տեղէն կը խախտի, շատ անգամ կը կոտրի ու կ'սկսի փափիլ ու սոսկալի ցաւպատճառել :

Թելադրութիւններ . — Հարցումներու վերածել :

~~~~~

## ԴԱՍ Ղ. Պ.

110. Մէյմէկ խօսք կազմել հետեւեալ բառելով.  
Առողջ, առողջաբանութիւն, սասամօքս, աղիք,  
ծամել, մարսել, մարսողութիւն, լոգանք, ծով, գետ,  
շիշփել:

Տարադրութիւն, սահնակ. — 1. Պարոյր շատ լաւ  
գիտէ սահիլ. առաջ կը նետուի (ո՞ւր): 2. Սահելուն ի՞նչ  
դիրք ունի, աջ ոտքը, ձախ ոտքը, թեւերը: 3. Կոճակի  
վրայ սահելու ատեն ի՞նչ դիրքի մէջ են սրունքները:  
4. Բայց ոտքի վրայ ելած ատեն ի՞նչ կ'ընէ:

## ԴԱՍ Ղ. Ե.



## ՄՈՒԿՆ ՈՒ ԿՈՎԸ

Կարդացողի մը տուն մեծցած,  
Հին դիրքերու կողեր կրծած,  
Չնչին մինիկ մը կար հպարտ,

Որ երթալով արտէ՛ արտ՝  
Կը տեսնէ կով մը ծանրախայլ,  
«Ա'ս է եղեր, կ'ըսէ ժուռ գալ.  
Ինչուան որ դուն մէկ մը շարժիս՝  
Ճահիսուդ կէսը կը տեսնես զիս,  
Սորվէ՛, սորվէ՛, կով բարեկամ՝.  
Թէպէտ պղտիկ ես կ'երեւամ՝,  
Բայց, տե՞ս ինչպէս շուտով շուտով,  
Կ'երթամ կուգամ ամէն ճամբով,  
Մեծութենէն բան չելլեր, չէ՛,  
Ճալպի՛կ եղիր, ինծի նայէ . . . »:  
Գեռ խօսքին կէսը բերանն էր,  
Մէկ մալ կատուն որ պահուըտէր,  
Ու կը դիսէր յարմար ատեն,  
Ցատկեց վրան, ցուցուց իրեն  
ի՞նչ աննըման են իրարու  
Չնչին մլան չափն ու կովու:  
Գո՞ւք ալ, պարծենկո՛տ ինմասակի  
Փորձով չափերնիդ կ'իմանաք:

Թելադրութիւններ. — Հարցումներու վերածել. —

Բարոյական:

## ԴԱՍ ՂՋ.

112. Մէյմէկ խօսք կազմել հետեւեալ բառերով .  
Կարդացող, ժուռ գալ, պարծենկոս, խմաստակ :  
Նարադութիւն, փոքրիկ Պարեսին զլխարկը .— 1.  
Կոռուսէր Աշոտ օդին մէջ կը նետէր Փոքրիկ Պարէտին  
Գլխարկը որ կ'երթայ կը կաւչի (՞ւր) : 2. Պարէտ մեծ  
ցաւ կ'զգայ (ինչո՞ւ), կ'երթար անձամբ առնել զայն . իր  
ծնողքն ի՞նչ պիտի ընէին եթէ . . . : 3. Բայց Գէորգ որ  
(ստորոգելի) է մաղլցեցաւ ծառն ի վեր . (նկարագրել մաւ-  
քըլցող տղայն, նեղութիւն կը կրէ), հասաւ գլխարկին  
մօտ . Պարէտ նետեց զայն (ի՞նչ ըստ անոր) և միտքը  
դրաւ որ այլ եւս չխաղայ . . . հետ :

---

## ԴԱՍ ՂԸ.

### ԱՌԱՐԿԱՆԵՐՈՒ ԽՈՒՄԲԵՐ

Հետեւեալ առարկաներու խումբերով մէյմէկ  
խօսք կազմել :

Տեղ մը խոր = խորի մէջ, հոյլ մը ծաղիկ =  
ծաղիկներու հոյլ, պրակ մը թուղթ = թուղթե-

ըու պրակ, կապոց . խուրճ մը հասկ = հասկե-  
րու խուրճ, ծրար մը կտաւ = կտաներու ծրար,  
թեռ մը փայտ = փայտերու թեռ, կոյց մը հող =  
հողերու կոյց, շարֆ մը ոսկի = ոսկիներու շարֆ,  
պարկ մը ածուխ = ածուխներու պարկ, շեղջ մը  
ջուր = ջուրի շեղջ, շեղջ մը յարդ = յարդի շեղջ :  
Կըսուի նաեւ ձեռի մը հագուստ, մարդ մը  
գերի, զլուխ մը սոխ, լոհ մը օճառ, ափ մը չա-  
միչ, պտղունց մը աղ, փերը մը ապուխտ, ողկոյզ  
մը խաղող, ծալֆ մը պաստեղ, թիզ մը հասակ,  
բուռ մը խոտ, սորինդ մը նաւ, պմեղ մը սխառը,  
շիթ մը արցունք, կարիլ մը անձրեւ, կայլակ մը  
քրտինք :

---

## ԴԱՍ ՂԸ.

### ՏՕՆ ՈՒ ՀԱՆԴԵՍ

Ամէն ժողովուրդ մեծ կարեւորութիւն կ'ըն-  
ծայէ բաղաժական հանդէսներու : Մենք ալ սուր-  
բի, վլայի մը յիշաւուկը տօնելու համար եկեղե-  
ցական հանդէսներ կը կատարենք :

Կան նաեւ ընտանեկան տօներ որ հրահամ-  
փից ու հրապուրից են, մանաւանդ իրենց բարոյա-  
կան ներգործութեամբ։ Իրաւի՛ տարուան շրջա-  
նին մէջ ի՞նչ սիրուն ու սիրայօդ զումարուններու  
առիթ կ'ըլլան այլ և այլ Տէրունի տօներ, որչափ  
ինդութիւն ու եռանդ կը գրզուն աղոց մէջ։ Կա-  
զանդին որ արտագին ուխտեր, մադրամիններ ու  
պարգեւներ կը բերէ իրեն հետ, բանալով երախ-  
սասպարա սիրաերու գանձերը ։ Քանի ու սրտագին  
դդացումներ կը հրահրեն Ծնունդին ու Զատիկը,  
երբ աղոց ծնողասէր ողին կը յորդորէ զիրենք  
նաեւ սիրել ու պաշտել իրենց հայրերուն Աստ-  
ուածն, և ջերմագին կատարել կրօնական պարտա-  
նութիւններն։ Իսկ երբ Ծնունդի կամ անուան  
տարեգարձի, ծնողքի ու զաւակներու տօներ կը  
հանին, բերկրութիւնը կը կրկնապատկի, առունը  
հանդիսավայր մը կը դառնայ, կարծես թէ կը  
վերածնին անեցիներն ու կ'ողեւորին՝ իրենց շուրջը  
առանելով համեստութեան ու սիրոյ նշաններ, չոր-  
հաւորական այցեր։

Թելարութիւններ . — Հարցումներու վերածել :

## ԴԱՍ ՂԹ.

114. Մէջմէկ խօսք կազմել հետեւեալ բառերով .  
Կարեւորութիւն, հրահամնգիչ, հրապուրիչ, բարոյա-  
կան, ներգործութիւն, սիրայօդ, գումարում, գրգռել,  
կազմագի, մազթանք, հրահրել, Ծնունդ, Զատիկ, կրօ-  
նական, հանդիսավայր, ոգեւորիլ, համակրութիւն :

Շարադրութիւն, Մսկոսք . — 1. Այս գիշեր ձիւն  
աեղաց, ո՞ւր : 2. Անիսելք, մսկոս Զարեհ կ'անցնի : 3.  
Խնչպէս կը քալէ : 4. Քիթը ի՞նչպէս է : 5. Զեռքերն ո՞ւր  
դրած է, մինչեւ ո՞ւր կը հասնի իր խոշոր փողկապը :  
6. Եւ սակայն ի՞նչու կը սարսուայ :

## ԴԱՍ Ճ.

### ՀԱՆՁԱՐԵՂ ԾԵՐՈՒՆԻՆ

Վեհաշուի անձ մը օր մը բազմաթիւ հետե-  
ւորդներով կ'անցնէր աեղէ մը, Տեսաւ ծերունի  
մը որ արմաւենի կը անկէր :

« Ինչո՞ւ ի զուր կը յոդնիս, ո՞վ մարդ, ըստ  
անոր նոյն անձը, քանի որ քառասուն տարի ետք  
պառուղ պիտի տայ անկածդդ։ Դուն այսօր կաս՝  
վազը չկա » :

— Տէր իմ, պատասխանեց ծերունին, ուրիշ մը անկեց, ես կերայ, ես եւս կը անկեմ որ ուրիշն ուտէ :

Վեհաշուքը շատ հաւնելով այս խօռքին հազար սակի տուաւ անոր : Ծերունին ընդունելով այս պարգեւը՝ փառք տուաւ Աստուծոյ և շատ գոհ երեւցաւ :

« Ինչո՞ւ Աստուծմէ գոհացար ու փառք տուիր, հարցոց վեհաշուքը » :

— Վասն զի պատասխանեց ծերունին, ամէն մարդու տնկած ծառը քառասուն տարիէն պտուղ կուտայ, իսկ իմն մէկ օրուան մէջ պտուղ տաղ սկսու, ահա՛ ասոր համար գոհացայ » :

Վեհաշուքը նորէն հաղար սակի պարգեւ տուաւ այս գեղեցիկ պատասխանին համար : Ծերունին դարձեալ գոհացաւ ու փառաբանեց Աստուծ :

Վեհաշուքը հարցուց :

« Ինչո՞ւ նորէն գոհացար » :

— Վասն զի, յարեց ծերունին, ամէն մարդու ծառը տարին մէկ անդամ պտուղ կուտայ, իսկ իմ ծառս մէկ օրն երկու անդամ պտուղ տուաւ, ինչու չդոհանամ » :

Վեհաշուքը՝ զմայլած այս հանճարեղ պա-

տասխանին՝ շատ սիրեց ծերունին և տարաւ վերակացու կարգեց իր ապարանքին, ոլոլէս զի խըրատէ ու կըթէ իր զաւակները :

### Ա. Ո. Ա. Ծ

Մարդ միայն ինք իրեն համար չապրիր, այլ ընկերական պարտք ունի :

Թելադրութիւններ . — Հարցումներու վերածել . — Բարցական :

### Դ Ա Ս Ճ Ա Ս.

Նարադրութիւն, Գնելին բռուցիկը . — 1. Գըտանէլ . . . թառցիկ մը ունի (ուրկէ գնած է) : 2. Ի՞նչ կ'ընէ իր ընկերներուն : 3. Ի՞նչեր կը հազորէ ահսքին, գինին վրայ : 4. Ասողներ ունին այնչափ գեղեցիկ մը : 5. Գնէլ կ'արձակէ իր թուղթերը, կը թողթու որ շատ բարձրանայ, ուր, ի՞նչ . . . է, կ'արժէ թուղիկ ունենալ, եթէ . . . :

ԴԱՍ ՃՐ.

ԵՆՏԱՆԻՔԻ ՈՒՐԱԽՈՒԹԻՒՆ

Տեսա՞ծ էք թռչունի մը բոյնն . դեղնորակ կտուցով ձագուկներ կը ճռուողեն՝ սպասելով որ իշխաց մայրենն ուտելիք բերէ իրենց : Հիմա երեւակայեցէք որ այդ ձագուկներէն մէկը բոյնէն վար իյնայ ու քարերու ներքեւ մնայ միս մինակ, ի՞նչ կ'ըլլայ խեղճ ձագուկին վիճակը : Պիտի ճռուողէ, ճիւճիւայ, և անօգնական մեռնի : Որչա՞փ երջանիկ են անոնք որ հայր ու մայր տնին, տան մէջ կ'ապրին, եղբայրներ, քոյրեր ու աղջականներ ունին : Ես աղէկ մը կը ճանչնամ, որուն հայրն ու մայրը մեռած էին, մնացած էք որբ : Տեսնէիք ինչ խեղճութեան մէջ էք . հագուստներն պատուած, դէմքը, մազերը աղտոտ, նիհար, գիշերները փողոյը կը մնար : Խեղճ որբ : Բարեկամ մը ունէի որ զաւակ չունէր, աղաչեցի անոր որ որբը որդեգրէ : Բարեկամն որ շատ բարի սիրունէր՝ մտիկ ըրաւ խօսքիս, որբը որդեգրեց ու աղաշտպանեց զայն : Հիմա որչա՞փ երջանիկ է եր-

բեմնի խեղճ աղայն : Հոն տան մէջ ձմեռ առեն սենեակը տաք է, վայելույ հագուստներ ունի . սենդարաւ կերակուր կ'ուտէ : Զայն կը լուան, կը մաքրեն . եթէ հիւանդ ըլլայ, անոր հոգ կը տանին : Ի՞նչ աղէկ բան է տունը : Հոն կոյ հայր և մայր, իր եղբայրներուն ու քոյրերուն հետ կը խաղայ, մեծ հայրն ու մայրը զայն կը սիրեն, իր մայրն ու հայրն իրեն ինչ որ պէտք է կ'առնեն ու զայն դպրոց կը դրկեն : Տունը, տանը սենեակները, փոքր պարտէզը ամենքն ալ շատ սիրուն են : Գացէք բարեկամի մը տունը, մնացէք հոն մէկ երկու օր, պիտի տեսնէք ձեր սիրուը կը նեղուի, շոտով կ'ուղէ դառնալ ձեր տունը :

Ա. Ռ. Ս. Ծ

Ամէն առաքինութիւն ընտանիքն կը բոլորի :  
Թելադրուրիւններ . — Հարցումներու վերածել :

---

## ԴԱՍԸ ՃՎ.

117. Մէյմէկ խօսք կաղմել հետեւեալ բառերով .  
Դեղնորա՛լ, կտուց, որդեզիր, վայելուչ, սննդա-  
րար .

Յարադրութիւն, կատուն է կերեր . — 1. Ուր նըս-  
տած են, հայրն ի՞նչ կ'առնէ կարելու համար : 2. Սա-  
հակ ի՞նչու տագնասպի մէջ է, ի՞նչ կը մտածէ : 3. Հայ-  
րըն յանկարծ ի՞նչ կ'ընէ, որո՞ւն կը նայի : 4. Ոկրամոլը  
ի՞նչ կերպարանք կ'առնէ ու ի՞նչ կը պատասխանէ, հայ-  
րըն ի՞նչ կ'ըսէ : 5. Յովհաննէս ի՞նչպէս իր յանցանքը  
խստավանեցաւ : 6. Ո՞վ կերած էր, ի՞նք թէ կատուն :

---

## ԴԱՍԸ ՃՎ.

### ՄԷԿ ԺԱՄՈՒ ԱՐԺԵՔԸ

Ինաւ խորհած չես, աղա՛յ, թէ մէկ ժամը  
ի՞նչ արծէք ունի : Ժամացոյցը կը հնչէ, և մըտ-  
քովդ կ'ըսես . «Ահա, ժամ մըն ալ անցաւ : Եւ  
ա՛լ աւելին չես խորհիր :

Սակայն ի՞նչ բաներ կատարուած են աշխար-

հի մէջ այդ մէկ ժամուն, զոր գուցէ խաղով կամ  
ծոյրութեամբ անցուցիր :

Մէկ ժամու մէջ, չորս հազար հոգի աշխարհ  
կուգան, և մէկ ժամու մէջ երեք հազար հոգի  
կը մեռնին . այսպէս հաշիւ ըրած են գիտունները :

Սահող անցնող մէկ ժամու մէջ, ո՞րքան մար-  
դիկ աշխատած ու տառապած են, ոմանք գաշ-  
տին մէջ կիզիչ արեւին գէմ երկիրը հերկելով .  
ուրիշները մեծ քաղաքներու գործատուներուն մէջ  
սեղաննին վրայ կիած՝ կը տքնին յրտնաթոր ճակա-  
սող :

Ժամեր կան որ մեր կեանքին համար մեծ ար-  
ժէք ու նշանակութիւն ունին :

Ո՞հ օրհնեալ ըլլան այն թանկադին ժամերը,  
ուր հնարիներ իրենց նմաններուն կ'ընծայեն այն  
գիւտերը որ մարդկային զարդացումը կը փութա-  
ցընեն, ժողովուրդները կը միայնեն, այսպէս են  
ասպագրութիւնը, երկարուղին, հեռագիրը, հեռա-  
ձայնը, եւայն :

Օրհնեալ ըլլան այն ժամերն, ուր գեղեցիկ  
գործեր կատարուած են, ուր մարդիկ բարեգոր-  
ծութիւն ընելով՝ օրինակ եղած են իրենց նման-  
ներուն :

Ամէն անդամ որ կը լսես ժամին հնչելը , մը  
տածէ , տղա՛ս , և ինքնիրենդ հարցո՛ւր , « Լաւ  
գործածեցի՞ այս ժամը » :

Տեսայ տղայ մը որ դպրոցէն կուգար , գիր-  
քերը անութին տակ : Ժամացոյցը հնչեց , և ար-  
շան ուրախութեամբ կը իսայտար և կը դոչէր :

Որչափ բաներ սորվեցայ այս ժամնւս :

Ինչէ՞ն է որ այդքան կ'ուրախանայ , ինչ օդուտ  
վայելած է այդ տղեկը . անոր համար որ այդ  
ժամուն , ուշադիր եղած է դասերուն : Շատ լսու  
կը համինար թէ այդ դպրոցական ժամերը իր ամ-  
բողջ կեանքին բախտը կընային շինել :

Թելադրութիւններ . — Հարցումներու վերածել . —  
Բարոյական :

## ԴԱԴ ՃԵ.

119. Մէյմէկ խօսք գաղմել հետեւեալ բառերով .  
Ժամացոյց , ծուլութիւն , հերկել , տենդ , քրտնա-  
թոր , կքիլ , հնարել , տպագրութիւն , երկաթուղի , հե-  
ռագիր , հեռաձայն , խորդալ :

Շարադրութիւն , ժամացոյց . — 1. Որո՞ւն ինչ յոյս  
և ինչ զբուցեցին : 2. Հետեւեալն ի՞նչ էր որո՞նք են այն  
երկու թերութիւններն : 3. Ո՞ր ժամացոյցը բանալու կը  
մզեն զայն : 4. Ո՞ր պահուն ի՞նչ կը նշմարուի : 5. Ինչո՞վ  
հաղալ կ'սկսի : 6. Ժամացոյցը ի՞նչ կ'ըլլայ : 7. Այսու-  
հետեւ ինչ կ'զգայ , ինչո՞ւ (երկու պատճառ) :

## ԴԱԴ ՃԵ.



## ԱՐԻՒՄԸ

Ամենէն մեծ կատաղի առիւծները կը գըտ-  
նուին Ավրիլիկի լեռներուն ու ընդարձակ դաշտե-  
րուն մէջ : Երբ արեւը մարը մտնէ , առիւծը կ'ել-  
լէ իր որջեն ու կ'երթայ որս վնասուելու : Թերե-  
ւակի կը առյուղի ցեխերուն մէջէն և կը պահուը-  
տի աղբիւրի մը քովւ : Երբ ուրիշ կենդանի մը  
տի աղբիւրի մը քովւ :


գոմիշը, յամոյր, վագերաձի, դայ աղբեւրը ջուր խմել, առիւծն ահեղ սատիւնով անոր վրայ կը խոյանայ և իր ճիրանին միա'կ հարուածով անոր կողերը կը ջախջախէ :

Առիւծն այնքան ուժեղէ որ կրնայ երինջ մը բերանն առնել և այս բեռով միասին լայն փոսէ մը կամ բարձր տեղէ մը ցատկելով անցնիլ :

Երբ գիշեր լսուի անոր մոնջիւնը, բոլոր կենադանի արարածներն ահ ու դողի մէջ կ'ինան : Երբ գիւղի մը մօտ գանուի, շուները կը հաշեն ու ճիերը, եզները, ուղտերը, խօշեցին կը վազեն : Գիւղացիները խարոյկներ կը վառեն ու բոյավառ ջահեր կը ճօճեն, զայն վախյնելու համար : Բայց առիւծին հոգը չէ, արջառներու մակաղատեղը կը մտնէ և քանի մը վայրկեանի մէջ կոլ մը իր թաժերուն տակ կը ջախջախէ :

Երբ անօթի է կամ զայրացած՝ իր պոչով կը ծեծէ կողերն և կը ցնցէ իր բաշերը :

Թելադրութիւններ . — Հարցումներու վերածել :



## ԴԱՍԱԾԱՀԻՆ ՃԱՇԱՆ ՈՒ ԻՐ ԷՇԸ

121. Մէյմէկ խօսք կազմնել հետեւեալ բառերով .  
Որչ, թեթեւակի, սոլոսկի, ձախ, գոմէչ, յամոյր,  
փոքրողի, խոյանալ, երինջ, մոնչել, խարոյի, խօլեզին,  
ձօնել, մակաղատեղ :

Հարագրութիւն, սարեակն ու կայծոռիկ . — 1. Կայծոռիկ մը կը փայլի խոտերուն մէջ : 2. Ինքզինք աստղերուն հետ կը բաղդատէ : 3. (Կայծոռիկին խօսիլ առողջ գուղղութիւնն) : 4. Սարեակ մը կը նշմարէ զայն (ինչ կը խօսի) : Բարոյական :

## ԴԱՍԱԾԱՀԻՆ ՃԱՇԱՆ ՈՒ ԻՐ ԷՇԸ

Ա. Ա. Ա. Կ.

Նախմի գրոց մէջ առակ մը տեսայ  
Մաքիս բաներուն շատ յարմար կուգայ,  
Նաոր-կատին հօճան տմէն մարդ գիտէ,  
Որ տաճկին խիկար խելօֆ դաւիրն է ,

Ասիկայ կ'ըսէ օր մը իր աղուն .  
 « Որդի , գիտես որ վաղն առաւօսուն  
 Տօնականառ կայ քովի քաղաքներ ,  
 Եկուր հոն տանինք , ծախսնք իշուկնիս :  
 Կ'ելէն հայր որդի , իշուկը կ'առնեն  
 Չորս սուքն իրարու լաւ մը կը կապեն  
 Որ մինչեւ քաղաք էշը չյոդնի ,  
 Ուժեղ , կայտառ մնայ , ու սուղ ալ ծախուի :  
 Ոտքերուն մէջն ալ ձող մը անցուցած  
 Կ'սկսին երթալ բեռի պէս շալկած :  
 Անդիէն մէկը դիմացնին կ'ելէ ,  
 Քա՞հ քա՞հ լսնդալով՝ եա՛ , եա՛ կը հանէ ,  
 « Եատ անխելք մարդիկ տեսեր էի ես ,  
 Բայց մէկը չի կար աս երկուքին պէս .  
 Նայիս՝ մէկն մարդ էր . ու երկուքը էշ » :  
 Ծերը մոսածեց , իրաւոնք սուսաւ .  
 Քակեցին իշուկն ու տղայն հեծաւ ,  
 Խեղճ էջն սկսաւ զուղ ցաւելէն ,  
 Հօճան զարնելով՝ կ'երթար ետեւէն :  
 Քանի մը ճամբորդ առջեւնին ելան ,  
 Աս բանը տեսան , շատ գայրակղեցան .  
 Դարձաւ մէկն ըստ , իրաւ տալու պէս .  
 « Մօ , տղայ , ի՞նչու ատանկ բան կ'ընես ,

Դուն էշը հեծնես ու հայրդ քալէ .  
 Կտրիճ տղու մը ասի կը վայլէ » :  
 — Իրաւոնք ունի , ըստ ծերոնին ,  
 Տղայն վար իջաւ . հեծաւ նասր-կտոտին :  
 Մէյ մ'ալ տեսնես որ քանի մը պառառ  
 Գլուխնին շարժելով՝ մէկ մէկու ըսին ,  
 « Նայէ՛ , քա՛ նայէ՛ , ասոր ըրածին ,  
 Խեղճ սողայն ձգեր ու ինք է հեծեր ,  
 Տղայի մը պէս կ'երթայ . հա՛յ չար ծեր » :  
 Առաջին բերան հօճան կը լոէ . —  
 — « Կնկան խօսքեր են , ո'վ պիտի լոէ » :  
 Անդնք չեն դադրիր , այնչափ կը զբոցեն  
 Ո. յնչափ կը լսնդան ու կը մեղադրեն  
 Որ խեղճ հօճային ճարը կը համնի ,  
 « Մօ՛ , կ'ըսէ՛ , եկուր , ու ետիս հեծիր » :  
 Հազիւ քիչ մը տեղ անհանկով կ'երթան  
 Խել մը մարդիկ ալ անդիէն բրդան ,  
 — « Նոր բան , կանչեցին , սըւոնց նայեցէք ,  
 Ըրած բաներնին մէյմը կշոեցէք ,  
 Խղճմտանք չունիք , հիմն կը սովորիք ,  
 Ետքն ինչ կը ծախէք սոկոր ու կաշի » :  
 — Ուփ , ուփ . կը կանչէ հօճա նասր-կտոտին  
 Զգիտեմ , ինչ ընեմ որ ալ չխօսին .

«Եկո՛ւր, ծօ՛, կ'ըսէ, նոր բան մ՞ալ ընենք .  
Երկուքս ալ իջնենք ու հետի քալենք» :  
Վրան քիչ մը կ'անցնի, մէկը կը տեսնէ  
«Օ՛, կ'ըսէ, ապրիք, խլղճն ալ ձերինն է՛,  
Էշ ունիք ու դուք ոտքո՞վ կը քալէք,  
Աղէկը կ'ուղէք, էշն ալ շալկեցէք» :  
— Ալ, կ'ըսէ հօճան, բերաննիս բանանք,  
«Հա՛, պարոն, կ'ըսէ, ատանկ է ատանկ .  
Ես մինչեւ հիմա իրաւ էշ եղայ  
Որ ուրիշներուն խօսքին նայեցայ,  
Թող ասկէց ետքը կ'ուղեն վար զարնեն .  
Կուղեն գովելով՝ վեր բարձրացնեն .  
Ես աղէկն ընեմ, ուզողն հաւնի,  
Անխելք չհաւնողն իրաւունք չունի» :  
Թելադրութիւններ . — Հարցումներու վերածել .

ԴԱՍ ՃԹ.

Շարադրութիւն, գովելի ստախօսութիւն մը . —  
1. Կոյր հիւանդ մը ու իր թոռը կը մուրան, (նկարա-  
գրել անոնց տխուր կացութիւնը) : 2. Օր մը կը նստին  
Կերակուր ուտելու, (կոյրին խօսիլ ապ) : 3. Շերտ մը

հաց միայն ունին : 4. Տղայն մեծ հօրը կուտայ զայն,  
(տրամախօսութիւն) : 5. Տղուն այս բարի վարմունքին  
վրայ խորհրդածութիւն :

ԴԱՍ Մ.

ԿԱՊԻԿԻՆ ԵՂԲԱՅՐԸ

Փոքրիկ կապիկին մայրը մեռաւ և նա որբ  
մնաց բոլորովին : Տխուր գէմքով ծառին վրայ  
նստած խոր սեւ օրը կուլար : Կապիկը գեղեցիկ  
չէր . գէմքը փոքր էր և կնձռոտ, բունը վտիտ,  
և չորս երկար ձեռքեր ունէր : Դիտելի էր որ կա-  
պիկները ոտք չունին, չորս ձեռներ ունին միայն  
որովհետեւ անոնց ստորին վերջաւորութիւններն  
եւս մարդու ձեռքի նման ընդունակ են դորձե-  
լու, առարկաներ վերցնելու : Բուն իսկ այս պատ-  
ճառով է որ մեծ մեծ կապիկներ գժուարութեամբ  
կը պտըսին գետնի վրայ . առ հասարակ ծառերու  
վրայ կ'ապրին անոնք և այս բանիս շատ կ'օդնեն  
իրենց չորս ձեռքերը : Մեր փոքրիկ կապիկին հա-  
մար մէկը գեղեցիկ չէր ըսեր : Այս բաւական չէ,  
բոլորովին անօղնական էր : Տակաւին ուժը չէր

հասներ մէկ ծառէն միւսը ցատկելու , անոնց վրայ  
ենել կերակուր ճարելու համար . ակռաներն ալ  
դեռ շատ փոքր էին և անկարող՝ ընկոյզ կոտրելու : Ինչպէս կը տեսնուի , անօթութենէ մեռնիլ  
էր իւր ճակատագիրը , ինչպէս կը մեռնի փոքրիկ  
մանուկ մը երբ մօրը մահուլնէն ետքը բոլորսին  
անտերունջ մնայ : Բայց ո՞վ հոգ կը տանէր մեր  
կապիկին : Անոր ցեղակիցները խումբերով կ'առ-  
րէին , որոց մէջ կը գտնուէր իւր մեծ եղբայրը ,  
ամբողջ խմբին մէջ ամէնէն ճարպիկ խեղիկատակնե-  
րէն մէկն էր անիկայ , և քանի մը տարիէ իվեր  
չարունակ խորամանկութիւններ կ'ընէր անտառին  
մէջ : Եթէ տեղ մը կու պատահէր , կրնայիք ա-  
պահով ըլլայ թէ կուռղներէն մէկն այն էր : Եթէ  
կապիկները ժողվուէին գիւղացւոց եզիկացրուենի  
արտերն արշաւելու և կործանելու կամ անոնց այ-  
դիները ասպատակելու համար , անպատճառ մեր  
կապիկին եղբայրը այս արշաւողներուն դլուխը  
կեցած էր : Այս խեղկատակը տեսաւ իւր փոք-  
րիկ եղբայրն որ անօդնական նստած էր ծառին  
վրայ և ցատկեց անոր մօտ դնաց : Նախ այնպէս  
երեւցաւ թէ փորձանք մը բերել կ'ուզէր խեղճին  
գլխին , ցնցել ու ծառէն վար դլորել զայն : Բայց

ո՛չ : Եղբօրը քոյլ նստաւ և քաղցրութեամբ անոր  
ձեռքէն բռնեց : Մանուկն ոկտաւ անոր փարիլ ,  
իւր առջեւի ձեռքերով անոր պարանոցին փաթ-  
թուեցաւ , իսկ յետին ձեռքերը մէջքին կը թնցուց .  
մեծ կապիկին հետ այնպէս կը վարուէր նա որպէս  
թէ իւր մայրն ըլլար , իսկ անիկա ծնողի պէս կը  
խնամէր իր պզտիկ եղբայրը . այս կենդանի բեռը  
գրկած՝ մէկ ծառէն միւսը կը ցատկէր , միջատներ  
որսալով՝ կը կերակրէր զայն , հիւթալի պտուղներ  
կը զատէր անոր համար , անոր հետ իսկ թռչնոց  
կը զատէր կ'որսնէր և մէջի ձուերը կը գողնար : Երբ  
կապիկը քիչ մը մեծցաւ և ոյ տ առաւ , այն ժա-  
մանակ դաստիարակը ցոյց տուաւ անոր թէ ինչ-  
պէս պէտք է ցատկէլ և ծառերէն ենել . սորվե-  
ցուց նաեւ այն ամէն խորամանկութիւնները զորո-  
ւով , Անդամ մը փոքրիկ կապիկը ծարաւ ըլլա-  
լով , եղբայրը տարաւ զինքը զով աղբիւրի մը մօտ-  
Յանկարծ թռուփերու տակէն բարձրաձայն հաշելով  
գուրս վազեց որսի շուն մը : Հոն դտնուող բոլոր  
կապիկները շուտակոյր փախան այլ և այլ կողմեր ,  
և թռչուններու նման ծառերու վրայ պահուըտե-

ցան . միայն փոքրիկ կապիկը չկրցաւ ծառն ելնել :  
Վախէն առջի բերան բարձր քարի մը գլուխը  
ցատկեց , ամրող մարմնով կը դողդղար , իսկ չար  
շոնը քարին մօտ կատաղարար կը հաշէր անոր ե-  
րեսին : Ահա հեռուէն որսորդն ալ երեւցաւ :  
Խեղճ կապիկը անշուշտ պիտի կորսուէր , եթէ եղ-  
քայրը չփրկեր զի՞նքը : Երբ տեսաւ որ իր սանիկը  
վտանգի մէջ է , իսկոյն ետ դարձաւ և համար-  
ձակութեամբ դէպի քարը վագեց . յետոյ զայրոյ-  
րով շան երեսին նայեցաւ այնպէս ապառնազին  
կրծեց ատամները , որ շոնը չհամարձակեցաւ  
վրան յարձակիլ : Այսպէս հասաւ իւր որդեգրին .  
Գրկեց զայն և ծառը բարձրացաւ : Որսորդն ի  
դութ շարժելով անոր անձնուիրութենէն՝ չարձա-  
կեց հրացանը և այսպէսով փրկուեցաւ մեր փոք-  
րիկ կապիկը :

Թելադրութիւններ . — Հարցումներու վերահծու :

### Դ Ա Ս Մ Ա Ր Ի Մ Ա Ն

124. Մէյմէկ խօսք կազմել հետեւեալ բառերով .  
Կնձուոտ , ընդունակ , խեղկատակ , եղիալուացորեն ,  
հիւթալի , շուտափոյթ , սպառնազին , կրծակ :

Նարադրութիւն , աւերակ . — 1. Զութակահար մը  
նուագահանդէսի մը մէջ , ծափահարութիւն : 2. Աղեղն  
ու ջութակը կը վիճին իրենց արժանիքներու վրայ , (տաք  
արամախօսութիւն մը) : 3. Աղեղն , ջութակն , իրենց  
տուփին մէջ դրուելով՝ կը լաեն : 4. Յարոյական :

### Դ Ա Ս Մ Ա Ր Ի Մ Ա Ն

### Հ Ա Ւ Ա Տ Ա Ր Ի Մ Շ Ո Ւ Ն

Երբ նոյն իսկ կենդանիներ շնորհակալութիւն  
կը յայտնեն իրենց բարերարներու , միթէ կարելի՞  
է որ մարդու ապաշնորհ ըլլայ : Կենդանիներն  
ընդհանրապէս իրենց տէրերուն հաւատարիմ են ,  
բայց շոնն այս մասին ամենքը կը գերազանցէ :

Ահաւասիկ գեղեցիկ օրինակ մը :  
Վաճառական մը ձիով հեռի տեղ մը կը ճամ-  
բորդէր մէծ դումար մը սասանալու համար . ետե-  
էն կը վաղէր իւր հաւատարիմ շոնը : Դրամն  
ստանալէ ետքը , լեցուն քսակը բամբին ետեւը  
կապեց և շանը հետ վերադարձաւ դէպի ի տուն :  
Ճամբան քսակը բրդելով վար ինկաւ , բայց վա-

ճառականը ամենեւին չնշմարեց : Արատես շունք տեսաւ զայս , փորձեց ակռաներով վերյնել պարկը , բայց երր զգաց թէ իւր կարողութենէն վեր բան էր՝ թողուց , վաղեց հասաւ իւր տիրոջը և ուզելով կերպով մը իմայնել անոր՝ սկսաւ ձիուն առաջքը կտրել , վրան յարձակիլ և յամառութեամբ ու կատաղութեամբ հաշելով կ'աշխատէր կեցնել զայն : Վաճառականն առանց ասոր պատճառն իւմանալու , սկսաւ շանը բարկանալ , նախատել և մերակով ծեծել զայն , բայց պարապ տեղը . հաւատարիմ շունը կը շարունակէր ձիուն վրայ յարձակիլ այնպիսի կատաղութեամբ որ կարծես թէ կ'ուզէր իր տէրը վար իջեցնել : Տեսնելով որ ըրածները օգուտ մը չէին ունենար և վաճառականը հետդիետէ աւելի կը հեռանար , շունն սկսաւ ձիուն ոտքերը խածնել որպէս զի դոնէ ասով կարենայ կեցնել ու ետ դարձնել տէրը : Վաճառականը վախցաւ մտածեց որ մի՛ դուցէ շունը կատաղած ըլլայ , գիտնալով միանդամայն թէ որքա՞ն վտանգաւոր են կատաղած շուները , ուստի որոշեց սպաննել իւր հաւատարիմ ծառան : Ասկայն դեռ երկար ժամանակ աշխատեցաւ հեռոյնել շունը մերթ փայխայանիներով , մերը սպառնալիքով և մերթ

մտրակի հարուածներով . վերջապէս տեսնելով որ ամենայն ինչ անօդուտ է , հանեց ատրճանակը և արձակեց հաւատարիմ կենդանւոյն վրայ . Եռնը վար ինկաւ , բայց վայրկետնէ մը դարձեալ ոտքի ելաւ և ցաւալի ճիշերով արիւնորարաւ սկսաւ հետեւիլ իւր տիրոջ : Վաճառականն իւր շունը շատ սիրելուն , ծանր էր իրեն անոր չարչարուիլը տեսնել . այս պատճառաւ ասպանդակները շարժեց և սկսաւ արշաւել : Քիչ մը տեղ հեռանալէ ետքը , ուզեց տեսնել թէ ի՞նչ եղաւ խեղճ կենդանին . այս միջոցին ետին դառնալով տեսաւ որ ստակինն քսակը չկոյ : Այն ասեն միայն վաճառականը հասկցաւ իւր շան այսպէս վարուելուն պատճառը և աւելի շանը վրայ ցաւեցաւ քան թէ ստակիներուն : Իսկոյն ձիուն գըտիսը դարձոց , բայց շունը չգտաւ ուր որ թողած էր : Արեան հետին կը յայտնուէր թէ կենդանին եկած ճամբէն ետ դարձեր է : Որքա՞ն ցաւեցաւ բարի վաճառականը երր արիւնի նշաններուն հետեւելով՝ դասաւ իւր հաւատարիմ կենդանին քսակին քով ինկած : Եռնը դիտակցարար նայեցաւ իւր տիրոջ և փաղաքանքով կը լզէր անոր ձեռքերը . խեղճ կենդանին յայտնի կը ցուցնէր թէ դո՞հ էր որ իւր տէրը վե-

Ըստարձաւ և դասւ իւր կորուստը : Մի քանի  
ըսպէ ետք շունն անկենդան փռուեցաւ , իսկ վա-  
ճառականը ալտում տվառ տուն դարձաւ :

Թէլադրութիւններ . — Հարցումներու վերածել . —  
Բարոյական :

### Դ.Ա.Մ ՄՊ.

125. Մէրմէկ խօսք կաղմել հետեւեալ բառերով .

Բարերար , ապահնորհութիւն , մտրակ , պարկ , փայ-  
փայանք , մերթ լնող մերթ , արիւնաթաթաւ , հետք ,  
փաղաքչանք :

Նարադրութիւն , երեք մեծ բժիշկներ , — 1. Մեծ  
բժիշկ մը մահամերձ է , ուրիշ բժիշկներ զայն կը դար-  
մաննան , (նկարագրել անսարանը) : 2. Մահամերձը կ'ըսէ  
թէ իրմէն ետք երեք մեծ բժիշկ կը թողու (մահամերձին  
խօսիլ առալ) : 3. Բժիշկները մէկիկ մէկիկ կ'ստիպեն զա-  
նիկա որ բացասարէ այս խօսքերը (ինչո՞ւ) : 4. Մահա-  
մերձը կը ձայնէ երեք անուններ , (մաքրութիւն , չափա-  
սորութիւն , մարմն ամարդ) :

### Դ.Ա.Մ ՄՊ.



### ԾԻԾԵՌՆԱԿԻՆ ԲՈՅՆԸ

Երբ ծիծեռնակ մը գար իր բոյնը շինել պա-  
տուհանիս մէջ , սիրով պիտի հիւրընկալէի զայն ե-  
թող պիտի տայի որ իր թուխոը մեծնայ հանդար-  
տորէն :

Առած մը կ'ըսէ որ ծիծեռնակի բոյն մը եր-  
ջանկութիւն կ'բերէ տանը : Ատոր համար չէ սա-  
կայն որ բոյնը պիտի յարգեմ , լաւ գիտեմ որ կան  
բաներ որոնք երջանկութիւն կը բերեն և կան բա-  
ներ որոնք գժբաղդութիւն : Այն մարդիկ որոնք  
ծիծեռնակներուն հիւրընկալու են , բարի են , կը  
սիրուին , ու երբ մարդ կը սիրովի , մեծ երջան-  
կութիւն մըն է ատիկա :

Պիտի պահեմ մայր ծիծեռնակը , որ բոյնը պիտի մաքրէ , պիտի տեսնեմ հայրը , որ առատուն կը մեկնի իր պղտիկներուն ուտելիք բերելու համար : Պիտի տեսնեմ պղտիկներուն ըրած թռելու վարժութիւնը և օր մըն ալ անոնց մեկնումը :

Երբ մեկնին և վերադառնան , պիտի հարցը նեմ խթպինքիս թէ ո՞ր երկիրները դացին անմք : Եթէ ծիծեռնակները խօսէին , աղուոր աշխարհագործիւն պիտի սովորեցնէին ինձի : Գիրքերուու ու աշխարհացոյցիս մէջ պիտի փնտուեմ այն երկիրները ուր կը դադթեն պատուհանիս ծիծեռնակները : Ո՞ւր պիտի կենան արդեօք իմ ճանապարհորդները . Յունաստան արդեօք , ուր հիմ արձաններու պալատներու աւերակներ կան : Եգիպտոսո՞ս արդեօք , ուր բուրգերը կը դանուին : Թերեւու մինչեւ հարաւային Ա. փրիկէ պիտի երթան :

Ասմաք պիտի մտածեմ , բարեկամներուու մեծողեւորութիւնը աեսնելով : Պիտի մաղթեմ իրենց հոս աեղի պէս բարի հիւրընկալ տղայ մը գտնել , զոր ես չեմ ճանճնար , և ովեէ չարիք չպիտի ընէ իրենց , և իրենց բարի ճանճապարհ պիտի մաղթեմ , որ յառաջիկայ դարնան անսնք մեկնին իրենց տունէն վերադառնալու համար իմ պատուհանիս քով :

Հետեւեալ խոռքերուն հականիշը գրեցէք .

Ուրախ , յառատու , բարերար , մսեղ , վագել , գիտել , խելացաթիւն , զթոս , բաղդասոր , աշխատասէր , աչքառու , փորձասու , թեթեւարարոյ , աշխատութիւն , հիւանդութիւն , ցորել , լոյս , նիհար , ակար , սեւ , արագ , օգուտ , արտում , վառել :

## ԴԱՍՄԵ.



## ՏԳԻՏՈՒԹԵԱՆ ՎՆԱՍՆԵՐԸ

Մարկոս , որ հուժկու տղայ մըն է , փայտ կարած ստեն ծառէն իյնալով ոտքը վիրաւորեց . Մարկոս՝ որ չարքաշ ու քաջ տղայ մըն է , ըստ իր ծնողքին , բան մը չէ բժիշկի բնաւ պէտք չունիմ , հանգիստ նստելով ուժ օրուան մէջ բոլոր վին պիտի աղէկնամ .

Ութ օրը անցաւ վէրքը չէր գոցուեր . ընդհակառակը դեղնորակ գոյն մը կ'առնէր , ու վէր-

քին շուրջը գտնուած միոը կը թարախսատէր : Մարկոս տժդոյն է , և երկար օրեր անկողնին մէջ անշարժ պառկելէն տկարացած և անհանգիստ է : Հայրը քաղաք երթալ կ'ուզէ բարելու համար :

Դրացիները կ'այցելէն հիւանդին , կը շաղակառատէն , խորհուրդներ կու տան : « Հաւատացէք ինձի , կ'ըսէ անոնցմէ մին՝ հիւանդին մօտը , բըմիշկները միայն հարուստները կրնան ինստմել անոնց ստակները առնելու համար : Յովհաննէս աղքարը բերել տուր , ան այս տեսակ վէրքեր քիչ օրուան մէջ կ'աղէկցնէ » : Ու կ'սկսի բժշկուող մարդերու պատմութիւններ ընել և գովել Յովհաննէս աղքօր ճարտարութիւնը վիրաբուժութեան մէջ : Կ'ըսէ թէ անիկա անանկ բաներ գիտէ , զորս բըմիշկները չեն կարգացած , ու ասկից զատ անիկա աժան գինով կուգայ , կ'աւելցնէ դրացին :

Հիւանդին հայրը բժիշկ կանչել կ'ուզէր թէեւ , բայց մօրը իմնդրանքին վրայ կ'ստիպուի այդ մարդը փնտուել :

Մարդը կը շանեն ու կը բերեն տուն , նիշար , կարճահասակ , խորամանկ գէմքով մէկն է ան , տգէտ ու պարծենկոտ : Յովհաննէս աղքար ուշադրութեամբ կը գիտէ վէրքը , ու տգեղ , կոշտ բառերով կ'ըսէ . « Թէեւ հիւանդութիւնը ծանը է ,

բայց գործածած դեղերուս միջոցաւ քիչ ատենէն կը բժշկուի » : Եաբաթէ մը աւելի , ամէն օր կուդայ . հիմա Յովհաննէս աղքար այցելագին չունի , բայց ամէն անգամ սուզ և քիչ գտնուած խոտեր պէտք ըլլալը յայտարարելով հիւանդին մօրը , ստակները կը քաշէ :

Սակայն Մարկոս երթալով կը տկարանար , վէրքին քով սեւ և կարմիր ուռեցքներ սկսած էին դոյանալ : Առտու մը հիւանդին հայրը կ'ըսէ . « Ին մեր տղուն վիճակը գէշ է » : Կառքը կը լծէ ու կ'երթայ բժիշկ բերել : Ճամբան բժիշկին կը պատմէ տղուն վիճակը :

Երբ բժիշկը տուն հասաւ , Մարկոսի ոտքը երկար ատեն քննելու պէտք չունեցաւ , մէկ կողմէ տղուն հայրը .

— Փտախտ է ասիկա , աղնիւ բարեկամն , ըստ :

— Փտաշիտ . . . :

— Աւաշ , այս' , այսինքն թունաւորումը միւսին և անկէ ետքը մահ , եթէ երբէք մեծ ույանդուգն գործողութիւն մը չկատարենք հիւանդին վրայ :

— Աստուած իմ , ի՞նչ պէտք է ընել ուրեմն :

— Պէտք է ծոնկը կտրել առանց երկար ատեն անցնելու . օ՞ն , վախնալու բան մը չկայ , քաջութիւն :

Եւ ձեռքը սեղմեց միւսմիտ և բարի ծերուկին, որ կուլար։ «Չեր կինը և ձեր միւս զաւակը դործողութեան գաղափարին վարժեցուցէք, վազը պիտի գամ դործողութիւնը կասարելու համար։»

Մեծ յուզում մը տիրեց գիւղին մէջ, երբ հետեւեալ օրը բժիշկը իր օգնականներով հասաւ։ Խեղճ մայրը, տան մէկ անկիւնը քաշուած, կուլար ականջները գոցելով, որպէս զի իր աղուն պոռալու ձայնը չի լսէ։

Հայրը դիմակի մը պէս դունաստ, ուղիղ կը կենար Մարկոսի անկողնին քով։ Մարկոս քաջութիւն ունեցաւ և դործողութիւնը յաջողեցաւ։ Խեղճ աղան իր առողջութիւնը վերասացաւ, բայց անկէ ետքը միշտ փայտէ ստքով կը քարէր։

Այս ցաւակի գէպքէն ետքը Մարկոսի սայրը ատանկ կեղճ բժիշկներու խօսքին չհաւասաց բնաւ, և այդ գէպքը մեծ խրատ մը եղաւ գիւղացիներուն, որպէս զի իրենց հիւանդները բժիշկներուն միայն ցույնեն, զգուշանալով շինծու տունի գեղեր դործածելէ։

Թէլադրութիւններ . — Հարցումներու վերածել . — Բարոյական . — Ական, ային, աւէս մասնիկներով տանցել հետեւեալ բառերը .

Սէր, օդ, ծաղիկ, գպրոց, մարդիկ, հանգիստ, հովիւր, գեղջուկ, հոտ, արփի, գաշտ, հանք, հարաւ, փրկութիւն, երանութիւն, ընկեր, որդի, աղայ, մանուկ .

## ԿՈՅՐ ԵՐԳՉՉՈՒՅԻՆ

Ճամբառն եղրը նստած է կոյր երգչուհի մը որ իւր երգեհնին միօրինակ խուլ ճոնչիւնով անցորդաց գութը շարժել կը փորձէ։ Ցնցոտիներով ծածկուած է համակ . պատառատուն լաշտիկի մը տակ ծածկած գլուխը շատ քիչ անգամ կը բարձրացնէ . ցաւէ, զրկանքէ, թշուառութենէ հիւծեալ գէմք մը, որուն վրայ կը տեսնուեին իւր աչերն, անդիք, անսեւեն՝ որք իրենց միօրինակ անշարժութեան մէջ սարսապղեցիկ տպաս որութիւն մը կ'ընեն մարդու վրայ . Երիասարդ ըլլալ կը թուի, և սակայն անօթութիւնն ու զրկանքը շատ իսկ թօննեցուցած են զնա .

Բազմութիւնը կ'անցնի . հարուստն՝ որ հեշտորէն կասքի մը խորն ընկողմանած՝ հաճոյքի ու զեղիսութեան ետեւէն կը վաղէ . աղքանն՝ որ զլիսիկոր ու թախծաւլից, իւր օրապահիկը ճարել կը փորձէ . մանկիկն՝ որ իւր խաղալիքներուն վրայ կը մտածէ, և երիասարդոն՝ որ քաղցրագոյն երազներով կ'օրորէ միտքը . Ամէնքն ալ կ'անցնին . ինք՝ անդիսակ ու անսարքեր՝ իւր միօրինակի եղանակը կը շարունակէ նուագել ամէն օր, ամէն ժամ . հոգանակը կը շարունակէ նուագել ամէն օր, ամէն ժամ . Վին ու անձիւնն, ցուրախն ու տաքին . Զի զգար ժամանակին վին ու աղիւն, ցուցէ երեկոյեան զեսահիլը . ո՞վ պիտի իմացնէ իրեն, գուցէ երեկոյեան զեսահիլը . միայն, երբ գայ չոյել իւր առշորեալ ճակատը, փիւռը միայն, երբ գայ չոյել իւր առշորեալ ճակատը, միակ զգուանք զոր թերեւս զգացած լինի ամբողջ կեմակ զգուանք մէջ . Ո՞վ կիսէ, նա ունի՞ արդեօք սիրելի մը, նացը մէջ .

Ամէն անգամ, թէ՛ ձմեռուան սաստկաշտնչ օրեւուն, և թէ՛ գարնան անոյշ ու պայծառ երեկոյները՝ կ'անցնիմ անոր առջեւէն պահ մը կանդ առնելով. սա կայն այս դառն մտածութիւնները կը պաշարեն դիս, և կը հարցնեմ մտովի, թէ ի՞նչպէս այս լքեալ արարածները կրնան տանիլ կենաց այս դառնագոյն բեռը. կ'երեւի թէ բնութիւնը զիրենք կամ չափաղանց անդգայ և կամ չափաղանց լաւառես ստեղծած է:

## ԲԱՏՈՒԱՑԻ ՊԶՏԻԿ ՏՂԱՆ

(ԱՄՍՈՐԵԱՅ ՊԱՏՄՈՒԹԻՒՆԸ)

Նաբար 29

Չէ՛, չպիտի ըլլամ վաս մը, սակայն չատ տուելի յօժարակամ պիտի երթայի դպրոց, եթէ ուսուցիչը ամէն օր մեղի ըսեր պատմութիւն մը այս առառւանին նմանն: Ամէն ամիս, նա ըստ մեղի, պիտի ըսէ նմանօրինակ պատմութիւն մը, ու մեղի պիտի տայ որ օրինակենք. և այն՝ պիտի ըլլաց միշտ՝ աղու մը կատարած զեղեցիկ արարքի մը պատմութիւնը:

Բատուացի Պօտիկ Տղան, այսպէս է այն պատմութեան վերնագիրը:

Սպանիական նառ մը Պառչէլօնիայէն կը մեկնէր ձենտվա երթալու համար: Ֆրանսացիներ, իտալացիներ, սպանիացիներ, զուխցերիացիներ կային նաւուն մէջ:

Այս ճամբորգներու ամբովսին մէջ կը աեւմնուէր տասլմէկ տարեկան տղայ մը, գէշ հագուստ, միշտ մեկուսի կեցած, և հմտ գտնուողներէն իւրաքանչիւրին դժմէ նայուածք մը նետելով: Թերեւս անարդար չէր նա, երբ ոյսպէս կը նայէր ամէնուն: Երկու տարի առաջ իր հայրն ու մայրը — Բատուացի շըջականներու գիւղացիներ, շատ ողորմելի մարդիկ, — զրամական նուերէ մը՝ հրամատուրուած, զայն վարձու տուեր էին աճպարաններու խմբի մը պետին, որ, քանի մը ճարտար գործեր ընել սորվեցներէ յետոյ իրեն, հարուածներու զօրութեամբ, հետն ի վեր քաշկռտեր էր Ֆրանսայի և Սպանիայի միջեւէն, զայն տանջնելով անդադար ու կարելի եղածին չափ քիչ սնուցանելով: Պառչէլօնա համնելնուն, չկրնալով այլ եւս հանդուրժել այնքան թշուառ կացութեան մը, հէտ տըզան խոյս տուեր էր իր բռնաւորին ձեռքէն, և լաւ գաղափար մը ունեցեր էր երթալ ինքզինքը իտալիոյ հիւպատուսին պաշտպանութեան տակ զնելու: Հիւպատուսը զիթալով տղուն վրայ, անոր տուեր էր ձրի տոմսակ մը ճամբուն համար, և նամակ մը ձենովլայի քաղաքապետին ուղղուած, որպէս զի ան հոգ տանի տղան իր ծընողքին՝ զրկելու, — ծնողքն՝ որ գրեթէ զինքը ծախեր էին իրեւ անսառուն: Խեղճը, տառապագին տղայ, ցընէին իրեւ անսառուն մէջ: Ճամբորգները իրեն կը տուեր էին իրեն՝ նաւուն մէջ: Ճամբորգները իրեն կը բրեմն կը հարցափորձէին. բայց տղան չէր պատասխանէր: Կարծես թէ ամէնը կ'ասոէր, զրկանքը ու տառապանքը ա'յնչափ զայրացուցած և վայրենի ըրած էին զինքը: Սակայն, պնդելով սինդելով, երեք ճամբորգները յաջողեցան թշուառ տղուն լեզուն սանալ. և բորդներ յաջողեցան թշուառ տղուն լեզուն սանալ. և նա՝ քանի մը բառով, կէս մը վենետիկեան լեզուով,

Կէս մը սպանիական, սպասմաց իր սպասմութիւնը : Այս երեք ճամբորդները խաւացի չէին, բայց հասկցան հէք տղուն թշուառութիւնը . և քիչ մը կարեկցութեամբ, քիչ մըն ալ ատեն անցնելու համար, հաւանեցան սպակ տալ իրեն զինքը խօսեցնելու համար : Այն միջոցին քանի մը ափկիններ մտան սրահը որուն վրայ կը բացուին երկրորդ կարգի խուցերուն դուսները, և երեք ճամբորդները, նորէն սասակ տուին պղտիկ Բատուացիին . «Առաս, ա՛ս ալ առ» կ'ըսէին, նետելով արծաթ ստակները սեղանին վրայ :

Տղան, ստակները գրանելով, չնորհակալ կ'ըլլար կիսաձայն, իր կոչու բարբառովը, բայց ժպասպին և սիրակաթ նայուած քով մը : Յետոյ սպրդեցաւ իր խցիկը, վարագոյնները քաշեց ու անշարժ կեցաւ, խորհելով իր ընելիքին վրայ :

Այս ստակով, կը մտածէր նա, պիտի կրնար կշտանալ, ինք որ երկու տարիէ ի վեր հազիւ ուտելու բան մը կը գտնէր : Ճենովա ելլելուն պէս վայելուչ հագուստ մը պիտի գնէր — հագածը երկու տարիէ ի վեր վրան էր ու պատառ պատառ եղած էր . — կրնար նաեւ յուռալ, քիչ մը ստակ տանելով իր ճնողքին, լաւագոյն ընդունելութիւն մը գտնէլ անոնցմէ քան եթէ ձեռքերը պարապ երթար : Աս ստակը իրաւցընէ իրեն համար հարստութիւն մըն էր : Աս ամէնը կը մտածէր, տարարախառը, իր խուցին մէջ, գոյ վարագոյններուն եախն . ու ինքինքը նուազ արգահատելի կը գտնէր . . . : Այս միջոցին, երեք ճամբորդները, որանին մէջ տեղի սեղանին առջեւ նստած, կը խմէին ու կը խօսէին իրենց ճամբորդութիւններուն վրայ, և այցելած երկիրներնուն վրայ : Իրենց խօսակցութիւնը եկաւ ինկու իտալիայի վրայ :

Իրենցմէ մէկը սկսաւ գտնգատիլ սպանգովներէն, մէկ ուրիշը երկաթուղիններէն, վերջապէս տաքնալով փոխադարձաբար սկսան գէշ ըսել այն ամէն բանի որ իտալական է : Առաջինը կ'ըսէր թէ՝ կ'նախընարէր ճամբորդներ կարոններուն երկիրը . երկրորդը կ'հաւաստէր թէ իտավայի մէջ խարդախ և աւազակ մարդոց միայն հանդիպած է . երրորդը կը յարէր թէ սպաչածնեաները բնակարդալ չէն զիտեր : «Տգէտ ժողովուրդ մըն է», կ'ըսէր առաջինը : — «Կեղասու», կը յարէր երկրորդը — : «Գու . . .» գոչեց երրորդը : «Գող» պիտի ըսէր, բայց ժամանակ չունեցաւ : Դեղին ու ձերմակ ստակներու տեղասարափմը թափեցաւ այս մարդոց վրայ, սեղանին ու տախտակամածին վրայ ցայտելով : Երեք ճամբորդները ուոքիւնան կատղած, նայելով թէ ուրկէ կրնար գալ այս հիւսքը, և սուելու կարկուտ մը կերան նորէն :

«Ե՞տ առէք ձեր ստակը, կը սուսար անոնց արհամարհանքով պղտիկ Բատուացին, որ բացեր էր խցիկն վարագոյնները : Զեմ ընդունիր անոնց ողորմութիւնը որ իմ երկիրս կ'անարգեն :»

Թէլադրուքիւններ . — Հարցումներու վերածել . — Բարոյական :

---

Ուսանողաց միտքը զարգացնելու եւ գը-  
րական հաշակ մը տալու համար անոնց՝ յար-  
մար դատուած է մէկ բանի պարզ ուսանաւոր-  
ներ զետեղել զիրքիս վերջերը :



## ԱՐԵՒԱԳԱԼ

Առասու եղաւ , Երկնի դրոներ կը բացուին .  
Ոսկի շողեր ցանէ արեւն իր չորս դին ,  
Կը փարատի մուր զիւերը , արշալոյս  
Կը զարդարէ իր շողերով՝ ծաղիկ , բոյս :

Տեսէ՛ք , սարին վերէն ծագի նա պայծառ ,  
Ամպին տակին գուրս կը ցայտէ մեծափառ .  
Ոսկի՝ արեւ , Ելի՛ր , շողա՝ լուսալիր ,  
Առանց մեզի , ծաղիկ ու ցող չեն փայլիր :

Առանց մեզի մարդը ապրիլ կարո՞ղ է ,  
Առանց մեզի կը բուսնի՞ տունկը հողէ .  
Ոռանց մեզի , բռչուն կրնա՞յ զեղզեղել՝  
Արարշին սուրբ աճունն օրինել յեղլեղել

Անհունուրեան մեջ ասպարեզդ արձա՛կ է .  
Հոն քրմագոյն նախանչները արձակէ .  
Կեանի սուր խոտին , ծաղիկ , փորիկ միջատին ,  
Տաֆցուր շողովդ մարմինը հեք աղբատին :

### ՏՆԱՅՈՑ ՅՈՐԴՈՐԱԿ

Նոր տարի , Կաղանդ , Սուրբ Ծնունդ Փրկչին  
Ցնծուրեան օրեր են ձեզի համար .  
Համբոյրներ տեղան , Ժըպիսներ քոչին ,  
Երգ , պար , խինդ ու խաղ խայտան անհամար :  
Դուրսը դաշ ու լեռ , նայեցէ՛ք , սրդա՛ք ,  
Թանձ ամպեր , սառոյցն ու ձիւնն են պատեր .  
Բայց ցուրտն , ծիւնին՝ դուք պէտք չե դողաբ  
Քանի որ սիրով տա՛ք են ձեր սիրտեր :

\* \* \*

Մըռայլ են տարւոյն օրերն առաջին ,  
Կեանին պէս՝ որ դառն , այլ կ'արժէ ապրիլ ,  
Զի թիրուանց , քոչինց սիրոյ հառաջին ,  
Ծաղկանց փունջերով տուն կուտայ Ապրիլ ,  
Դուք մայր Բընուրիւնն երգեցէ՛ք , սրդա՛ք ,  
Դուք՝ որ տառապիլ ու լալ չե զիտեր ,  
Երանուրեան մէջ դուք պէտք է լողաբ ,  
Քանի որ խանգով լի՛ են ձեր սիրտեր :

\* \* \*

Վեհաւուք երկնից արեւն ալ պայծառ  
Երբ ժպտի ձեզի ամպերուն մէջին ,

Խամրին վարդ , այլ զինքն օրինեն ամեն ծառ  
Որոնց ոսոց տակ բոյներ մըրմբնջեն :  
Դուք արեւուն փառքն օրինեցէ՛ք , սրդա՛ք ,  
Ու՝ վարդ՝ դեռ խամրիլ , այրիլ չե զիտեր ,  
Պէտք է միւս բուրեք , ժպտի ու տողաբ  
Քանի որ հաւատի ունին ձեր սիրտեր :

\* \* \*

Աւնան մէջ երբոր տրխուր վայէ բուն ,  
Գոսացած տերեւի ալ երբ բօրափին ,  
Մինչ մենք կը խոկանի սրտով տրոփուն ,  
Դուք վերջ մի՛սաք , մի՛ , ձեր երգ ու ծափին :  
Ձեզմովլ լոկ մընան մեր իղձերն անմեռ ,  
Ձեզմովլ՝ որ բաղձալ , պատրիլ չե զիտեր .  
Տրդա՛ք երգեցէ՛ք ամառ քե ձրմեռ ,  
Ցուսով ու լուսով լի՛ են ձեր սիրտեր :



### ԵՐԳ ԴՊՐՈՑԻ

Ո՞վ յարկ վըսեմ, տուն սրբանուեր,  
Ընկա՛լ սրտից մեր օրհներգներ :  
Անո՞յ ոռորան մատաղ մեր տիոց,  
Ուր զուարք սահի այգ կեանք ոսկեզօծ,  
Ուր մեզ ոռորեն հողմունք երկնաշունչ  
Եւ հրեատակ ի մեզ ցանեն վարդից փունջ,  
Ուր փրկարար ջամբէ մեզ կաք  
Խմասութիւն մայր խանդակար :  
Պարտէզ բանաւոր զոր խնկեն ի բոյր  
Բարւոյն, ձևմարտին ծաղկունք գեղաբոյր,  
Որոց զիմիւք ծըծեն հոգիք մեր անյազ  
Կազմել խմասից մեղրը անապակ :  
Ո՞վ յարկ վըսեմ, տուն սրբանուեր,  
Ընկա՛լ սրտից մեր օրհներգներ :  
Աշխարհն է մի ծով ուր զոռայ մրրիկ,  
Դպրոցն անխոշով ծոց մ' հանդարտիկ ,

Ուր չիշխեն փրչել մահանոս բամիք  
Եւ պարզի վերեւն անամպ մի երկինք .  
Խաղաղութեան բաղցը օքելան,  
Անմեղ տարփից՝ երանութեան :  
Քայց շուտ կը հասնին օրեր փորորկի ,  
Կեանին է փրչալից, ծառայ ենք պարտի ,  
Դպրոց մեզ կուտայ նշանակ սիրոյ,  
Գիտութեան նրազ, փարոս հաւատոյ :  
Տաճա՛ր հրաշագործ, վլսեմ ձուլարա՛ն ,  
Ուր կապարն յոսկի, նիւրն հոգի դառնան ,  
Եւ դո՛ւ կերտես ,  
Դո՛ւ, զապագան .  
Մանկանց սիրելի ,  
Ազանց պատելի ,  
Քեզ փա՛ռք, ո՞վ դպրոց ,  
Լուսոյ վառարան :

---



## ՄԱՔՐՈՒԱԾ ԱՐՏԸ

Երկու մարդիկ եքքեմն հարուս .  
Կրելով յանկարծ զեռ ու կորուս  
Եղած էին գրերէ աղբաս :  
«Ինչ պէտք ընել բաղդէն գանգաս »

Հաին իրառու . «Երկուս ալ արտեր ունինք ժովի հով ,  
«Եկո՛ւր հողագործ ըլլանք մըշակենք զանոնք մեր ձեռ ժով ,  
Հասնին բերքերն , ու աւենան  
Մեր բրափիները լինան . . . » :  
Առին ցորեն , հունի , զարի  
Եզներ , մանգադ ու արօր . . .

Մին խելացի , հողերն արտին մաքրեց բոլոր ,  
Զի բողուց կտոր մ'իսկ բարի . . .  
Մինչ միւսն՝ անմիտ , հազիւ հերկից հողն անխնամ .  
Հսաւ . «Ինչ պէտք պիս' ունենամ . . .  
Ես մաքրութեան արտասովոր . . .  
Արեւն ու անձրեւ , լաւ օդերն են որ

Պիտի հունձներն արտերուն ընեն նըւազ կամ առաս . . .  
— Ու ցանեցին երկուքն ալ : Օդերն աղուոր եղան շաս ,

Սակայն աշունն երբ եկաւ  
Սնիսրնամ արտին բերքն եղաւ սակաւ ,  
Միւսինն անկէ լիուլի  
Տասնապատիկ աւելի :

Այսպէս , բընուրիւնն ու երկինք անզամ ,  
Մաքրութեան խնամքի են սերս բարեկամ  
Եւ անհոգ , անփոյք , բոյլ ու անտարբեր  
Մարդուն վրայ Աստուած բարիք չի բարիք :



## ԾՈՅԼԸ

Երէ չգայ ձայն տալ իրեն  
Հողածու մայրն իր բարի -  
Անկողնին մէջ բուլորէն՝  
Մինչեւ ցորեկ կ'երկարի :

Կամաց հագուի , պուտ մը ջուր  
Հազիւ սրսկէ դեմքին վրայ .

Պատճառանձ մը գտնէ զուր  
Որ դանդաղի , երերայ . . . .

Եւ միշտ սժոյն ու մըռալլ  
Դպրոց կ'երբայ ան շատ ուժ ,  
Տընթենալով ծանրաբայլ ,  
Կարծես ոսքն է մըսեր փուտ :

Հոն , անհոգ ու անտարբեր ,  
Խօսուլըռուսուլ շարունակ ,  
Ճիգ , աշխատանձ չի բափեր ,  
Կը վատնէ իր ժամանակ :

Իր ուսուցչին սաստ ու չախ  
Բլնաւ ազդեր չեն իրեն ,  
Պատիժ ալ տան՝ ֆիրը կախ  
Չի բաշուիր նա ընկերեն :

Երբոր անոնք եւ կ'երգեն  
Կը վազլրզեն , խանդով ժիր ,  
Ինչն աշխոյժին ըրեր քեն ,  
Նսած տեղեն չի շարժիր :

Իրմէ մեծին ու փոքրին  
Ծաղրին է նա առարկայ ,  
Անհանոյ , պաղ , սորին  
Էակ մըն է անիկայ :

Էակ մը , որ պարզապիս  
Աշխատութեան անյարմար ,  
Աշխարհ եկած է կարծես  
Ուտել , խմելու համար :

Եւ որ կ'ապրի անզիտակ ,  
Թէ՝ ժայտի բաղդն ան մարդուն  
Որ կը գործէ , միշտ շիտակ  
Կամբով , ջանենով եռանդուն :

Եւ որ կ'ապրի ու չի զգար  
Կեանիին ախործն ու նաշակ ,  
Թէ անոր մէջ՝ ինչ պայխար ,  
Ինչ վայելի կար անուշակ :

Եւ անվրեակ , ուժ , կամ վաղ ,  
Ծոյլ մարդն , առանց անունի ,  
Թրըուառութեան մէջ , աւարդ ,  
Տառապելով կը մեռնի . . . .

### ԱՇԽԱՏՈՒԹԻՒՆ

Աշխատորիւն, աշխատորիւն,  
Ո՞չափ քարիվ կուսաւ մարդուն.  
Կեամբ երջանիկ, մեծութիւն, զանձ,  
Քու պարզեներդ են գերազանց:

Ճարտարազործ ձեռքերուդ տակ  
Այս մեծ երկիրն է հրատակ.  
Քեզեռվ քացուի անոր արգանդ  
Տալ մեզ հունձներ եւ աղամանդ:

Հոս կը կանգնին բուրզեր հսկայ  
Քու զօրութեանդ իրեւ վրկաց,  
Հոն դիրական ձոխ ապարանց  
Կը հոչակէ վառդդ ու պարծանք:

Երբ առաջին մարդն առ յաւէս  
Թողուց իր դրախտը ծաղկաւէս,  
Մեճութեան մէջ ինք զբաւ լոկ  
Մըսիրառող իր վիշտն ու հոգ:

### ԾՆՈՒՆԴ

Երկինքն է սեւ, երկիր՝ այիտակ,  
Թող հրայեն նայմի զանգակներուն.  
Ծընաւ Յիսուս. կոյս վայրահակ  
Զայն կը դիտէ դեմքով սիրուն:

Հոն սրահակներ ջրկան զարդի  
Պահել ցուրտէն մանկիկը զիրզ,  
Ու միմիսայն ուսայմի սարդի  
Գերաններէն կը կախուին խիրկ:

Զոյ յարդին վրայ կը սարսոնի  
Սիրուն փորիկ Յիսուսն ու զայնի  
Տաֆցընել մէջն իր մսուրի  
Լշն ու եզր շրնչեն վըրան:

Չին իր ծովերն կախէ զունդ զունդ,  
Բացց տանեաց վրայ երկինքն է բաց,  
Հովհաններուն «Ծընունդ, Ծընունդ»  
Երկեն այիտակ դասէ հրեշտակաց:

## ԻՆՉՊԵՍ ՊԷՏՔ Է ԸԼԼԱՅ ԲԱՐԻ ԴԹՐՈՑԱԿԱՆ ՄԸ

— Դան պիտի սիրես քու դպրոցդ, որավհետեւ այն փառաւոր առնն է, ուր կ'աշխատին զքեղ ուսեալ և պարկիչտ անձ մը ընել :

— Պիտի սիրես ուսուցիչդ, պիտի ըլլաս անոնց հետ անկեղծ և բարի, որպէս զի անոնք ալ քեղ հետ ըլլան անկեղծ և բարի :

— Պիտի սիրես ընկերներդ, պիտի ըլլաս անոնց հետ անկեղծ և բարի, որպէս զի անոնք ալ քեղ հետ ըլլան անկեղծ և բարի :

— Պիտի ըլլաս ճշգապահ. եթէ մէկը ուշ հասնի դասին, հետեւանքը գէշ է :

— Մամկ պիտի ընեւ ուշադիր և միշտ. գիտես թէ երբ գուն կը խօսիս ընկերոջ մը հետ, ուսուցիչը չսորցեցներ այն բանը՝ զոր գուն չզիտնալուդ համար վերջը պիտի ցաւիս :

— Պիտի գիտնաս դասերդ և պիտի կատարես պարաքերդ կրցածիդ չափ լսւ. ուսանողի մը ջանքը պարզ բան մըն է, և մանկութենէ պէտք է յարգես այն բան՝ որ է պարաք :



## ՑԱՆԿ ՆԻՒԹՈՑ

|        | Էջ                                     |    |
|--------|----------------------------------------|----|
| ԴԱՍ Ա. | Գիրքը . . . . .                        | 11 |
| » Բ.   | Հրահանգ . . . . .                      | 13 |
| » Գ.   | Ազօրք Մամկան . . . . .                 | 14 |
| » Դ.   | Հնահանգ . . . . .                      | 16 |
| » Ե.   | Ասուած մեր պատապանն է . . . . .        | 17 |
| » Զ.   | Հրահանգ . . . . .                      | 19 |
| » Է.   | Վարէ՛, որդեակ իմ . . . . .             | 20 |
| » Ը.   | Հրահանգ . . . . .                      | 21 |
| » Թ.   | Հայենի զիւլք . . . . .                 | 22 |
| » Ժ.   | Հրահանգ . . . . .                      | 24 |
| » ԺԱ.  | Բարեզործ աղջիկն . . . . .              | 25 |
| » ԺԲ.  | Հրահանգ . . . . .                      | 27 |
| » ԺԳ.  | Ամէն բանով Ասուած կ'յալսնուի . . . . . | 27 |
| » ԺԴ.  | (Նար.) » » . . . . .                   | 29 |
| » ԺԵ.  | Հրահանգ . . . . .                      | 31 |
| » ԺԶ.  | » . . . . .                            | 31 |
| » ԺԷ.  | Ազուակ եւ աղուէս . . . . .             | 32 |
| » ԺԹ.  | Հրահանգ . . . . .                      | 34 |
| » Ի.   | Խորհուրդ մանկանց . . . . .             | 35 |
| » ԻԱ.  | Հրահանգ . . . . .                      | 35 |
| » ԻԲ.  | » . . . . .                            | 37 |
| » ԻԵ.  | Եսաւ եւ Յակոբ . . . . .                | 38 |
| » ԻՖ.  | Հրահանգ . . . . .                      | 39 |
| » ԻԳ.  | Պարտահանաչ աշակերտը . . . . .          | 40 |
| » ԻԶ.  | Հրահանգ . . . . .                      | 41 |
| » ԻԵ.  | Նկարազիր անձին . . . . .               | 43 |
| » ԻԲ.  | Հրահանգ . . . . .                      | 44 |
| » ԻԹ.  | Գիւղացին եւ աղուէսը . . . . .          | 45 |
| » Լ.   | Հրահանգ . . . . .                      | 46 |
| » ԼԱ.  | Յովսէփ ու իր եղբայրներ . . . . .       | 47 |

|          |                     |    |
|----------|---------------------|----|
| ՊԱՍ 1.Բ. | Հրամանգ             | 49 |
| » 1.Գ.   | Ուսուցիչը սիրել     | 50 |
| » 1.Դ.   | Հրամանգ             | 51 |
| » 1.Ե.   | Կաղճի եւ եղեզն      | 52 |
| » 1.Զ.   | Հրամանգ             | 54 |
| » 1.Է.   | Ընկերություն        | 54 |
| » 1.Ը.   | Հրամանգ             | 56 |
| » 1.Թ.   | Զմեռ                | 58 |
| » Խ.     | Հրամանգ             | 60 |
| » Խ.Ա.   | Ուղիս, զայլ, աղուէս | 61 |
| » Խ.Բ.   | Հրամանգ             | 63 |
| » Խ.Գ.   | Արմիթէ              | 64 |
| » Խ.Դ.   | Հրամանգ             | 67 |
| » Խ.Ե.   | Ազաւանիդէ մատանին   | 68 |
| » Խ.Զ.   | Հրամանգ             | 70 |
| » Խ.Հ.   | Ընտանիք             | 71 |
| » Խ.Ի.   | Հրամանգ             | 73 |
| » Խ.Թ.   | Զկներ               | 74 |
| » Ծ.     | Հրամանգ             | 75 |
| » Ծ.Ա.   | Դիեեր               | 76 |
| » Ծ.Բ.   | Հրամանգ             | 79 |
| » Ծ.Գ.   | Աբազանի ու մարզարիս | 79 |
| » Ծ.Դ.   | Հրամանգ             | 80 |
| » Ծ.Ե.   | Դանձանալլ           | 81 |
| » Ծ.Զ.   | Հրամանգ             | 83 |
| » Ծ.Լ.   | Երկու դրացիք        | 84 |
| » Ծ.Ր.   | Հրամանգ             | 88 |
| » Ծ.Թ.   | Մուրացկանը          | 88 |
| » Կ.     | Հրամանգ             | 90 |
| » Կ.Ա.   | Դիւդացի եւ օձ       | 90 |
| » Կ.Բ.   | Հրամանգ             | 91 |
| » Կ.Գ.   | Առուալին ու ժայռը   | 92 |
| » Կ.Դ.   | Հրամանգ             | 94 |
| » Կ.Ե.   | Առուալլ             | 94 |
| » Կ.Զ.   | Հրամանգ             | 96 |

|          |                             |     |
|----------|-----------------------------|-----|
| ՊԱՍ Կ.Հ. | Փամբիկ ստախոսի մը հիշեւանիք | 96  |
| » Կ.Բ.   | Հրամանգ                     | 101 |
| » Կ.Ժ.   | Կատու եւ սպասակ             | 101 |
| » Հ.     | Հրամանգ                     | 103 |
| » Հ.Ա.   | Շագանակ                     | 104 |
| » Հ.Բ.   | Հրամանգ                     | 105 |
| » Հ.Գ.   | Նոյ եւ սատանան              | 106 |
| » Հ.Դ.   | Հրամանգ                     | 108 |
| » Հ.Ե.   | Ցորենն ու կորեկ             | 109 |
| » Հ.Զ.   | Հրամանգ                     | 111 |
| » Հ.Ե.   | Նվացած ժողովագրդը           | 112 |
| » Հ.Ը.   | Հրամանգ                     | 113 |
| » Հ.Թ.   | Կծիք մարդուն կտակը          | 114 |
| » Զ.     | Հրամանգ                     | 115 |
| » Զ.Ա.   | Ասեղիք                      | 116 |
| » Զ.Բ.   | Հրամանգ                     | 119 |
| » Զ.Գ.   | Չծաղրել խեղանդամները        | 119 |
| » Զ.Դ.   | Հրամանգ                     | 121 |
| » Զ.Ե.   | Ծլիփին ու բիբեռնիկը         | 122 |
| » Զ.Զ.   | Հրամանգ                     | 124 |
| » Զ.Լ.   | Զգայուն տղան                | 125 |
| » Զ.Ը.   | Հրամանգ                     | 126 |
| » Զ.Թ.   | Ուղիկ կենալ                 | 127 |
| » Ղ.     | Հրամանգ                     | 128 |
| » Ղ.Ա.   | Խուրնիկ կամ Մեծ Պամ         | 129 |
| » Ղ.Բ.   | Հրամանգ                     | 131 |
| » Ղ.Գ.   | Ուտելու եւ խմելու կանոններ  | 132 |
| » Ղ.Դ.   | Հրամանգ                     | 134 |
| » Ղ.Ե.   | Մուկն ու կովը               | 134 |
| » Ղ.Զ.   | Հրամանգ                     | 136 |
| » Ղ.Ը.   | Առարկայներու խումբեր        | 136 |
| » Ղ.Թ.   | Տօն ու հանգէս               | 137 |
| » Ղ.Ժ.   | Հրամանգ                     | 139 |
| » Ղ.Ճ.   | Հանճարեղ ծերութին           | 139 |
| » Ղ.Ա.   | Հրամանգ                     | 141 |

|         |                                           |     |
|---------|-------------------------------------------|-----|
| ԴԱՍ ՃԲ. | Ընտանիքի ուրախութիւն . . . . .            | 142 |
| » ՃՊ.   | Հրահանգ . . . . .                         | 144 |
| » ՃՊ.   | Մէկ ժամու արձէքը . . . . .                | 144 |
| » ՃԵ.   | Հրահանգ . . . . .                         | 146 |
| » ՃԶ.   | Առիւծը . . . . .                          | 147 |
| » ՃԵ.   | Հրահանգ . . . . .                         | 149 |
| » ՃԲ.   | Նասրէսսին Հօնան ու իր եօր . . . . .       | 149 |
| » ՃԹ.   | Հրահանգ . . . . .                         | 152 |
| » Մ.    | Կապիկին եղբայր . . . . .                  | 153 |
| ՄԱՍ.    | Հրահանգ . . . . .                         | 156 |
| » ՄԲ.   | Հաւատարիմ ռուն . . . . .                  | 157 |
| » ՄԳ.   | Հրահանգ . . . . .                         | 160 |
| » ՄԴ.   | Ծիծեռնակին բոյնը . . . . .                | 161 |
| » ՄԵ.   | Տզիտուրեան լինասները . . . . .            | 163 |
|         | Կոյր երզումին . . . . .                   | 167 |
|         | Բատուացի պղտիկ ևղան . . . . .             | 168 |
|         | Արեւազալ . . . . .                        | 175 |
|         | Տզպոց յուղորակ . . . . .                  | 176 |
|         | Երգ դպրոցի . . . . .                      | 178 |
|         | Մայրուած արտը . . . . .                   | 180 |
|         | Ծոյլը . . . . .                           | 181 |
|         | Աշխատութիւն . . . . .                     | 184 |
|         | Մնունդ . . . . .                          | 185 |
|         | Գեղեցիկ խօսքեր . . . . .                  | 186 |
|         | Ինչպէս պէտք է լլլայ բարի դպրոցական մը . . | 187 |
|         | Առածներ առաքինութեան եւ բարութեան վրայ .  | 188 |



ԹՂԹԱՎԱՐԱԿԱՆՈՒԹԻՒՆ

ՏՊԱՐԱՆ ԵՒ ԿԱԶՄԱՏՈՒՆ

Վ. ԵՒ Հ. ՏԻՐ. ՆԵՐՍԻ. ՍԵ. Ա. Վ.

Սուրբան-Համամ

Կ. ՊՈԼԻՍ

ՀՀ Ազգային գրադարան



NL0249485


ՆՈՐԱԳՈՅՆ ՀՐԱՏՎԱՐԱԿՈՒԹԻՒՆՔ

Ա. Պատրիարքարքան

**ՄԱՅՐԻ ՀԵՂԻ ՀԵՂԻ**

ՀԻՄՆՈՎԻՆ ԲԱՐԵՓՈԽՈՒԽԱԾ

ՄԱՆԿԱՎԱՐԺԱԿԱՆ ՅԱՐՄԱՐԱԳՈՅՆ ՄԷԹՈՏՈՎ ՊԱՏՐԱՍՏՈՒԱՇ



Դ. թ.

|     |                                                            |                             |
|-----|------------------------------------------------------------|-----------------------------|
| 1.  | Մանկապարտեղ Ա. Տարի . . . . .                              | 2                           |
| 2.  | Մանկապարտեղ Բ. Տարի . . . . .                              | 3                           |
| 3.  | Տառական Դասընթացք Ա. Տարի . . . . .                        | 3                           |
| 4.  | Տառական Դասընթացք Բ. Տարի . . . . .                        | 4                           |
| 5.  | Միջին Դասընթացք Ա. Տարի . . . . .                          | 4                           |
| 6.  | Միջին Դասընթացք Բ. Տարի . . . . .                          | 4                           |
| 7.  | Մայրենի Լեզու Գ. Տարի . . . . .                            | 4                           |
| 8.  | Մայրենի Լեզու Դ. Տարի . . . . .                            | 4                           |
| 9.  | Ա. գիրք Ֆրանսերենի ի Հայ բարգմանուր. .                     | 3                           |
| 10. | Քրիստոնեական . . . . .                                     | 1 <sup>1</sup> <sub>2</sub> |
| 11. | Գեղագրութիւն՝ յանկապես պատրաստել Տրուած<br>Խ. Թահիտանեանի. |                             |

Տեսր Ա. 20 փարալ

|   |    |   |   |
|---|----|---|---|
| » | Բ. | » | » |
| » | Գ. | » | » |
| » | Դ. | » | » |
| » | Ե. | » | » |
| » | Զ. | » | » |



Սոյն հրատարակութեանց համար դիմել  
ուղղակի Ազգ. Պատրիարքան :